

cetero Trinitatis assignavit [Leg. forte designantur]; A gratiam vero Filii personæ adjunxit, et charitatem personæ Patris assignavit, et communicationem Spiritui sancto delegavit. Si propter gratiam isti putant Deum hominem secundum humanitatem esse adoptivum; et Apostolus gratiam Filii personæ assignavit, tum Filii personæ ille homo, qui de virgine natus est, adoptivus est. Et quis hoc audet dicere vel credere? Igitur nec propter assumptionem [assumptionis] gratiam potest Filius virginis adoptivus esse. Quid igitur tenendum est, nisi ut omnino proprius sit Filius Deo Patri in utraque natura? Sicut Deus verus est, qui natus ex virgine; ita et verus Filius sit Deo Patri in utraque natura, humana similiter et divina.

B LXXII. Item beatus Augustinus in homilia quadam Christum autem non solum secundum divinitatem, sed etiam secundum humanitatem totum altissimum Deum veræ fidei constitutus. Mater enim Sion dicit homo et homo factus est in ea, et ipse fundavit eam Altissimus (Psal. LXXXVI, 5). Et revera, quis eum Altissimum audeat denegare. Item ipse in Expositio super Joannem ^a: « Nullus sanctorum qualibet præstantia gratiae unigeniti nomen accepit, ut quod est ipsum Dei Verbum ante saecula, hoc simul cum assumpto homine diceretur et vere esset. Singularis ergo illa susceptio nec cum hominibus sanctis, quantilibet sapientia ac sanctitate præstantibus, ullo modo potest esse communis. »

^a Vide supra num. 64.

B

783 BEATI ALCUINI

CONTRA
FELICEM URGELLITANUM EPISCOPUM
LIBRI SEPTEM.

• EPISTOLA ALBINI
AD FELICEM HERETICUM.

(Anno 793.)

Hortatur Felicem ut novitatem doctrinæ deserat, et universalis Ecclesiæ sanctorumque Patrum doctrinam sequatur.

Viro venerando et in Christi charitate desiderando Felici episcopo, humilis levita Alcuinus salutem.

I. Non est cura fraternæ salutis parvi pendenda: non est, quandiu spiritus hos regat artus, divina præveniente gratia cuilibet conversio desperanda. Dum haec ita se habent, et a nemine juste contradici potest, semper sunt seu verborum collatione præsentes admonendi, seu litterarum devotione absentes exhortandi, ut hinc charitatis officium suam ostendat devotionem, et inde humilitas communis fraternitatis suam demonstret obedientiam. Illi Scriptura sacra clamat: *Qui audit, dicat veni; huic evangelica auctoritas intonat: Qui vos audit, me audit* (Luc. x, 16). Spiritus ubi vult, spirat. Unde et de persecutore Saulo factus est Paulus prædictor.

II. Olim me ipsum, celeberrimam tuæ sanctitatis audiens famam per quemdam ex illis partibus presbyterum tuis sacratissimis [Supple: intercessionibus. Codex habet cess.].... commendare curavi ^b, et quem tunc solius famæ auditu amare gestiebam, nunc in Christi charitate et catholice pacis unitate ardenter amare audeo, optans illi æternæ beatitudinis gloriam, quæ nullatenus cuilibet sine universalis Ecclesiæ pace et concordia evenire valet. Unde et has, venerande Pater et amande frater, deprecatorias cum

^a Hic est titulus hujus epistolæ in cod. Salisb., hactenus ineditæ. Vide supra Mōnūtum præsum.

magna humilitatis charitate litterulas tuæ laudabili sapientiæ dirigere curavi; non contentiosum disceptionis funem trahentes, sed triplicem charitatis Christi resticulum trahentes, qui exploratores Jesu Nave [Cod. ms., Jesu nostri, mendose] de peritura Herico [loco Jericho] salvavit; de cuius perditione nos pariter fugere festine suppliciter exhortor, et nihil de anathemate illius desiderare. Nam quidquid doctrinarum extra ecclesiasticæ fidei et apostolicæ doctrinæ muros invenitur, Hierichontina perditionis anathemate tradendum est. Quapropter, charissime frater, te per sanguinem salutis nostræ humiliiter obsecro ut caveas diligenter ne quid apud te exuviarum perditæ civitatis inveniatur, ne pars populi Dei propter improbitatem unius hominis, licet sit de tribu Juda, fugiens prælia Domini, et corruat [F., corruat] coram hostibus suis. Recollige teipsum cum consociis tuis in castra Regis superni, et si alicubi lapso pede titubasti, reforma gressum, et sta in gradu tuo, et fortiter præliare bella Domini. Ecce Jesus levat clypeum ante te. Revertere et persequentes te hostes trucidare non desine, donec ad palmam victoriæ pervenias.

D III. Non est hereticus, nisi ex contentione. Noli contendere frustra; claret enim evangelica per totum orbem doctrina: hanc unanimiter teneamus et fideliter prædicemus. Quid nos homunculi in fine seculi, refrigescente charitate multorum, melius excogitare poterimus, quam ut tota animi intentione apostolicam et evangelicam omni fidei firmitate et veritate sequamur doctrinam, non nova singentes nomina:

^b Vid. epist. 4, ad Felicem episcopum.

non inconsuetum quid proferentes, non nomini nostro per novitatem cuiuslibet doctrinæ vanam cantantes laudem, ne inveniamur reprehensibiles, ubi laudabiles esse desideravimus. Convertere in spe ad **784 Domini Dei** tui sanctissimam clementiam, et deprecare eum die noctuque, ut extremos dies vitæ tuæ in viam veritatis et fidei catholice pacem convertat, ne si te hic sanctitas universalis Ecclesiae respuat, illic te in æterna pace habere contradicat. Memento sententiam Domini Dei Christi, et privilegium magnæ auctoritatis, quod suæ sanctæ concessit Ecclesiae dicens: *Amen dico vobis, quia quæcumque alligaveritis super terram, erunt ligata et in celis; et quæcumque solveritis super terram, reliqua (Matth. xviii, 18.)* Ecce qualis auctoritas sanctæ Dei Ecclesiae, ecce qualis terror recentibus ab ea. Seimus enim unam esse sanctam Dei Ecclesiam, de qua in Symbolo catholicæ decantare solemus: *Unam sanctam catholicam et apostolicam Ecclesiam.* De qua et ipse Sponsus decantavit: *Una est columba mea, perfecta mea, immaculata mea, electa genitrici sua. Viderunt eam filii, et beatissimam prædicaverunt (Cant. vi, 8.)*

IV. Ecce schismaticus error partem rumpit ab ea, et charitatis unitatem maculavit. Igitur in nobis vel in vobis remansit Ecclesia. Duæ enim partes sunt, et non est unitatis concordia. Nos, toto mundo teste, clamamus Christum verum Dei esse filium, sicut Joannes Deo dilectus discipulus post multa testimonia quæ in Evangelio suo de unigeniti nativitate secundum carnem protestari solet, hoc addidit: *Multa quidem et alia signa fecit Jesus in conspectu discipulorum ejus, quæ non sunt scripta in libro hoc. Hæc autem scripta sunt, ut credatis quia Jesus Christus Filius Dei [Supple est], et ut credentes ritam habeatis in nomine ipsius (Joan. xx, 30, 31).* Quid post tale tonitruum dubitatis, singentes nativitatem [F., post nativitatem] illius novum adoptionis nomen, quod in tota Veteris Novique Testamenti serie non inventitur. Cognoscite, viri fratres, quam parvum est Christo Deo, non habere electos in hoc mundo, quam vos paucos; latiorem non habere Ecclesiam, quam intra angustiæ vestræ terminos sitam. Ubi est potestas Petro principi apostolorum data: *Tu es Petrus, et super hanc petram ædificabo Ecclesiam meam, et cætera usque: cœlorum (Matth. xvi, 18)?* Nunquid haec potestas ab eo ablata est, et tibi tradita, quantum super te in fine sæculi, et in angulo mundi nova ædificetur Ecclesia, et apostolicis inconveniens traditionibus? Caveas diligenter, frater venerande, ne haec ædificatio tua super arenam fiat, et sit labor tuus in domo aliena: *Surge, fili, surge et revertere ad Patrem tuum, et in gremium sanctæ matris Ecclesiae.* Pia est mater; te ipsum recollige, ovesque tuas tecum in ovile Christi, quas ipse ob trinam confessionis gloriam beato Petro principi apostolorum pascendas commendavit, congrega. *Nunquid qui dormit, non adjicit, ut resurgat (Psal. xl, 9)? Noli crubescere converti; noli despicere animas,*

A frater, omnium filiorum quos genuisti. Tota evangelica clamat auctoritas, omnia apostolorum protestantur dicta, mundi latitudo credit, Romana prædicat Ecclesia, Christum Jesum verum esse Dei Filium et proprium: quid vultis ei nomen adoptivi imponere? Quid est adoptivus filius, nisi falsus filius? Et si Christus Jesus falsus est Deo Patri Filius, et (quod impium est dicere) falsus est et Deus, falsa est et tota nostræ salutis dispensatio; quia, si adoptivus est filius in humanitate, adoptivus et Deus homo ille qui natus est ex Virgine. Et quid est quod Psalmista canit: *Veritas de terra orta est (Psal. lxxxiv, 12)?* Quis est qui ad dexteram Dei sedet, et venturus est in gloria judicare vivos et mortuos? O! quantis sanctorum Patrum exemplis hanc fidem probare possum, quod Christus Jesus verus est Deo Patri Filius; et mox a conceptione virginis uteri verus conceptus est Deus, verus et natus Deus. Sed mihi propositum fuit deprecatorias, charitate cogente, pro salute tua tuorumque tuæ sanctitati dirigere litterulas.

V. Plurima in scriptis tuis justa et vera inveniuntur. Cave ne in hoc solo [Ms., sæculo, mendose] adoptionis nomine a sensibus sanctorum Patrum dissentias; noli tui sensus cum paucis esse amator, sed cum plurimis veritatis assertor. Ne enim habebis in Christi charitate tuæ salutis fidelem, quantum valeo, cooperatorem; et si tecum loquerer, non despicerem tecum discere quæ vera sunt et fidei catholice consentanea. Nolim te perdere laborem religiosæ vitae, quem pro Christi nomine ab ineunte sætate sustinuisti; ne dicatur tibi, tanta patiebaris sine causa. Veni, frater, veni, Christus te vocat; Ecclesia te desiderat, omnes sancti te civem concipiunt.

VI. **785** Etsi mihi non esset in mente exemplis tecum agere, sed precibus, tamen ex plurimis pauca proponam, ut si meæ parvitatæ litteris non flecteris, sanctorum Patrum catholicis sensibus in viam deducaris veritatis.

Beatus Hilarius, doctor mirabilis, et omni Ecclesiæ Dei laudabilis in vi libro operis pulcherrimi, quem de catholice fidei professione edidit, post multa veritatis testimonia ita intulit (Lib. vi de Trinit., n. 23): « Assignetur sane hoc communionis in Christo nomen, ut Filius sit, si de quoquam dictum reperiatur: *Hic est Filius meus (Matth. iii, 17).* Sin vero proprium ac singulare ei est: *Hic est Filius meus, quid calumniam Deo Patri proferre de Filio proprietatis asserimus?* Anne tibi in eo quod dicitur, *hic est*, non hoc significari videtur? Alios quidem cognominatos ab eo in filios, sed *hic Filius meus* est: donavi adoptionis plurimis nomen, sed iste mihi Filius est: ne queras alium, ne non hunc esse credas; hunc ego tanquam digno [Hil., digito] indice, ac verbi significatione contingo, qua dico: *et meus est, et hic est, Filius est.* Quid post haec intelligentia [Hil., intelligentiæ] poterit esse, ne non esse credatur? » Item ipse in eodem libro (*Ibid.*, num. 36): « Gene-

ralis professio, quid [Ms., quidquid] habet meriti, aut quæ revelationis est gloria, si ex adoptione est filius? aut unde est in beato Petro confessio, hoc filio differenti [Hil., deferenti], quod est commune sanctorum?

VII. Item beatus Athanasius in epistola ad Epictetum, in capitulo 5, sic ait: « Quomodo autem et ambigere audent quidam Christiani, si, qui ex Maria processit Dei Filius, qui de substantia et natura Dei est, secundum carnem autem ex semine David, ex carne autem sanctæ Marie. Quidam autem plus temerarii facti sunt, ut dicent Christum, qui carne passus est et crucifixus, non esse Dominum Salvatorem, et Deum Filium Patris. Aut quomodo Christiani volunt nominari, qui dicunt, in hominem sanctum, sicuti in unum prophetarum venisse Verbum, et non ipsum hominem factum, sumentem ex Maria corpus? » Item ipse post pauca in eadem epistola, capitulo 6: « Non per adoptionem hæc facta sunt, absit, sicut aestimaverunt; sed sicut est veritas, homine facto Salvatore totius hominis salus facta est. Si enim adoptione erat in corpore verbum secundum illos; quod autem adoptione dicitur, phantasia est: reperitur et putative salus. »

VIII. Item beatus Cyrillus in epistola ad monachos directa contra Nestorianam hæresim inter multa sic ait: « Dictum est enim ad eum, *Sede a dextris meis, donec ponam inimicos tuos scabellum pedum tuorum* (Psal. cix); adoret etiam nos supernorum spirituum multitudo. Quando enim, inquit, introducit primogenitum in orbem terrarum dicit: et adoren eum omnes angeli Dei (Hebr. iii, 6). Sed nos quidem, etsi sancto uncti sumus Spiritu, adoptionis quidem ditamur gratia, vocamurque etiam dei; nostre vero naturæ mensuram non ignoramus. Sumus ex terra et habitamus inter servos; at ille est non in quibus nos, sed natura et verus Filius et omnium Dominus. »

IX. Item beatissimus Augustinus in Expositione Psalmorum, in psalmo LXXXVIII. « Quis in nubibus aequalabitur Domino, aut quis similis erit Deo inter filios Dei? Ille unicus, nos multi; ille unus, nos in illo unum; ille natus, nos adoptati; ille ab æterno genitus per naturam, nos a tempore facti per gratiam; ille sine ullo peccato, nos per illum liberati a peccato. » Item ipse in expositione 786 Evangelii secundum Joannem in homilia 7 (num. 4) ait: « Oportebat enim ut ille baptizaret qui est unicus Filius Dei, non adoptivus; adoptivi autem ministri sunt unici; unicus enim habet potestatem adoptandi [Aug., adoptati] ministerium. » Item ipse in eodem

^a In edd. textus ita sonat: « Hæc autem non fictione facta sunt, quemadmodum nonnulli existimarent, absit; sed Salvatore vere homine facto, hinc totius hominis salus consecuta est. Nam si fictione duntaxat Verbum in corpore fuit, ut illi autemant, et si quod dicitur fictione esse, phantasia est, sequitur ut secundum impiissimum Manicheum, specie tantum tenus salus et resurrectio hominum fieri dicatur. » Vide quæ in hunc locum S. Athanasii a

A libro, homilia 14 (Tract. xiv, n. 11), dicit: « Pater diligit Filium, et omnia dedit in manu ejus. Pater diligit Filium, sed quomodo Pater Filium, non quomodo Dominus servum; quomodo unicum, non quomodo adoptatum. »

X. Item beatus Gregorius in Morali libro xviii (cap. 52, n. 85) ait: « Aliud est enim natos homines gratiam adoptionis accipere; aliud unum singulariter per divinitatis potentiam Deum ex ipso conceptu prodiisse. Nec æquari potest gloriæ Unigeniti habitæ per naturam alia, accepta per gratiam. » Item ipse in primo libro (cap. 18): « Quia si et adoptivus quisque filius ad percipiendam divinitatem proficit, nequaquam, ut Deus esset, naturaliter accepit. » Item ipse in eodem libro: « omnes, qui in B filie Deo nascuntur, superat; quia non eum, ut cæteros, adoptio, sed natura illum divinitatis exaltat. » Item ipse in homilia de Pentecoste ait (Hom. 30, n. 9): « Pensate, fratres charissimi, post nativitatem unigeniti Filii, qualis sit hodierna solemnitas de Adventu Spiritus sancti. Sicut enim illa, sic et ista quoque est honorabilis; ibi enim Deus in se creando suscepit hominem; hic homines desuper venientem suscepserunt Deum: ibi Deus naturaliter factus est homo, hic homines per adoptionem facti sunt dñi. » Audi denique, quod beatus Gregorius in eodem Homiliarum libro, cum de agno paschali tractaret dicens: « Non comedetis ex eo crudum quid, nec coctum aqua (Exod. xii, 9). Et paulo post intulit (Hom. 22, n. 8): « Redemptor autem noster nec purus homo existimandus est, neque per humanam sapientiam, qualiter Deus incarnari potuisse, cogitandus; » et post pauca: « Qui igitur paschalis gaudii festivitatem celebrare desiderat, agnum nec aqua coquat, neque crudum comedat, id est, ut per dissolutam scientiam, qualiter Deus incarnari potuit, cogitans, neque in eum tanquam in hominem purum credit. »

XI. Item Chromatius sanctæ Romanæ antistes Ecclesiæ in libello quem de octo Beatitudinibus scripsit, ita dicit: « In mysterio enim baptismi et Filius manens videtur in corpore, et Spiritus sanctus in specie columbae descendit, et vox Patris de cœlis auditur, ut Trinitatis unitas declaretur; quia nec D Pater sine Filio intelligi potest, nec Filius sine Spiritu sancto cognosci. Vide igitur quale Patris de Filiō testimonium sit dicentis: *Hic est Filius meus. Suus utique non per adoptionem gratiæ, neque per religionem creaturæ, ut hæretici volunt, sed sui proprietate generis, et veritate naturæ. Multi enim sanctorum Filii Dei dicuntur, et sunt, sed hic sine du-*

S. Paulino Aquilciensi quoque descriptum critice ac eruditè observat cl. Madrisius, Oper. S. Paulini pag 164, not. (Patrologia tomo XCIX, col. 459).

^b Edit.: « Ut neque per humanam sapientiam profunditatem illius incarnationis penetrare appetat, neque in eum tanquam in hominem purum credat. »

^c Vide hunc locum quoque descriptum supra col. 97, n. 26, cum nota ibi addita.

bio compassione [Leg., sine comparatione] unus A
Deo Patri Filius unigenitus et verus et proprius, non
autem, quam de Patre natus, quia tam verus Pater
Pater est, quam verus et Deus est. Sicut tam verus
Filius Filius est, quam verus et Dominus est. Perse-
cta ergo fides est Trinitatis ostensa, cum et Pater
Christum Dominum ac Deum nostrum Filium suum
esse testatur, et Spiritus sanctus, id est, Paracletus
in tanto fidei sacramento Patri Filioque conjungi-
tur, ut verum Patrem, verum Filium, verum etiam
Spiritum sanctum crederemus tres personas, sed
unam divinitatem Trinitatis, unamque substantiam. »

XII. His et hujusmodi venerabilibus sanctorum
Patrum sententiis non credere impium esse putamus.
Nemo sobrius contra veritatem, nemo catholicus
787 contra sancte et unice Ecclesie doctores,
nemo pius contra sanctorum testimonia Scriptura-
rum sentit. Discite, que ad salutem animarum ve-
strarum pertinent, et regiam viam ab apostolis tri-
tam, a Patribus frequentatam, a mundi latitudine
electam, pleno catholicæ fidei pede incedite. Hortare
fratrem tuum venerabilem episcopum, quem cum
amore nomina [Ita cod.; leg. nomino], Elipandum,
et tecum et cum sanctorum innumerabili multitudine
ad portam perpetuae civitatis ascendat. Nolite gregem
Christi, quem accepistis paseendum, perdere, sed
salvere.* In uno tantummodo adoptionis verbo a san-
cta et apostolica Ecclesia discordamini. Facile est hoc
verbum, divina vos auxiliante gratia, immutare et
evangelicis et apostolicis uti verbis. Quam speciosa,
laudabilis et salubris est conversio vestra ad unita-
tem pacis et fidei, et quantam habetis gloriam apud
Deum et sanctos ejus! Utinam legit et videat in
pace et profectu parvitas mea litteras beatitudinis
vestrae, ut gaudens intelligam, si aliquid devotionis
meae et charitatis, quam habeo pro vobis in Chri-
stio, proficerent preces. *Humiliamini sub manu omni-
potentis Dei, ut vos exalteat in tempore tribulationis* (I Petr. v, 6): et nolite vestrae amatores esse sa-
pientiae cum paucis, sed veritatis assertores sitis
cum plurimis. *Convertimini ad me, et ego revertar ad
vos, dicit Dominus* (Zach. i, 3). Divina vos in Spi-
ritu Paracleto præveniat gratia ad intelligendam et
prædicandam fidei veritatem, quatenus immaculati
et coronati ante tribunal summi Judicis audire
meamini: *Venite, benedicti. Reliqua* (Matth. xxv,
31).

* In uno... adoptionis verbo. Aliter Alcuinus pos-
tula edictus sensit, postquam libellum a Felice sibi
oppositum evolvit. Ita enim scribit in Epist. 83, ad
dominum regem: « Nuper venit mihi libellus a Fe-
lice infelice directus, cuius, propter curiositatem,
cum paucas paginolas percurri, inventi peiores her-
eses, vel magis blasphemias, quam ante in ejus
scriptis legerem. »

† Hanc epistolam acceperimus a Baluzio, qui illam
primus in lucem protulit Miscell. tom. IV, pag. 415-
415, ex cod. ms. 5953 bibl. Colbertine.

‡ In disputatione. Ex hoc loco discimus, in-
quunt auctores Hist. litt. Francie, tom. IV, pag. 311,

EPISTOLA b BEATI ALCUINI

AD CAROLUM MAGNUM.

(Anno 800.)

*Commendat regis examini et approbationi libros vii
adversus Felicem Urgellitanum.*

Maximo atque invictissimo triumphatori atque clem-
entissimo regnum rectori Carolo regi Francorum
et Longobardorum ac patricio Romanorum humilis
levita Alcuinus salutem.

Laudabilis bonitas atque incomparabilis jucunditas
vestrae excellentiae fiduciam meæ præstuit parvitati
scribendi aliquid de causis ecclesiasticis vel de disci-
plinis scholasticis. Quod nullatenus agerem, nisi
scuto bonæ voluntatis vestrae ab invidorum linguis
meæ litterulas obedientiae protegendas sperarem:

C **788** B quia quorundam solertia laborat magis aliorum in
occulto rodere dicta, quam sua in publico proferre;
quorum scientiam Salomon serpenti in abscondito
mordenti comparavit (Eccl. x, 11). Vestra vero nullæ
contemnenda auctoritas nostræ devotioni mandavit,
contra novas haeretice pravitatis inventiones aliquid
scribere atque libello respondere, quem contra nos
Felix quidam episcopus vestrae direxit auctoritatib;
in quo multa inveniuntur non catholicæ stylo exarata,
sed contra veritatem apostolicæ fidei inaniter desu-
data. Cui labore vestrae magis pietatis jussione ani-
matus, quam propriæ confusus peritiae juvamine li-
benter succubui. Et licet nullus se juste excusare
valeat a defensione fidei catholicæ, tamen sanctæ
voluntatis vestrae præceptum meæ devotionis stylum
hujus operis debitorem maxime effecit, quod totum
vestrae excellentissimæ sapientiae specialiter exspectat
judicium, utrum ecclesiasticis dignum sit auribus
aperire. Nam istum libellum in disputatione*, quæ
in vestra veneranda præsentia cum Felice ven-
tilata est, præsentem habui. Sed quia nec adhuc ante
vestrum perfectus^d est sapientiam, nec a vobis, cui
maxime sudavit, comprobatus, ratum duxi publicis
non efferi auribus. Nunc vero vestra videat auctorita-
tas quid de eo fieri velit. Tantum deprecor ut nulla-
tenus prius vel abhiciatur vel in publicum proferatur,
quam totus inter familiares personas vestrae auctorita-
tis examini perlegatur. Multis enim in locis minus
ordinata disputatione currere, et sœpe ante dicta re-
petere, solutasque videtur iterare sententias; quia
in omni loco proponendis quæstiōibus necessario
respondendum fuit, ne aliquo adversarius in loco
suas jactet propositiones permanere indiscutib;

c quod alibi non legimus libros vii contra Felicem
ante hanc cum illo disputationem fuisse finitos. Unde
eosdem convenisse oportet; postquam ille in priori
rem errorem relapsus est, et antequam Alcuinus hos
libros vulgasset. † Alcuinum cum Felice coram Ca-
rolo Magno disputasse nullibi reperimus, nisi in con-
cilio Aquisgranensi circa finem anni 799 habito.
Igitur finito primum hoc concilio, eos libros Carolo
probando misit, et anno demum sequenti 800, post-
quam diu sub censura sudarunt, evulgavit.

‡ Perfectus. Qua de re iterum agit epist. 100 et
101.

ego quasi victus non haberem quid responderem. **A**
 Igitur plurima copioso, sed non scholastico sermone
 sanctorum Patrum exempla prefatus disputator col-
 ligere studuit, quorum quædam sibimet ipsi valde
 adversari videntur; quædam nihil suis favere parti-
 bus intelliguntur; quædam pravo sensu, aliter quam
 ab eis posita sunt, interpretare nititur. Et his tribus
 modis sententiarum illius numerositas contextitur.
 Cui revera multo melius esset perpetuo conticescere
 silentio, quam malæ pravitatis doctrina nomen suum
 latius innotescere, et non necessaris se immiscere
 quæstionibus. Quid enim prodest Ecclesiæ Dei Chri-
 stum appellare adoptivum filium, vel Deum nuncu-
 pativum? Vel quæ aures catholica fide eruditæ hæc
 nomina libenter audire patiuntur de Domino nostro
 Jesu Christo omnipotente Deo et vero Filio Dei, qui
 est tertia ^a in sancta Trinitate persona, et judex
 venturus vivorum et mortuorum? Unam namque
 substantiam prædicamus in Patre, et Filio, et Spiritu
 sancto, et tres personas. Unam vero personam cre-
 dimus, et duas substantias in Christo Deo Domino
 nostro, eundemque totum Deum omnipotentem et
 Dei Filium verum et proprium. Quicunque vero hanc
 fidem nec corde credit, nec ore confitetur, nullatenus
 catholicus credendus est, sed schismaticus.
 Vestra vero sancta voluntas atque a Deo ordinata
 potestas catholicam atque apostolicam fidem ubique
 defendat; ac veluti armis imperium Christianum
 fortiter dilatare laborat, ita et apostolicæ fidei veri-
 tatem defendere, docere et propagare studeat, ipso
 auxiliante in cuius potestate sunt omnia regna terra-
 rum, quatenus cum multiplici laboris mercede ad
 perpetui regni beatitudinem pervenire merearisi.

Omnipotens Deus ad exaltationem et defensionem
 sanctæ suaæ Ecclesiæ et ad Christiani Imperii pacem
 et profectum vestram regalis gloriae potentiam au-
 gere, protegere et conservare æterna pietate digner-
 tur, domine desiderantissime atque beatissime.

^a *Tertia... persona.* Non ordine, sed numero, quasi
 una ex tribus; ordine enim tertia in rigore theolo-
 gico dicendus est Spiritus sanctus qui a Patre Filio-
 que procedit.

^b Hanc quoque præfationem debemus Baluzio, l.
 cit., pag. 416

b PRAEFATIO
IN LIBROS VII ADVERSUS FELICEM.

AD CAROLUM MAGNUM.

Hos quinque panes et duos pisciculos ^c simul se-
 pñtrario numero consecratos, de apostolice fidei
 pera prolatos vestræ sanctissimæ auctoritati direxi^d,
 domine mi David, ut Dei Christi benedictione multi-
 plicati, per vos esurienti populo et in desertis locis
 habitanti ad satietatem catholice ministrentur. In
 hoc namque opusculo catholica fidei veritatem ex
 sanctorum Patrum **789** certissimis probare testi-
 moniis nisus sum, id est, beati Hieronymi, atque
 sancti Augustini, Gregorii papæ Romani, Hilarii
 Pictaviensis episcopi, Leonis quoque papæ, et Ful-
 gentii episcopi, Ambrosii quoque Mediolanensis epi-
 scopi; sed et fortissimi contra Nestorium militis beati
 Cyrilli; Petri etiam Ravennensis episcopi, et beati
 Bedæ presbyteri, Gregorique Nazianzeni; nec non
 et Isidori Hispaniensis et Juvenci ejusdem provincie
 scholastici. Si ergo me quis reprehendere velit, vel
 meos sensus improbo dente rodere, horum testimo-
 niis sanctorum Patrum convictus veritati succumbere
 necesse erit; nec errare putandus est, qui cum tali-
 bus intra catholica fidei castra moratur. Origenis
 quoque quædam vel Cassiani exempla posui, licet in
 quibusdam locis Scripturarum suarum a fide orbitare
 videantur; tamen ea posui, in quibus præscriptis
 doctoribus consentanea dixisse probantur, sequens
 exempla beatissimi doctoris Hieronymi, qui multa
 ex Origene testimonia suis inserere opusculis con-
 suevit, cæterorumque non abhorruit doctorum dicta
 assumere, licet in quibusdam notentur errare sensi-
 bus. Nam et beatus Paulus vas electionis et doctor
 gentium quædam testimonia de paganorum libris
 proferre probatur, ratum putans aurum e stercore
 tulisse, lavatumque Dominicis intulisse thesaureis.
 Cujus exempla sequentes pene omnes sancti doctores
 de philosophorum vel poetarum gentilium libris multa
 suis inseruere opusculis. Explicit.

^c Alludit ad quinque panes hordeaceos et duos
 pisces Evangelii S. Joannis cap. vi, quibus suos
 septem libros adversus Felicem comparat.

^d *Direxi.* Per Candidum, ut ait in epist. ad filiam,
 infra, in fine hujus opusculi.

LIBER PRIMUS.

I. Scripsi epistolam pridem Felici episcopo chari-
 tatis calamo, non contentionis stimulo, fraternæ sa-
 lutis desiderio, non mordacis reprehensionis stylo;
 cpiens eum corrigerem in Christi dilectione, quem in
 cuiusdam nominis novitate de Christo ac catholica
 pacis unitate recedere notum habetur. Sed ut agno-
 sco, non eo charitatis officio, vel humilitatis obsequio
 meæ litterulas diligenter recepit, quo me scribere,
 qui meam pietatis intuitu legerit epistolam, agno-
 scere poterit. Nam idem prefatus Felix mox libelium
 non epistolari brevitate succinctum, sed sermonum

D serie prolixum nobis dirigere studuit: in cuius
 principio de confessione veræ fidei quædam ex san-
 ctorum Patrum catholicis sensibus ab eodem bene
 prolatæ legebam; sed mox in sequentibus multiplicitate
 pristini erroris assertionem confirmare nitebatur;
 nec solum antiqua non destruere, sed etiam nova
 quædam addere, pejora prioribus aggressus est:
 sicut enim fabulae ferunt, hydram, una secta cervice,
 centenis pullulasse capitibus; sic ex uno serpentini
 capitii errore multiplex pravæ doctrinæ seges inbor-
 ruit. Nec sibi sufficiebat tantummodo Christum, qui

de Virgine natus est, negare proprium esse Filium Dei, sed etiam hunc eundem non consentit verum esse Deum; sed novo et inaudito sancte Dei Ecclesiae nomine *nuncupativum Deum* nominare illum non timet, dividens Christum in duos filios, unum vocans *proprium, alterum adoptivum: et in duos deos, unum verum Deum, alterum nuncupativum Deum*. Atque ad confirmationem hujus erroris multa collegit pravo sensu testimonia, quæ ad veræ fidei agnitionem, Spiritu sancto dictante, a doctoribus Novi vel Veteris Testamenti prolatæ sunt.

II. Speravi, juxta sententiam sapientissimi Salomonis, dare ei occasionem sapientiae per litteras prelatorias; qui ait: Da occasionem sapienti et sapientior erit (*Prov. ix, 9*). Item, post paucâ: Argue sapientem et sapientior erit: sed ut vereor, magis hujus sententiae sequentia illius sensui aptari possunt: Argue (inquit) stultum, et oderit te. Illud quoque non injuste de tali præsumptore dici potest: *Magis expedit ursæ captis catulis occurrere, quam fatuo confidenti in stultitia sua* (*Prov. xvii, 12*). **790** Et item: *Si contuderis stultum in pila, quasi pisanae feriente desuper pilo, non auferetur ab illo stultitia ejus* (*Prov. xxvii, 22*). Stultitia magna est hominem in sua solius confidere sententia, et sanctorum Patrum vel totius Ecclesiae catholicos spernere sensus. Nonne hæc omnibus hereticis causa fuit perditionis, quod suæ magis voluerunt amatores esse sententiae, quam veritatis? Hoc solum si sapienti animo vel humili intelligentia considerare voluisset, præfatum virum Felicem ab errore revocare debuisse, quod tota Ecclesia Christi ab initio apostolicæ prædicationis hoc nomen adoptionis in Christo, vel nuncupativæ divinitatis nonquam habuerit, nonquam prædicavit. Quæ nomina nec in Evangelio, nec in apostolorum Epistolis, immo nec in propheticis totius Veteris Testimenti scriptis alicubi inveniuntur; sed nec in alicujus sanctorum Patrum et doctorum ecclesiasticorum libris, nec in symbolo apostolico, vel Nicæni concilii, vel etiam in alicujus synodi affirmatione, aut in aliqua catholicæ fidei auctoritate. Et mirum est cur non timeant tales doctores nova inferre, et incognita antiquis temporibus, dum egregius doctor gentium omnes novitates vocum, et inventas noviter sectas omnino firmiter prohibeat a quoquam catholicis recipi (*1 Tim. vi, 20*); in tantum, ut etiam angelis et omni homini anathema indixisse non dubitaret, si aliter prædicasset quam ab illo prædicatum esset (*Gal. 1, 8*). Invenitur vero in ejus prædicatione Christum, qui traditus est a Deo Patre ad passionem probobis (*Rom. viii, 32*), proprium Filium Dei dici, et nonquam adoptivum: et illum, qui de Patre natus est, super omnia Deum benedictum (*Rom. ix, 5*), et nonquam inter omnia nuncupativum Deum. Nunquid non aliter prædicat quam tantus apostolus, Christus in se loquente, prædicavit, qui Christum Deum et hominem, quem ille Dei Filium proprium nominavit, adoptivum asserit: vel qui Deum benedictum de Spiritu sancto et beata Maria Virgine conceput et na-

Atum, nuncupativum Deum affirmat? Quod qui prædicat sciat se certissime apostolico anathemati subjacer. Quisquis hujus apostolicæ auctoritatis censuram non metuit, non dormiens, sed omnino mortuus aestimandus est. Tamen qui quatriduanum vocavit de monumento ad vitam, potens est suscitare et illum; ipse enim ait: *Qui credit in me, etiam si mortuus fuerit, vivet: et omnis qui vivit, et credit in me, non morietur in æternum* (*Joan. xi, 25, 26*). quis est qui vivit, nisi ille de quo Apostolus ait, Qui vivit in fide, Filius Dei est?

III. Duo sunt quippe quæ in errore hominum diffilime tolerantur, præsumptio priusquam veritas pateat: et cum jam patuerit, præsumptæ defensio falsitatis. Ex his duobus cœnōsis rivulis omnis hereticorum pravitas emanavit: A quibus vitiis nimis inimicis inventioni veritatis, et catholicæ fidei indagationi, sive considerationi sanctorum Scripturarum, si me, ut precor et spero, Deus defenderit atque munierit scuto bonæ voluntatis suæ, et gratia misericordiae suæ adjuvaverit, non ero segnis cum querentibus querere veritatis soliditatem, et cum defendentibus defendere catholicæ fidei sanctitatem. Nec trepidus ero ad proferendam sententiam meam, in qua magis amabo inspici a rectis, quam timebo mordi a perversis. Nullus enim reprehensor formidandus est amatori veritatis. Etenim aut inimicus reprehensurus est, aut amicus? Si ergo inimicus insultat, ferendus est; amicus autem si errat, docendus est; si docet quæ recta sunt, audiendus. Gratianus enim suscipit oculum columbinum pulcherrima et modestissima charitas; dentem autem caninum vel evitat cautissima humilitas, vel retundit solidissima veritas.

IV. Sed tempus est ut discutiamus sermones præfati viri, et sententias sanctæ Scripturæ, quas ad sui sensus nititur trahere testimonium, aliter sanctos doctores intellexisse ostendamus. In principio itaque libelli sui unitatem sanctæ Ecclesiae optime exposuit; sed utinam in consequentibus eamdem servaret concordiam quam in principio tantis laudibus exaltare studuit. Sed, ut video, gladium melle litum abscondit, ut facilius decipiat incautius legeates libelli seriem.

791 Dicit itaque: « Credimus et confitemur sanctam Ecclesiam catholicam, toto in orbe diffusam per apostolorum prædicationem, in Christo Domino velut solida petra fundatam, extra quam nullum salvum fieri posse credimus, nullum salvum nisi eum qui intra terminos fidei ejus, et in concordia charitatis usque in debitum finem inconcusse permanserit: unam videlicet, non divisam; simplicem, non scissam, sed in catholicis, non in hereticis; in fidelibus charitate connexis, non in schismaticis. » Elegantissime enim præcipuam sanctæ Dei Ecclesiae unitatem toto orbe diffusam assertit, sed minus seipsum suosque sequaces considerat, qui in uno terrarum angulo quedam sancte Ecclesie, cuius latitudinem laudat, inaudita nomina de Christo Deo cum paucis suis sequacibus susurrat.

Igitur si sancta Dei Ecclesia in toto orbe est diffusa, ergo nequaquam in illis est; quia illi non sunt in toto orbe: si vero in illis est, etiam tunc in toto orbe non est, quia illi contraria toti orbi fingunt nomina de humanitate Christi Dei nostri, qui est caput Ecclesie. Porro nos intra terminos apostolicæ doctrinæ et sanctæ Romanæ Ecclesie firmiter stamus: illorum probatissimam sequentes auctoritatem, et sanctissimis inhærentes doctrinis, nihil novi inferentes, nullaque recipientes, nisi quæ in illorum catholicis inveniuntur scriptis. Et quis censendus est hæreticus, an ille qui sanctorum Patrum et totius Ecclesie ab initio nascentis fidei catholicos sequitur sensus, aut ille qui in ultimo tempore mundi nova quedam nomina, inaudita priscis temporibus, fingit de Christi Domini humanitate vel divinitate illius qui ex Virgine natus est? Legimus namque Orientales synodos, quæ a sanctis Patribus congregatae sunt, temporibus diversis contra varios hæresiarchas; et nullam invenimus usquam dicere vel affirmare, adoptivum filium, vel nuncupativum Deum Christum esse. Simul et Occidentales synodos perspeximus, nec in illis tale aliquid invenimus: sed nec in aliqua earum quæ in Hispania, vel Gallia, vel istis partibus promulgatae sunt, hæc nomina, quæ nuper nova temeritas protulit, comperimus. Sed ubique per omnes synodos et libellos sanctorum doctorum semper unum Filium Dei proprium legimus, et unum Deum verum in duabus naturis prædicari: et unum Christum, non duos christos; nec duos deos, unum verum, alterum nuncupativum; nec duos filios, unum proprium, alterum adoptivum: sed semper unum Filium proprium Dei Patris, eundemque Deum verum, sicut in sequentibus evangelicis vel apostolicis doctrinis, sive sanctorum Patrum testimoniosis, divina opitulante gratia, probare curabimus. Non enim, veluti vos dicitis, transferimus lapides, id est, catholicos sensus de stabilitate Dei Ecclesie, sed illum eligimus lapidem qui, præcisus de monte sine manibus, implevit orbem terrarum: super hunc edificamus, et angularem ponimus in sublimitate structuræ nostræ: quem vestra temeritas cum Judeis reprobat, potestati illius derogantes, nolentes cadere super illum, ut confringat duritiam cordis vestri: sed exspectatis, donec cadat super vos in judicio, et conterat audaciam vestram. Dixistis veritatis voce: *Necesse est ut scandala veniant, et tacuistis sequentia illius sententiae: vñ tamen homini per quem scandala reniunt* (Matth. xviii, 7). Timeat sibi unusquisque, ne per se scandala dissensionis et schismatici erroris orientur. In quiete et pace temporibus nostris sancta Dei requiescebat Ecclesia, donec vos eam turbastis, et in lunæ modum, juxta vestram sententiam, decrescere illam fecistis. Nostra vero unanimitas quantum valet, et Dei nos adjuvat gratia, laborat ut crescat et proficiat ad perfectum diem, de qua in sequentibus addidistis, dum lunaris plenitudine splendoris comparationem fecissetis ita dicentes:

V. « Saneta Ecclesia, si quando ei, divina gratia

A largiente, pax atque quies collata fuerit, in toto orbe terrarum, cunctis in urbibus seu locis fidelium, per unitatem fidei, per concordiam charitatis, quia deest qui tentet; et ita apparet ut nimium cæcus et manu palpans judicetur, qui eam ubique præsentem non cernit. » Dicitis: *quia deest qui tentet*. Videte ergo rogo vosmetipso, ne forte sitis tentatores illius, scindentes tunicam Christi, quam milites in passione illius non ausi sunt dividere. Et bene 792 subjunxitis: « ut nimium cæcus et manu palpans judicetur, qui eam ubique præsentem non cernit. » Videtur enim a vestra cæcitate illam esse absentem. Et si ubique est, agite precibus apud Deum et humilitate apud homines, ut et vobiscum fiat, quæ in toto mundo, licet sparsim, fulget et proficit: ne sitis extortores illius luminis, et alieni a claritate plenitudinis perpetuæ lucis. Nolite superbire et in paucis vobis illius esse regnum putare, de quo dictum est: *Et dominabitur a mari usque ad mare, et a flumine usque ad terminos orbis terræ* (Psal. lxxi, 8). Et paulo post: *Et adorabunt eum omnes reges terræ, omnes gentes servient ei* (Ibid. v. 7). De eo certissime prophetatum est, cui vestra præsumptio divinitatis potentiam subtrahere nititur, de cuius divina humanitate et humana divinitate eo ipso donante in sequentibus plenius dicturi sumus.

VI. Juxta disputationis et vestri sermonis sequentia dicitis: « Aliquando vero Ecclesia in exiguis est, sed non in uno angulo terrarum exclusa, sed neque in una provincia, aut gente vel regno, sed toto in orbe terrarum diffusa. » Nunquid non vos in uno angulo terrarum, et in una estis gente? Quare non intelligitis, juxta vestram sententiam, in vobis non esse Ecclesiam Christi, qui in uno angulo estis terrarum, et una gente? Aut si in vobis est, proferendum est vobis, in qua alia gente sit vel populo vel regno; vel qui sint qui vobiscum consentiant in adoptionis vel nuncupationis nomine de Christo. Aut si non potestis in toto orbe socios vestræ sententiae invenire, cognoscite vos vestro iudicio hæreticos: et placeat vobis magis cum plurimis salvari, quam cum paucis perire. Animadvertisse (Jacobo apostolo dicente) unde vestræ sapientiæ sit origo. Ait enim: *Quod si zelum amarum habetis, et contentiones in cordibus vestris, nolite gloriari et mendaces esse adversus veritatem. Non est ista sapientia desursum descendens, sed terrena, animalis, diabolica. Ubi est zelus et contentio, ibi inconstancia et omne opus pravum. Quæ autem desursum est sapientia, primum quidem pudica est, deinde pacifica, modesta, suasibilis, bonis consentiens* (Jac. iii, 14-17). Videtisne quod vestra sapientia non est pacifica, non est suasibilis, non bonis consentiens. Et ideo omnino intelligite eam a Deo non esse datam, sed quadam astutia diabolice fraudis inventam. Dicitis nos verum non dixisse quod totus mundus nobiscum, id est, universalis Ecclesia Christi consentiat, nisi vos soli, Probate, si potestis, verum esse quod dicitis; ostendite nobis vel unam gentem vel unam urbem, vel

sanciam Romanam Ecclesiam, quæ est caput Ecclesiæ, vel Constantinopolitanam vel Hierosolymitanam ipsius Domini præsentia dedicatam; aut Antiochenam, in qua [Querc., in quam] primum sanctum Christianitatis nomen esse legitur; aut Alexandrinam, vel ullam Ecclesiam in tota Italia, vel Germania, vel etiam Gallia, aut Aquitania, imo aut Britannia, quæ vobis consentiat in hac vestra assertione, ut verum probetis, aliquos vos habere socios sententiae vestræ: et si non potestis hoc facere, credite vos sanctæ Dei Ecclesiæ contraria sentire, et cavete vobis apostolice auctoritatis gladium, et sancte universalis Ecclesiæ anathema formidate, nisi corrigatis sententiam vestram, et ad unitatem apostolice doctrinæ convertamini.

VII. Proposuitis etiam exemplum duorum litigantium, « quis ex illis æquius se defenderet, an qui causam movebat prior, aut qui se a persecutione alterius defendere natus sit? » Bene proposuitis, sed non veraciter intellexistis, quis moveret hoc scandalum, quomodo [F., quod modo] inter nostras vestrasque partes versatur. Nunquid non tota Ecclesia Christi, damnatis Eutychetis et Nestorii hæresibus, ubique in pace catholica et in unitate fidei apostolice, nullo turbante, multo quiescebat tempore, donec hæc nova et antiquis temporibus inaudita secta per vestram insolentiam subito exarserit? Ac per hoc justius videtur alium [F., illum] hæreticum censeri, qui novas audet introducere sectas, quam illum qui, paternis traditionibus enutritus et edocitus, in propugnaculis suæ civitatis viriliter stans, se suosque concives fortiter defendere nititur, habens armaturam, de qua in Canticō cantorum ipsa decantat sponsa: *Sicut turris David collum tuum, quæ ædificata est cum propugnaculis, mille clypei pendent ex ea, omnis armatura fortium* (Cant. iv, 4). Quis **793** est David rex Hierosolymitanus, nisi Christus Dominus noster rex fortis et verus, qui de virga quæ de radice Jesse exiit, ut flos ascendit; cuius civitas est sancta et universalis Ecclesia, quæ partim cum illo regnat coronata in celis, partim pro illo laborat peregrinata in terris, donec coronetur et perveniat in patriam. Hujus civitatis propugnacula sanctæ sunt Scripturæ, et præcedent Patrum exempla, quibus munita est contra omnes adversitates: et est hæc armatura fortium, id est, sanctorum doctorum, qui his armis contra omnes hæreticas pravitates victores extiterunt. His nos pro virium nostrarum portione, divina auxiliante gratia, armati [contra] omnes novitates et insuditas quæstiones stamus viriliter, defendantes apostolicas traditiones et fidem quam ab illorum ebitibus überibus.

VIII. Quod vero quemdam Beatum abbatem et discipulum ejus Hetherium episcopum dicitis huic vestre sectæ primum contraire, laudamus eos in eo quod veritatem defendere conati sunt. Sed si verum est quod dixistis, eos duas naturas Christi in unum confundere, sicut vinum et aquam, hoc nullatenus

A consentimus: sed in eo, si verum est, valde eos esse reprehensibiles judicamus. Catholica enim fides habet, quam nos defendimus, prædicamus et amamus, in Christo duas naturas esse proprias et perfectas, divinam scilicet, qua ex Deo Patre ante omnia tempora consubstantialiter natus est: humanam vero qua in plenitudine temporum ex Virgine idem ipse Filius Dei carnem assumpsit, et factus est verus homo, qui est verus Filius Dei totus in suo, ut beatus Leo papa ait, et totus in nostro; idem in utroque, non alter in suo, et alter in nostro. Quia enim Verbum cum carne ita est ineffabili modo unitum, ut ipsum Verbum, de quo beatus Joannes evangelista dicit: *In principio erat Verbum, et Verbum erat apud Deum, et Deus erat Verbum* (Joan. i, 1), car-

B nem dicamus factum; sicut idem ipse evangelista dicit: *et Verbum caro factum est, et habitavit in nobis*, id est, nobiscum; licet illud Verbum non sit mutatum in carnem: et caro illa dicatur Deus, licet non sit in deitatis naturam mutata: et est unus Filius Deus, et unus Deus Dominus Jesus Christus. Ob hanc unitatem dicitur Filius hominis descendisse de celo, et Dominus gloriae crucifixus, et sic impassibiliter Verbum Dei passum est, et Filius hominis mirabiliter descendit de celo, et illius manus, qui creavit cœlum et terram, clavis in cruce confixa est: et illius sanguis, per quem omnia creata sunt, fusus est pro omnium salute, Apostolo testante, qui ait: *Et sanguis Filii Dei redemit nos* (I Joan. iv, 7). Quæ omnia magis fide venerari, quam ratione discutere debemus: quia ubi ratio deficit, ibi fides est necessaria.

IX. Contra naturam est quod virga, multis arida diebus, floruit in tabernaculo; contra naturam est ut virgo absque virili conjugione filium generaret: sed conditor naturarum nihil sibi impossibile condidit, unde non potuisse de qualicunque natura quodcumque voluisse efficere. Potuitne de carne Virginis proprium sibi procreare Filium, an non potuit? Si non potuit, non est omnipotens: si vero potuit et noluit, vos habetis dare rationem quare noluisse: et si hoc poteritis enarrare, ergo voluntas Dei altissimi comprehensibilis est humano animo: et falsum est, quod Apostolus ait, incomprehensibile esse Deum. Nunquid non major est dignitas in proprio filio quam in adoptivo? Nos vero voluit in secundo gradu habere filios adoptivos per eum qui in primo gradu ex Virgine, de Spiritu sancto concipiente, sibi factus est Filius proprius. Quid potuit ex Deo nasci, nisi verus Deus? Nam Spiritus est Deus, et omnis catholica Ecclesia cantat, credit et predicit post confessionem paternæ majestatis de Filio unico et unigenito hujusmodi verba in symbolo: *Credimus et in Jesum Christum Filium Dei unigenitum, natum ex Patre ante omnia aeterna, lumen de lumine, Deum verum de Deo vero: natum, non factum, consubstantialem Patri, per quem omnia facta sunt. Qui propter nos homines et propter nostram salutem descendit de celo, et incarnatus est de*

Spiritu sancto et Maria Virgine, et homo factus est : crucifixus autem pro nobis sub Pontio Pilato, passus et sepultus, et resurrexit 794 tercia die, et ascendit in cælum, et sedet ad dexteram Patris, et iterum ven-turus est cum gloria judicare vivos et mortuos, cuius regni non erit finis.

X. Revocate ad vosmetipos oculos cordis vestri, et intelligite hujus solidissimi symboli consequentiam : de uno unigenito Filio Dei semper dicit, et de duabus naturis in uno Filio Dei, eumdemque dicit natum de Patre, Deum de Deo : eumdem dicit natum de Spiritu sancto et Maria virgine, passum et sepultum, et resurgentem die tertia. Quid est quod eum dividis in duos filios, unum de Spiritu sancto et Maria virgine natum, quem adoptivum asseris ; alterum de Deo Patre, quem verum dicas ? Certum namque est Dominum Jesum Christum, secundum catholicam fidem et præconia Scripturarum, duas habere nativitates, unam de Patre sine tempore, alteram de matre sine virili coniunctione : et harum duarum nativitatum proprias habere naturas, Dei scilicet, qua de Patre natus : et hominis, qua est de matre progenitus : unus idemque Deus, unus idemque homo, unus idemque Filius Jesus Christus. Gemina enim nativitas geminam uni Christo dedit naturam. Qui Deus est de Patre, idem Deus homo est de matre. Has itaque naturas, quas ex utroque habet parente, Apostolus duas nominat formas dicens de ipso : *Qui cum in forma Dei esset, non rapinam arbitratus est esse se æqualem Deo, sed semetipsum exinanivit, formam servi accipiens* (Philip. ii, 6). Cernis in una Christi persona utriusque formæ, utriusque naturæ mysterium contineri : idem passibilis et impassibilis, idem mortalilis et immortalis; non alter et alter, sed idem et unus in duabus naturis. Sicut unus est homo mortalilis et immortalis, mortalilis carne, immortalis anima, sed unus est homo et non alter : sic unus est Christus in divinitate et in humanitate, non alter et alter : et juxta evangelistam, si Deus est Verbum, et Verbum caro factum est, utique caro Deus est propter Verbum, et Verbum homo propter carnem : et est Deus et homo Jesus Christus Dei Patris unus Filius unigenitus in una persona, sicut sœpe diximus et semper dicemus. De his duabus formis et beatus Augustinus in libro primo (cap. 7) de sancta Trinitate ita disseruit dicens : « *Semetipsum exinanivit formam servi accipiens*. Neque enim sic accepit formam servi, ut amitteret formam Dei, in qua erat æqualis Patri. Sic ergo accepta est forma servi, ut non amitteretur forma Dei, cum in forma servi, et in forma Dei, idem ipse sit Filius Virginis et Dei Patris ». Et post pauca : « *Proinde in forma Dei fecit hominem, in forma servi factus est homo*. Nam si Pater tantum sine Filio fecisset hominem, non scriptum esset, *Faciamus hominem ad imaginem et similitudinem nostram* (Gen. i, 28). Ergo quia forma Dei accepit formam servi, utrumque Deus, utrumque homo ; sed utrumque Deus propter accipientem

* *Integralis textus vide loc. cit.*

A Deum . utrumque autem homo, propter acceptum hominem. »

XI. Nos non sequimur nec Nestorianam divisionem, qui propter duas naturas duas personas in Christo inserere voluit; nec Eutychetis confusionem, qui propter unam personam unam naturam in Christo inserere voluit. Ambo a catholica fide deviantes, impietate pares, quia fidem rectam non tenerunt ; sed errore impares, quia iste confundit, ille dividit. Sed ut horum impios et detestabiles catholico sensu refutemus errores, utriusque naturæ proprietatem, et unius personæ tractemus arcanum. Unus est Christus, idem Deus, idemque homo, habens in vocabulis et gestis unum quod humanitati, aliud quod proprie divinæ conveniat naturæ, licet utrumque simul ad B unam ejus personam pertineat, ad unamque Filii proprietatem et ad unam deitatis dignitatem. Igitur sicut Nestoriana impietas in duas Christum dividit personas, propter duas naturas, quas ipsa Veritas, quæ Christus est, palam in se ostendit ipse, dum ait : *Ego et Pater unum sumus* (Joan. x, 30), propter divinitatis substantiam. Et iterum : *Pater major me est* (Joan. xiv, 20), propter humanitatis naturam ; ita et vestra indocta temeritas in duos eum dividit filios, unum proprium, alterum adoptivum. Si vero Christus est proprius Filius Dei Patris et adoptivus, ergo est alter et alter. Similiter, si in divinitate Deus verus est et in humanitate 795 Deus nuncupatus, alter [et alter] est, et nullatenus sic sentientes potestis vobis evitare impietatem Nestorianæ doctrinæ : C quia quem ille in duas personas dividit propter duas naturas, hunc vos dividitis in duos filios et in duos deos per adoptionis nomen et nuncupationis. Intelligite quandoquidem hunc errorem vestrum, et humiliamini sub manu omnipotentis Dei, et discite veritatis doctrinam, ne sitis magistri erroris : ne dum Eutychetis foveam declinare, et permixtionem [Querc., impermixtionem] duarum naturarum cave videamini, in Nestorii barathrum inconvenienter dividendo decidatis, licet voce dissimili, tamen confessione pari : quem enim fecit ille in personis alterum et alterum, hunc vos facitis et in filiis duobus, et in divinitatis diversitate alterum et alterum : quia nullatenus in unam personam conjungere potestis illum qui ait in rubo Moysi famulo suo : *Ego sum Deus Abraham, et Deus Isaac, et Deus Jacob* (Gen. xxviii, 13). Et illum qui ait : *Deum Pharaonis te constitui* (Exod. vii, 1). Unde et beatus Gregorius in quadam homilia in Ezechielem prophetam (Homil. 8 in Ezech., n. 3), in Christo omnino naturalem testatur divinitatem esse, non nuncupativam. Ait enim, dum de Dei vocabulo tractaret, *Ecce constitui te Deum Pharaonis* : « In Scriptura sacra aliquando Deus nuncupative, aliquando vero Deus essentialiter dicitur. Nuncupative enim dicitur, sicut nunc ad Moysem dictum est : *Ecce constitui te Deum Pharaonis*. Sicut iterum Moyses ait : *Si quis homo hoc vel illud fecerit, applica illum ad deos, videlicet, ad sacerdotes* (Exod. xxii, 8). Et sicut Psalmista ait :

Deus stetit in synagoga deorum, in medio autem deos discernit (Psal. lxxxi, 1). Essentialiter autem Deus dicitur, sicut ipse ad Moysem dicit : *Ego sum Deus Abraham, et Deus Isaac, et Deus Jacob* (Exod. iii, 6). Unde Paulus apostolus volens Dei nomen nuncupativum ab essentiali discernere, ait : *Quorum patres ex quibus Christus secundum carnem, qui est benedictus super omnia Deus in secula* (Rom. ix, 5). Nuncupativus enim Deus inter omnia, essentialis autem super omnia. Ut ergo ostenderet Christum naturaliter Deum, non hunc Deum tantummodo, sed Deum super omnia esse memoravit : quia et justus quilibet Deus est, sed inter omnia, quia nuncupativus Deus est : Christus autem Deus super omnia, quia naturaliter Deus est. » Igitur non æqua proprietate sunt filii Jacob patriarchæ Judas, qui sibi in proprium filium genitus est, et Ephraim, quem quidem ipse patriarcha adoptavit sibi in filium. Et licet de utrisque nepotibus regalis prosapia orta esset, tamen Christus magis voluit de ejus nepotibus nasci, qui proprius filius fuit, quam de illius, quem patriarcha sibi adoptavit in filium.

XII. Quod vero dicitis ^a : « *Christum duos habere patres, Deum omnipotentem, et David regem; et non posse proprium filium duos habere patres;* » quis est hominum qui eo modo non habeat post proprium patrem, et alium patrem, quo David fuit pater Christi? Non solum unum, sed plures etiam, sicut ipsa beata Virgo, Omnipotens potuit habere patres, de quorum genealogia orta est a patre se generante, usque ad David; vel etiam usque ad ipsum Adam : licet quodam speciali regie dignitatis privilegio propter Christum, filia David dici debeat, sicut et ipse Joseph David filius dicitur, ad quem angelus ait : *Joseph, fili David, noli timere accipere Mariam conjugem tuam* (Matth. i, 20); quia ex David semine sanctissima virgo Maria orta est, de qua sibi Christus carnem assumpsit. Jam, secundum quod vobis placet, honorabilior est in Christo paternitas David quam paternitas Dei Patris. Et quid vultis de Joseph ipso dicere, de quo evangelista ait : *Et erat pater ejus et mater mirantes de his, quæ dicebantur de eo* (Luc. ii, 33), et ipsa mater Domini nostri Jesu Christi : *Fili, quid fecisti nobis sic? ego et pater tuus dolentes quærebamus te* (Ibid., 48). Cui : t ipse filius respondit : *Quid est quod quærebatis me?* Nesciebatis quod in his quæ Patris mei sunt oportet me esse (Ibid., 49)? Ut ostenderet Patrem suum esse Deum, magis quam Joseph. Tamen, ut sanctus Augustinus ait, magis Christus est filius Joseph, quam si eum adoptaret aliunde, quia de uxore sua natus est. Ideoque velim respondeatis, an magis sic Jesus Christus, ex Virgine natus, est Dei Patris, aut ipsius Joseph filius? Nullatenus audetis, ut reor, paternitatem Joseph præferre paternitati Dei Patris **796** in Christo Jesu, ne aperta vos involvatis blasphemia : dum ubi [F., ubique] in sanctis Evangelis ille ipse Deus Christus sibi Patrem

A Deum omnipotentem nominare soleat; quod saepius legentes quique invenire possunt, quam ut exemplis indigeat : et ipse quoque Pater Filium suum eum nominaret, sicut in sancto baptismo legitur, ubi ait : *Hic est Filius meus dilectus, in quo mihi bene complacui* (Matth. iii, 17). Similiter et in monte sancto audiens apostolis, qui cum eo erant : *Hic est Filius meus dilectus, in quo mihi bene complacui, ipsum audite* (Matth. xvii, 5). Ergo divisionem non fecit vox paterna inter Filium et Filium, quia quem proprium sibi genuit ex æternitate, proprium quoque sibi voluit habere ex matre. De hac quoque testificatione paternae vocis et beatus Beda presbyter in expositione Cantici canticorum hujusmodi mentionem fecit : « *Dilectus meus candidus et rubicundus, electus ex millibus* (Cant. v, 10) : candidus, quia sine peccato; rubicundus, quia suo sanguine nos redemit; electus ex millibus, quia ex omni genere humano unus mediator Dei et hominum, per quem mundus reconciliatur, assumptus est a Deo. Solus mortalium a Deo de celo dignus fuit audire : *Hic est Filius meus dilectus, in quo mihi complacui* (Matth. xvii, 5). »

XIII. Quis est tam contentiosus et tam perfidus, qui testimonio Dei Patris non credat de Filio suo? Quod testimonium præfatus doctor dicit super illum venisse, qui mortalis fuit : ubi locum habet vestra contentio eum negare Filium Dei esse proprium, quem suo testimonio summus Pater suum esse proprium, etiam et dilectum testatus est? Nescio qua

C cæcitate seducti estis, quasi non possit esse proprius Filius Dei, qui ex Virgine natus est. Et quomodo sancta Dei Ecclesia beatam Virginem genitricem Dei appellare solet, nisi quia ille ipse qui natus est ex ejus carne, proprius est Filius Dei : et qui natus est ex substantia Dei Patris, proprius est Filius Virginis? Ut in utraque generatione sit proprietas, non adoptio; veritas, non appellatio. Sicuti in libro ecclesiasticorum Dogmatum legitur, ubi post catholicae Trinitatis confessionem de Filii proprietate in utraque natura congruenter apostolicis traditionibus insertum legitur ^b : « *Non Pater carnemassumpsit, neque Spiritus sanctus, sed Filius tantum: ut qui erat divinitate Dei Filius, ipse fieret in homine hominis Filius: ne Filii nomen ad alterum transiret, qui non erat nativitate Filius. Dei ergo Filius, hominis factus est Filius: natus secundum veritatem naturæ ex Deo Dei Filius, ut secundum veritatem naturæ ex homine hominis Filius: ut veritas geniti non adoptione, non appellative; sed in utraque nativitate Filii nomen nascendo haberet, et esset verus Deus, et verus homo, unus Filius. Non ergo duos Christos, neque duos filios, sed Deum et hominem unum Filium; quem propterea et unigenitum dicimus manentem in duabus substantiis, sicut creaturæ veritas contulit, non confusis naturis, neque immixtis, sicut Timothiani volunt, sed societate uni-*

^a Vid. infra, lib. iii, n. 1.

PATROL. CI.

^b Inter Append. ad Opp. sancti Augustini.

tis. Deus ergo hominem assumpsit, homo in Deum transivit; non naturæ versibilitate, sed Dei dignatione, ut nec Deus mutaretur in humanam substanciali assumendo hominem; nec homo in divinam, licet glorificatus in Deum. » Nam si necesse est adoptivum esse Christum Dei Patris, propter quod ex substantia sua natus non est secundum carnem, quomodo non est adoptivus filius Virginis ille qui natus est ex Deo, quia de ejusdem Virginis substantia creatus non est? Ergo si necesse est hominem ex Virgine natum, Virginisque filium adoptive esse Filium Dei: ipso modo necessarium est Deum Dei Filium adoptive esse filium Virginis, quia alia substantia est Dei Patris, de qua essentialiter natus est Dei Filius; alia Virginis, de qua corporaliter natus est Christus. Aut si hoc non audetis dicere, quia Christianum nomen habetis, ut beata Virgo non sit proprie Dei genitrix; sed per adoptionem, æquum est ut non audeatis affirmare filium Virginis adoptivum esse Dei Patris Filium. Quid igitur restat nisi ut utriusque parentis verus et perfectus in duabus substancialiis Jesus Christus sit **797** Filius totus Dei Patris proprius, totus Virginis matris proprius, ut sit unus Christus, unus Filius, et unus Deus?

XIV. Audiamus quid beatus Augustinus in epistola ad Hilarium et Prosperum^a de hac mirabili et speciali Christi nativitate dicat: « Respondeatur, inquit ille, homo ut a verbo coeterno in unitatem personæ assumptus Filius Dei unigenitus esset, unde hoc meruit natura humana, ut ad hanc ineffabilem excellentiam perveniret? Nonne faciente ac suscipiente Verbo ipse homo, ex quo esse cœpit, Filius Dei unius esse cœpit? Nonne Filium Dei unicum femina illa gratia plena concepit? Nonne de Spiritu sancto et virgine Maria Dei Filius unicus natus est, non carnis libidine, sed singulari Dei munere? » Quid ergo ambiguitatis habet tanti Patris testimonium? Ecce eum qui de Virgine natus est, unigenitum et unicun Dei Filius non dubitavit nominare et credere. Numquid unus Filius unius Patris potest utrumque et unicus esse et adoptivus? Vel de quolibet sanctorum legitur, nisi de Christo solo, qui natus est ex Virgine, unigenitum Dei Filius dici?

XV. Et si parum creditis testimoniis sanctorum Patrum, credite ipsi Dei Filio de se testimonium proferenti. Ait enim in Evangelio: *Sic enim dilerit Deus mundum, ut Filium suum unigenitum daret (Joan. iii, 16).* Quis autem datus est pro mundi salute? Ille utique qui torcular calcavit solus, et sanguinis effusione rubicunda habuit vestimenta, quem vos per omnia similem esse nobis, absque lege peccati, contenditis, sicut in libelli vestri serie ostenditur, ut ipsa verba ponamus quæ vos in eodem posuistis, dicentes: « Non in gloria deitatis, in qua per omnia similis est Patri, dissimilis vero omni creaturæ; sed in sola humanitate, in qua per omnia similis factus est nobis, excepta lege peccati; similis utique in natura, cui tamen nullus similis exstat, vel æqualis in gloria.

^a Epistola ignota.

A In hoc autem illum adoptivum credimus apud Patrem, in quo secundum carnem filius est David; non tamen in hoc quod Dominus existit. » In multis eura dicimus similem et nos, in pluribus dissimilem: similis in natura, ut dicitis, sed dissimilis in gloria. Dissimilis est nobis, si nobiscum est adoptivus filius et nuncupativus Deus? Videste ne vobis metiopsis contraria dicatis: quem asseritis in natura nobis per omnia similem, hunc eumdem dicitis dissimilem in gloria. In hoc enim dissimilem illum nobis dicimus, quia non solummodo purus homo natus est, sicut nos, sed etiam Deus homo. Similis in eo quod Apostolus ait, *quia pueri communicaverunt carni et sanguini: et ipse similiter participavit eisdem, ut per mortem destrueret eum qui habebat mortis imperium (Hebr. ii, 14)*; dissimilis vero in eo quod eamdem mortem non misera necessitate, sed misericordi voluntate suscepit, ipso testante: *Potestatem habeo ponendi animam meam, et potestatem habeo sumendi eam (Joan. x, 18)*; nam nos necessitate morimur non voluntate, sicut Apostolus ait: *In hoc enim ingomiscimus, quod supervestiri volumus, ut absorbeatur hoc mortale a vita (II Cor. v, 4)*. Et in hoc dissimilis quod caro illius, quam de Virgine sumpsit, caro est Filii Dei propter unionem Verbi, quod caro factum est. De cuius supereminenti gloria et incomparabili omnibus sanctis, illius utique qui ex Virgine factus est, verus sit unigenitus Dei Filius, præfatus pater Augustinus in libro quem de Præsentia Dei ad Dardanum scripsit (*Nun. 40*), mirabiliter et sublimiter disseruit, ita dicens: « Quid ergo est? hocne interesse arbitramur inter caput et membra cætera quod in quolibet quamvis præcipuo membrorum, velut in aliquo magno propheta aut apostolo quamvis divinitas habitat, non tamen ut in capite, quod est Christus, omnis plenitudo divinitatis. Nam et in nostro corpore inest sensus singulis membris, sed non tantus quantus in capite, ubi prorsus omnis quinque pertitus est. Ibi enim et visus est, et auditus, et olfactus, et gustus, et tactus: in cæteris autem solus est tactus. An etiam præter hoc quod velut in templo in illo corpore habitat omnis plenitudo divinitatis, est aliud, quod intersit inter illud caput et cujuslibet membris excellentiam? Est plane, quod singulari quadam susceptione hominis illius una facta est persona cum Verbo. De nullo enim **798** sanctorum dici potuit, aut potest, aut poterit, *Verbum caro factum*. Nullus sanctorum qualibet præstantia gratia unigeniti nomen accepit, ut quod est ipsum Dei Verbum ante sæcula, hoc simul cum assumpto homine diceretur. Singularis est illa susceptio, nec cum hominibus aliquibus sanctis quantilibet sapientia et sanctitate præstantibus ullo modo potest esse communis, ubi divinæ gratiæ satis perspicuum clarumque documentum est. Quis enim tam sit sacrilegus, ut audeat affirmare, aliquam posse animam per meritum liberi arbitrii, ut alter sit Christus, efficere? Ut enim ad personam Verbi unigeniti pertineret, que

pacto per liberum arbitrium communiter omnibus et naturaliter datum una sola anima meruisse, nisi hoc singularis gratia praestisset, quam fas est praedicare, de qua nefas est judicare velle? » De hac etiam excellentia illius hominis, qui de Virgine natus est, idem Pater in epistola prefata ad Hilarium et Prosperum sublimiter enarrat, ubi abundanter disputat contra adversarios, qui seipsos aequales esse contendunt in gratia Christo propter communionem naturae, ponens primo verba adversariorum hoc modo: « Respondeat, inquit, homo Deo, si audet, et dicat, Cur non et ego? Et si audierit: O homo tu quis es qui respondeas Deo? nec sic cohipeat, sed augeat impudentiam et dicat: Quomodo audio, Tu quis es o homo, cum sim quod audio, id est homo, quod et ille de quo ago; cur non sim quod ille? At enim gratia ille talis et tantus est. Cur diversa est gratia, ubi natura communis est? Certe non est personarum acceptio apud Deum. Quis non dico Christianus, sed insanus haec dicat? Appareat itaque nobis in nostro capite ipse fons gratiae, unde secundum uniuscunque mensuram super cuncta ejus membra diffundit. Ea gratia fit ab initio fidei suae homo quicunque Christianus, qua gratia homo ille ab initio factus est Christus. De ipso Spiritu est hic renatus, de quo est ille natus. » Alier, ut sanctus Augustinus vult intelligi, plenitudo fontis manat, aliter rivuli mensura currit de fonte, quod beatus Baptista testatur: Non enim, inquit, ad mensuram dat Deus spiritum (Joan. iii, 34 et 35). Pater enim diligit Filium, et omnia dedit in manu ejus. De rivulorum mensura Apostolus testatur: Unicuique nostrum data est gratia secundum mensuram donationis Christi (Ephes. iv, 7).

XVI. Et quia paulo ante fecisti mentionem David, velim dicatis, de quo interrogasset ipsa Veritas Iudeos, ubi ait: Cujus Filius est Christus? Dixerunt: David (Math. xxii, 42). Ipse autem proposuit illis quæstionem, quomodo dictum sit; Dicit Dominus Domino meo; sede a dextris meis. Si filius est David, quomodo est Dominus ejus (Ibid., vers. 44, 45)? Cui autem naturae dictum est, sede a dextris meis, divinæ au humanæ? Humanæ scilicet, ut in symbolo cantatur: qui ascendit in cœlos, et sedet a dextris Dei. Unde et Marcus evangelista in fine Evangelii sui ait: Et Dominus quidem Deus [Jesus], postquam locutus est, assumptus est in cælum, et sedet a dextris Dei (Marc. xvi, 19). Naturae cui dictum est, terra es et in terram ibis (Gen. iii, 19), huic dictum est, sede a dextris meis (Psal. cix, 1). » Hoc dixit Christus, ut beatus Hieronymus exposuit in tractatu hujus psalmi ^a, ad Pharisæos, qui simplicem filium David confitebantur Christum: Si filius est David, quomodo vocat filium suum Dominum? » Et paulo post, idem ipse: « Videte ergo quid dicit: Dicit Dominus Dominino meo. Num hic [Forte, huic] cui præcipitur ut sedeat? Deus non sedet, assumptio corporis sedet. Huic ergo præcipitur ut sedeat. quia [Hier., qui]

^a S. Hier., in Breviario in Psalterium, quod huic sancto Patri Alcuinus quidem attribuit; a viris vero

A homo est qui assumptus est. » De quo et Apostolus ait, et est Dominus omnia (Rom. x, 12): et si est Dominus omnium, utique et Dominus est David, de cuius semine natus est carnaliter. Hoc ideo tam subtiliter interrogavit ipse Deus Christus, ut intellegiretur eumdem esse Dominum David qui et filius est.

XVII. Et si hoc parum videatur infidelitati vestrae tanti Patris testimonio Dominum esse qui natus est de semine David (ut te quoque, o Felix hujus novitatis assertor, specialiter angelicæ vocis assertione alloquar), audi etiam loquentem ad pastores de Dei ortu angelum Dei: Natus est, inquit, robis **799** hodie Salvator, qui est Christus Dominus in civitate David (Luc. ii, 11). Ne solum utique Christum hominem intelligeres, et Dei tibi et Salvatoris nomen adjecit: scilicet ut quem Salvatorem esse cognosceres, Deum nequaquam esse dubitares: et cum salvandi virtus non nisi divinæ competenter potestati, divinæ eam potentiam esse non ambigeres, in quo potentiam salvandi esse didicisses. Sed et hoc incredulitati tuae parum fortasse videatur, quia eum angelus Domini potius Salvatorem, quam Deum aut Dei Filium nominaret,

B cum utique impiissime Deum neges, quem Salvatorem esse fatearis: quem beatus doctor gentium Salvatorem saepius nominare non dubitavit, dicens ad Titum: Apparuit enim gratia Dei Salvatoris nostri (Tit. ii, 11). Audi quoque archangelum Gabrielem Mariæ virginis prædicantem: Spiritus, inquit, sanctus superveniet in te, et virtus Altissimi obumbrabit tibi, ideo et quod nascerut in te sanctum, vocabitur Filius Dei (Luc. i, 35). Vides quemadmodum nativitatem Dei indicatur divinitatis opera præmiserit: Spiritus enim sanctus (inquit) veniet in te, et virtus Altissimi obumbrabit tibi. Pulcherrime loquens angelus excellentia verborum majestatem divini operis explicavit. Quid enim tanti apparatus opus erat in nativitate unius infantuli, ut tu vis, adeptivi? Pater obumbravit, Spiritus sanctus imprægnavit, Filius incarnatus est, dum omnis coelestis terrenaque creatura solo jubentis verbo facta est: ut habetur in psalmo. Ipse dixit, et facta sunt, ipse mandavit, et creata sunt (Psal. cxlviii, 5). Cur parum fuit iusso dicentis, sicut in cæteris omnibus creaturis, ad unius hominis procreationem, si tantummodo purus homo natus est, et non Deus, vel etiam Dei Filius verus? Sed illa utique omnia opera angelicarum potestatum, vel omnium creaturarum facta sunt per iussionem Dei: nativitas autem Dei Filii agenda non erat, nisi per adventum et operationem sancte Trinitatis: quia et concipi Deus ab homine, nisi se duante; et nasci, nisi se illabente, non poterat. Et ideo archangelus superventuram Virginis majestatem sacram indicabat: videlicet ut quia agi tanta res per humanum officium non valebat, ipius adsuturam diceret majestatem in conceptu, qui erat futurus in partu. Et quia Deus supervenit in conceptione, ideo

C C superveniet in te, et virtus Altissimi obumbrabit tibi. Pulcherrime loquens angelus excellentia verborum majestatem divini operis explicavit. Quid enim tanti apparatus opus erat in nativitate unius infantuli, ut tu vis, adeptivi? Pater obumbravit, Spiritus sanctus imprægnavit, Filius incarnatus est, dum omnis coelestis terrenaque creatura solo jubentis verbo facta est: ut habetur in psalmo. Ipse dixit, et facta sunt, ipse mandavit, et creata sunt (Psal. cxlviii, 5). Cur parum fuit iusso dicentis, sicut in cæteris omnibus creaturis, ad unius hominis procreationem, si tantummodo purus homo natus est, et non Deus, vel etiam Dei Filius verus? Sed illa utique omnia opera angelicarum potestatum, vel omnium creaturarum facta sunt per iussionem Dei: nativitas autem Dei Filii agenda non erat, nisi per adventum et operationem sancte Trinitatis: quia et concipi Deus ab homine, nisi se duante; et nasci, nisi se illabente, non poterat. Et ideo archangelus superventuram Virginis majestatem sacram indicabat: videlicet ut quia agi tanta res per humanum officium non valebat, ipius adsuturam diceret majestatem in conceptu, qui erat futurus in partu. Et quia Deus supervenit in conceptione, ideo eruditis nostræ etatis inter supposita eidem opuscula rejicitur.

futurus erat Deus in parturitione. Et quid de Deo, nisi Deus nasci potuit? *Spiritus est Deus* (*Joan. iv, 24*), ut Apostolus ait; de quo spiritu, ut in symbolo cantitamus, ex Maria virgine natus est Filius Dei. Addidit quoque quærenti Virgini archangelus: *Ideo-que quod ex te nasceretur sanctum, vocabitur Filius Dei* (*Luc. i, 35*). Hoc est dicere: non ignores hunc tantæ rei apparatus, hoc tanti mysterii sacramentum: ideo in te veniet majestas Dei, quia ex te nasceretur Filius Dei. Quid hic ultra ambigi aut quid amplius dici potest? Deum dixit superventurum, Dei Filium na-sciturum. Tu quære nunc, si placet, quomodo aut Dei Filius sit? quomodo aut Dei Filius non sit, qui natus est? vel si Dei Filius sit, quomodo Deus non sit?

XVIII. Si vero nec archangelorum credis testimonio, crede saltem ipsis Dei Patris, qui ait, ubi transfiguratus est Christus in monte sancto, sicut pradiximus : *Hic est Filius meus, in quo mihi bene complacui, ipsum audite* (*Matth. iii, 17*). Quam visionem praecepit apostolis tacere, donec Filius hominis a mortuis resurgeret; ne dum gloria praedicatur majestatis, crucis mysterium impediretur. Cur eniun, si de divina natura Dei Filii dixisset : *hic est Filius meus dilectus*, taceri præcipitur, dum toties Christus se ostendit palam, et prædicavit Dei esse Filium, veluti ubi ait : *Ego et Pater unus sumus* (*Joan. x, 30*). Item : *Qui videt me, videt et Patrem* (*Joan. xiv, 9*). Item : *Omnia quæ Pater facit, hæc et Filius similiter facit* (*Joan. v, 19*) : et multa talia, ubi se in divina substantia omnino Patri æqualem, et Patris esse Filium non tacuit. Sed hæc vox paterna ad hoc in baptismo super Filium hominis facta est, ut agnosceretur et crederetur verus esse Filius Dei homo, qui ex substantia beatæ Virginis creatus est.

XIX. Sed forte meæ parvitatis sensus tibi non sufficit, ut de Christo, qui de Virgine natus est, hæc testimonia Patris prolata sint. Audi etiam quomodo Patres nostri viri vere catholici responderunt antecessoribus tuis, qui Christum nec Dei Filium, nec Deum verum voluerunt credere, ut eadem verba ponamus, **800** quæ leguntur in libro beati Cassiani (Lib. iii de *Incarnat.*, cap. 15 et 16) : vel sic divino, inquit, credas testimonio a signis coelestibus, quæ super baptismum Christi apparuerunt. Hæc sunt verba fidei catholice. « Quid ergo apostolus Thomas tetigit, cum ad palpandum Deum accessisset ? Christum utique absque dubio ; quid autem exclamavit ? Dominus, inquit, *meus et Deus meus* (*Joan. xx, 28*). Nunc si potes, et Christum a Deo separa, et immutat dictum hoc, si vales : da dialecticam disputationem, da prudentiam mundalem, et stultam illam verbosam calliditatem sapientiam : verte omnes tete in facies, et contrahe, quidquid sive animis, sive arte vales ; quidlibet dicas, quidlibet facias, exire hinc nusquam vales, nisi hoc, quod apostolus tetigit, Deum fatearis. Et quidem, si quo modo possis, immutare forsitan historiæ evangelicæ prædicationem velis, ut nece-

A corpus Domini Thomas apostolus contigisse , nec Christum Dominum Deum dixisse legeret [Cass., legeretur]. Sed immutari quod in Evangelio Dei scriptum est, nequaquam potest, *Cælum enim et terra transibunt, verba vero Dei non præteribunt* (Matth. xxiv, 35). Ecce enim etiam nunc tibi ille, qui tunc testatus est Thomas apostolus, clamat : Deus est Jesus quem tetigi, Deus cuius membra palpavi, non ego incorporalia tenui , nec intractabilia tentavi [Cass., tractavi]. Non Spiritum manu contigi, ut de eo tantum credar dixisse, Deus est. Spiritus juxta Domini mei dictum, *carnem et ossa non habet* (Luc. xxiv, 39). Ego corpus Domini mei tetigi : ego *carnem et ossa palpavi* : ego digitos meos in locum vulnerum misi, et de Christo Domino meo, quem palaveram, proclamavi ; *Dominus meus et Deus meus.* Non enim novi inter Christum et Deum facere distantiam, inserere sacrilegas opiniones inter Jesum et Deum nolo, devellere a seipso Dominum meum nescio. Fac esse a me quisquis diversa sentis, quisquis diversa loqueris : Ego aliud Christum quam Deum esse non novi : hoc cum coapostolis meis tenui, hoc Ecclesiis tradidi, hoc gentibus prædicavi, hoc etiam tibi clamo : Christus Deus est, Christus Deus est. Aliud mens sana non sentit, aliud fides sana non loquitur ; divelli a se divinitas non potest : et cum utique quidquid est Christus, Deus sit, inveniri in Deo aliud non potest quam Deus.

XX. Quid ais tu nunc, hæretice? sufficiuntne hæc
C testimonia fiduci etiam summæ infidelitati, an althuc
aliiquid addendum est? Et quid vel post prophetas,
vel post apostolos addi potest, nisi forte, ut Judæi
quondam expostulabant signum sibi de cœlo, etiam
tu tibi dari postules? Sed petenti tibi hoc, illud quod
responsum tunc illis est, necesse est responderi:
*Generatio prava et adultera signum querit, et signum
non dabitur ei, nisi signum Ioseph prophetæ (Matth.
xvi, 4);* et vere sufficere tibi signum hoc, vel cum
Judeis crucifigentibus poterat, ut Dominum Deum
nostrum, etiam hac re sola edocitus credentes, quem
etiam illi qui persecuti fuerant, crediderunt. Sed ta-
men quia cœlestis signi fecimus mentionem, ostendam
tibi de cœlo signum, et quidem tale, cui nec
dæmones unquam contradixerunt, dum ipsa veritatis
D necessitate cogente, licet Jesum corporeum esse cer-
nerent, Deum tamen, quod erat, esse clamabant.
Quid ergo ait evangelista de Domino Iesu Christo?
*Baptizatus, inquit, confessim ascendit de aqua, et ecce
aperti sunt ei cœli, et vidit Spiritum descendenterem
sicut columbam venientem super se, et ecce vox de cœ-
lis dicens: Hic est Filius meus dilectus, in quo mihi
complacui (Matth. iii, 16, 17).* Quid ad hæc nunc,
Hæretice, ais? dictum displicet an persona dicentis?
nec interpretatione certe indiget intelligentia allocu-
tionis, nec commendatione verborum dignitas allo-
quentis. Deus Pater est qui dixit, evidens est quod
dictum est. Nunquid tam impudentem aut sacrile-
gam [Cas., tam sacrilegam] vocem proferre poteris.
ut dicas. de unigenito Dei Filio, nec Deo Patri esse

credendum? *Hic est ergo, inquit, Filius meus dilectus, in quo mihi complacui.* Sed tentabis forsitan dicere, ut est dementia, de Verbo hoc, non de Christo dictum fuisse: Dic mihi ergo quis erat qui baptizabatur, Verbum an Christus? Quis baptizatus esset in Jordane, caro an Spiritus? Negare utique non potes Christum fuisse. Homo ergo ille ex homine ac Deo natus, Spiritu sancto in **801** Virginem descendente, et virtute Altissimi obunibrante conceptus, ac sic hominis et Dei Filius, ille utique, ut negare non potes, baptizatus est. Si ergo ille baptizatus est, ille et nominatus: quia ille utique nominatus, qui baptizatus est: *Hic est, inquit, Filius meus dilectus, in quo mihi complacui.* Nunquid dici significantius aut expressius quidquam potest? Christus baptizatus est, Christus de aqua ascendit, Christo baptizato cœli aperti sunt; descendit super Christum corporali specie Spiritus sanctus, Christum Pater appellavit [*Cass.*, propter Christum columba descendit: super Christum in corporali specie Spiritus sanctus astitit; Christum Pater appellavit]. Hoc si de Christo dictum negare ausus es, superest ut nec baptizatum Christum fuisse, nec Spiritum descendisse, nec Patrem locutum fuisse contendas. Sed urget tamen et premit te ipsa veritas, ut etiam si confiteri eam nolis, tamen negare non possis. Quid enim ait evangelista? *Baptizatus autem confessim ascendit de aqua.* Quis baptizatus est? Christus utique. *Et ecce, inquit, aperti sunt cœli:* Cui scilicet, nisi illi qui baptizatus est, Christo utique? *Et vidit Spiritum Dei decedentem sicut columbam venientem super se.* Quis vidit? Christus, scilicet, vel Joannes [*Cass., verba vel Joannes omitt.*]. Super quem descendit, super Christum utique? Et vox facta est de caelo dicens. De quo? de Christo scilicet; quid enim sequitur? *Hic est Filius meus dilectus, in quo mihi complacui.* Ut omnia illa, propter quem facta essent, ostenderentur, vox consecuta est dicens: *Hic est Filius meus dilectus, in quo mihi complacui.* Hoc est dicere: Hic est propter quem cuncta hæc facta sunt, hic est enim Filius meus, propter hunc cœli aperti sunt, propter hunc Spiritus meus venit, propter hunc vox mea facta est; hic est Filius meus. Dicens ergo: *Hic est Filius meus, quem designabat?* illum utique quem columba tangebat. Quem ergo columba tetigit? Christum scilicet, ergo Christus Filius est Dei. Impleta est, ut reor, sponsio mea. Vides ergo, hæretice, profecto signum tibi de cœlo datum, et

■ Huc usque ex Cassiano.

A quidem non unum, sed et multa et singularia. Habes enim unum in aperiōne cœli, aliud in Spiritus desessione, tertium in Patris voce; quæ utique omnia Christum Deum esse declarant; quia eum et reseratio colorum Deum indicat, et descensio super eum sancti Spiritus Deum approbat, et allocutio Patris Deum esse confirmat. Neque enim vel cœlum nisi Domini sui honori patuisset; vel Spiritus specie corporali, nisi super Dei Filium descendisset; nec Pater Filium nisi vere Filium declarasset: præsertim cum his divinæ nativitatis significationibus, quæ non solum veritatem pia fidei confirmarent, sed etiam pravitatem impiæ opinionis excluderent. Ineffabili enim divini dicti magnificentia, cum expresse ac significanter dixisset Pater: *Hic est Filius meus,* B addidit etiam illud quod consecutum est, *dilectus, scilicet et, in quo mihi complacui.* Utique sicut eum per prophetiam Deum fortē et Deum magnum jam prædicaverat (*Isa. ix, 6*), ita hic dicens, *Filius meus dilectus, in quo complacui,* super proprii Filii sui nomen, etiam dilecti et complaciti sibi nomen Filii adjevit [*Cass., insuper proprii Filii sui nomen adjectum, etc.*]: ut proprietatem divinæ, scilicet, naturæ nominum significaret adjectio: et id ad honorem Filii Dei peculiariter pertineret, quod nulli omnino homini contigisset. Itaque sicut illa propria ac peculiaria in persona Domini nostri Iesu Christi fuerunt, quod cœli aperti sunt, quod eum Deus Pater cunctis videntibus per adventantem atque testantem columbam quasi manu quodammodo sua tetigit, et quasi digito indicante monstravit dicens: *Hic est Filius meus:* ita illud quoque proprium ei ac singulare, quod peculiariter dilectus et peculiariter Patri complacitus nominatur, ut peculiarem utique naturæ significationem peculiaria additamenta monstrarent, et proprietatem unigeniti Filii etiam cognominum proprietas confirmaret, quam jam honor signorum præcedentium comprobasset. Sed jam libelli istius filii sit. Neque enim hoc dictum Dei Patris, aut augeri humanis sermonibus, aut exequari potest. Nobis de Domino nostro Iesu Christo Filio suo satis per se ipsum Pater [*Cass., per se ipse Deus Pater*] idoneus testis est dicens: *Hic est Filius meus.* Tu si contradicendum his Dei Patris vocibus putas, illi a te, necesse est contradici, qui eum evidentissima declaratione Filium suum esse ab omni mundo voluit agnoscere. ■

802 LIBER SECUNDUS.

I. Non debet mihi lector imputare sermonis mei confusam quodammodo disputationem et inordinatam, quia non recto tramite currentis, sed circulo loquacitatis rotatu disputantis vestigia sequi necessarium habeo. Et prout ordo proponentis exierit, sermo respondentis subsequatur. Nec mirum si di-

verso tramite curram in sermone, qui vario sensu etiam, et sibimet ipsis aliquantis in locis dissimili pergit per latissimos sanctæ Scripturæ campos, non catholicæ fidei querens veritatem, sed suo errori, licet valde sibi contraria, nititur [*Deest, invenire, vel simile*] testimonia; omnium hæreticorum sequens

consuetudinem, qui divini eloquii sententias ad sui probationem erroris pravo sensu interpretari nituntur.

II. Dicis itaque *quod norus homo norum nomen habere debeat*. Dic, rogo, quis hoc novum nomen Spiritus vestris insonuit auribus? Forte Deus tecum loquebatur in turbine, veluti cum Job servo suo: vel etiam in Pyrenæis collibus in tonitruo et voce tubæ, sicut cum Moyse famulo suo in Sina monte sermocinatus est: vcl Dominum cum Isaia propheta vidisti in solio sedentem, et missus est seraphim cum ardente calculo labia tua mundare, ut inaudita a sæculis nomina mundo proferre valuisses: vel cum Apostolo raptus fuisti ad tertium cœlum, et ibi audisti ineffabilia verba: vel cum beato evangelista vidi-
sti et legisti librum sigillatum septem sigillis, quem nemo potuit aperire, nisi leo de tribu Juda, cuius potestati infeiciter Felix derogare non metuis! Pro-
fer tamen nobis quid tecum loqueretur Deus vel in turbine, vel in Pyrenæis collibus: vel illa ineffabilia verba quæ audisti dic nobis, vel de sigillato libro ostende nobis testimonia novi nominis quod novo homini indidisti. Credo quod alias spiritus tibi locutus est Christum esse adoptivum, alias Isaiae prophetæ inspiravit dicenti: *Et vocabitur nomen ejus Emmanuel* (*Isa. vii, 14*); vel etiam quod alibi ait: *Et vocabitur nomen ejus admirabilis, consiliarius, Deus, fortis, princeps pacis, pater futuri sæculi* (*Isa. ix, 6*). Et alias spiritus tibi dictavit Christum nuncupativum esse Deum, alias alteri prophetæ dicenti: *Si affigit homo Deum suum, quia vos affigitis me* (*Malach. iii, 8*). Nunquid non haec vox Christi potuit esse, quando ductus est ad crucem, quasi dixisset: Cur, quæso, Redemptorem vestrum non agnoscitis? Cur Deum indutum pro vobis carne nescitis? Salvatori vestro necem paratis. Auctorem vitæ ad mortem ducitis: Deus vester sum, quem suspenditis: Deus vester, quem crucifigitis. Quis, rogo, hic error, aut quæ insanias est? Si *affigit homo Deum suum, quia vos affigitis me*. Vides quomodo vox hæc ipsarum quodammodo, quæ acta sunt, rerum vox sit. Nunquid expressius quidquam aut manifestius quærias? Vides quomodo testimonia sacra natum in carne Dominum Jesum Christum ab ipsis quodammodo incunabulis, usque ad crucem quam pertulit, prosecuta sunt: cum utique illum, quem Isaías Dominum in carne nasci prædicavit; hic Deum in cruce videat affligi. Et ideo a propheta et illic ubi natus est Deus dicitur, et illic ubi crucifixus est Deus evidentissime nominatur. Certissime alias angelus tibi dormienti in somnis apparuit, alias Joseph viro Mariæ: et aliud tibi nomen demonstravit, aliud illi; vel alias non Gabriel, sed ignotus quilibet nuntius tibi vigilanti astitit susurrans in aurem. Hunc, inquit, puerum, qui natus est de Virgine, adoptivum vocare memento. Sed alias beatissimæ Virginis astitit, et jam non quislibet, sed Gabriel archangelus clara voce pronuntians: *Spiritus sanctus superveniet in te, et virtus Altissimi obumbrabit tibi: ideoque et quod ex*

A *te nascetur sanctum, Filius Dei vocabitur* (*Luc. 1, 33*). Si igitur ipse Gabriel, qui dicitur fortitudo Dei, te orantem in templo invenisset, non novem mensium, sed perpetua taciturnitate incredulum damnasset os tuum: quia quem ille a Deo missus et divinæ conscientiæ voluntatis parere Virginem prædictit Jesum, id est, Salvatorem, et magnum, et Filium Altissimi, et sanctum, et regnaturum in æternum ostendit, hunc tu parvum et adoptivum, et servum conditionalem testari non times.

B 803 III. Primum ergo illud a te requiro, Domi-
num Jesum Christum, qui ex Maria virgine natus
est, hominis tantum Filium, an etiam Dei Filium di-
cas? Sed hoc superfluum est a te quererere quod per-
spicuum est te sentire, et multis verbis, licet inani-
ter, confirmare hominis esse tantum Filium, qui ex
Virgine natus est, et non Dei, nisi per adoptionem.
Nos autem, id est, catholicorum omnium fides, nos,
inquam, omnes utrumque et credimus et intelligi-
mus, et scimus et constemur, quod et hominis est
Filius, qui ex homine natus est, et Dei Filius, qui ex
Spiritu sancto conceptus est. Tu ergo vel utrumque,
id est, Dei Filium atque et hominis, an tantum homi-
nis esse asseris? Si tantum hominis, reclamant tibi
apostoli, reclamant prophetæ, reclamat denique ipse,
per quem facta est conceptio, Spiritus sanctus. Obrui-
tur impudentissimum os tuum cunctis divinorū
apicū testimoniis; obruitur sacrī voluminibus,
sanctis testibus; obruitur denique ipso Dei Evan-
gelio, quasi divina manu multis in locis maxime pa-
terna voce de cœlis, et ipsis testimonio de quo nunc
nobis sermo est. Damnat et ipse archangelus vocem
incredulam in te, qui virtute sui sermonis clausit in
Zacharia os incredulam: multo magis et in te, qui
nec Dei Patris testimonio de Filio suo testantis,
nec apostolicis doctrinis, nec propheticis præsa-
giis, nec angelicis afflatibus consentire vis, sed
post hæc veritatis testimonia novum nomen Dei Filio
cum paucis Hispaniæ, non dico doctoribus, sed veri-
tatis desertoribus, imponere præsumis. Convertimini
quandoque ad unitatis catholicæ concordiam, et,
dum adhuc lumen habetis, currite, ne vos tenebrae
apprehendant: ut sitis per illum adoptione filiorum
digni, qui est verus Filius Dei, qui in plenitudine
divinitatis natus est perfectus Deus, perfectus homo:
totus Deus, totus homo; totus Filius Dei, et totus
filius hominis. Et nomen quod angelus concipienti
Virginis prædictit, id est Filium Dei, firmissime te-
nete, credite et prædicate. Dei enim Filius Je-
sus Christus est, qui et de divinitate genitus,
et de divinitate conceptus est. Si autem Dei Fi-
lius, ergo indubitanter Deus: si vero Deus, uti-
que omni veritate plenus, quia gratia et veritas
per Jesum Christum facta est (*Joan. i, 17*). Omnis
ergo in eo gratia, omnis veritas, omnis virtus,
omnis potentia, omnis divinitas, omnis denique
divinitatis ac majestatis ipsius plenitudo cum eo
atque in eo semper fuit, sive in celo, sive in terra,
sive in utero, sive in ortu. Nihil unquam Deo de Deo

desuit; semper enim cum Deo deitas; semper in Filio proprietas: idem in hominis exiguitate qui in Dei majestate. Et ideo bene Apostolus, Christi gratiam nominans, Dei gratiam nominavit, quia Christus totum erat quod Deus. Omnis in ipsa statim hominis conceptione Dei virtus, omnis divinitas, omnis divinitatis venerat plenitudo. Inde enim illi omnis divinitatis perfectio unde et origo. Neque enim unquam ille homo sine Deo fuerat, qui utique hoc ipsum quod erat esse a Deo cooperat. Hoc ipsum itaque primum, velis nolis, negare non potes, quod Dominus Jesus Christus Filius Dei sit, archangelo utique clamante: *Quod ex te nasceretur sanctum, vocabitur Filius Dei* (Luc. i, 35). Hoc autem posito, scito te, quidquid de Christo legeris, de Dei Filio legere: quidquid de Domino aut Jesu legeris, ad Dei Filium pertinere. Omnia enim haec illius nomina Dei Filium demonstrant: et ideo tu in his omnibus, quaecunque audieris, nomen divinitatis agnoscere. Omnia haec ejus vocabula Filium Dei clamant, cum in omnibus videoas te Dei Filium intelligere debere. Argumentare, si placet, quomodo Deum valeas a Dei Filio separare: nec enim toties per omnes paginas sanctorum Evangeliorum Dei Filius nominaretur, si proprie non esset Dei Filius, qui ex Virgine secundum carnem natus est. Quid enim tibi sufficit, si Evangeliorum testimonia [non] sufficiunt? Vel cuius testimonio credis, si ipsius Patris testimonio incredulus es?

IV. Legitur quoque in tui libelli textu: « In illa scilicet, in qua juxta carnis materiam universi fideles ejus membra ipsius sunt; non in illa, hoc est, in divinitate ejus, in qua non membra habet, sed templum. » Quomodo potest esse ut Deus Christus membra non habeat, sed templum habeat? Nunquid non templum Dei est corpus quod ex Virgine sumpsit? ut evangelista ait: *Hoc autem dicebat de templo corporis sui* (Joan. ii, 21). Et si corpus habet, habet utique et membra, Apostolo attestante: *Vos autem etsis corpus Christi, et membra de membro* (I Cor. xii, 27). Scimus enim divinam naturam per partes non esse divisam, sicut corpus in membra dividitur: tamen quia dixisti eamdem naturam templum habere, si templum habet, id est corpus, habet utique et membra, quia templum sine membris esse non potest. Nam eadem natura divinitatis, quæ ante incarnationem membra non habuit, eadem, dum homo facta est, membra habuit, in quibus cruci affigitur; quæ etiam et post resurrectionem se habere testatur, cum dicit apostolis: *Palpate et videte, quia spiritus carnem et ossa non habet, sicut metidetis habere* (Luc. xxiv, 39); ostendens eis membra et latus, ut veritatem corporis demonstraret post resurrectionem in membris humanis. Non enim minoratio fuit divinitatis in assumptione humanitatis: sed humanitatis exaltatio in participatione divinitatis: sicut sepe dictus doctor beatus Augustinus in

* S. Aug., de peccatorum Meritis et Remissione, lib. i, cap. 31, ubi vide textum integrum.

A libro de Baptismo parvolorum ait: « Per unitatem vero personæ, quia [Aug., qua] utraque substantia unus Christus est, et Filius Dei ambulabat in terra, et idem ipse Filius hominis manebat in celo. Fit ergo incredibiliorum [Aug., credibiliborum] fides ex incredibilioribus creditis. Si enim divina substantia longe distantior, atque incomparabili diversitate sublimior potuit propter nos ita suscipere humanam substantiam, ut una persona fieret; ac sic Filius hominis, qui erat in terra per carnis infirmitatem, idem ipse esset in celo per participatam carni divinitatem b. »

B V. Opposuisti etiam, et nos dixisse inter alia: « Quid post tale tonitruum dubitatis singentes nativitati illius novum adoptionis nomen, quod in tota Veteris Novique Testamenti serie non invenitur de Christo? Ad quam, ais, objectionem et ego vobis respondeo: Recte novus homo novum nomen habere potest. » Dicam et ego; mirum, quod hoc novum nomen vobis tantummodo in ultimo Christianitatis tempore innotuit de Christo dici debere: si tamen hoc nomen adoptionis ita novum est, ut antea non esset in mundo, nisi cum Christo nascente venisset. Nunquid non filia Pharaonis Moysen adoptavit sibi in filium? Similiter et Jacob patriarcha adoptavit sibi in filios Ephraim et Manasse nepotes suos. Prophetæ illud de Christo non prædixerunt, nec lex in figuraationibus sacrificiorum habuit: evangelistæ non scripserunt, apostoli non prædicaverunt, successores illorum omnes ignoraverunt, nisi vos soli. C Spiritus quoque sanctus per os Isaiae prophetæ prædictis sex nomina de ipso: *Et vocabitur, inquit, nomen ejus Admirabilis, consiliarius, Deus, fortis, Pater futuri sæculi, princeps pacis* (Isa. ix, 6). Unde et beatus Hieronymus in expositione hujus propheticæ dixit: « Et licet ex eo, quod supra dixerat, Emmanuel, id est nobiscum Deus, Deum illum esse monstraretur [Bier., monstraverit], tamen nunc dicit factum [Quercet., Deum factum nunc, errores] illius principatum super humerum ejus, vel quod crucem suam ipse portaverat, vel per humerum ostendens fortitudinem brachii. » Sed et beatus Cassianus contra hæreticas pravitates ejusdem propheticæ ita exposuit sensum (Lib. ii de Incarnat., cap. 3): « Prævidens absque dubio divinus Spiritus hanc blasphemantium hæreticorum perversitatem, bis omni mundo Deum, qui nascebatur, rerum ipsarum vocabulis demonstravit: ut etiam si blasphemare hæreticus quæreret, blasphemiae tan. en locum penitus invenire non posset. Filius, inquit, natus est nobis, parvulus datus est nobis: cuius principatus super humerum ejus: et vocabitur nomen ejus Admirabilis, consiliarius, Deus, fortis, Pater futuri sæculi, princeps pacis (Isa. ix, 6). Parvulum hunc qui natus est, et principem pacis esse docuit, et futuri sæculi Patrem, et Deum fortem. Quis est ergo ter. giversandi locus? Separari parvulus hic qui natus est,

b Textus mutilus.

a Deo, qui in eo natus est, non potest. Hunc enim, quem natum dixit, Patrem futuri saeculi nominavit, Deum fortē esse prædictis. De quo et in superioribus idem propheta ait : *Ecce virgo concipiet, et pariet Filium, et vocabitur nomen ejus Emmanuel* (*Isa. vii, 14*). Evangelista Matthæus hoc exponens ait : *Quod interpretatur nobiscum Deus* (*Matth. i, 23*). Nam et angelus Gabriel a Deo missus ad Virginem dixit : *Ecce enim concipies et paries Filiū, et vocabis nomen ejus Iesum : hic enim erit magnus, et Filius Altissimi vocabitur* (*Luc. i, 31*). De quo nomine et Apostolus ait : *Et dedit illi nomen quod est super omne nomen, ut in nomine Iesu omne genu flectatur, cœlestium, terrestrium, et infernorum : et omnis lingua confiteatur quia Jesus est Christus in gloria Dei Patris* (*Philipp. ii, 9, 10, 11*). De quo sanctus Proclus Constantinopolitanus episcopus in epistola ad Armenios ait : « Si alter est Christus præter Deum verum, necesse est ut purus homo sit Christus : et quomodo eum ultra naturæ meritum cœlestium venerantur exercitus, eique, qui minor est, genu flectunt? » Quæ est hæc gloria Patris, in qua est Christus, si non est verus Filius Dei Patris, sed adoptivus, sicut omnes nos? Et si ita est, non est nomen illius super omne nomen, sed inter omnia nomina, id est, adoptivus : quia adoptivus commune est nomen omnium sanctorum. De nomine autem Iesu legitur in Actibus apostolorum : *Et baptizati sunt in nomine Iesu* (*Act. ix, 5*). Utique nomen illud, quod est Jesus, ab angelo Virgini prænuntiatum est, ut ille qui ex ea nasceretur vocandus esset Jesus. Si Jesus non esset Deus, quomodo baptizati sunt in nomine Jesu? De quo etiam nomine beatus Cassianus Pater ita ait in disputatione eadem, in qua supra : « Nunquid causari aliquid quasi de ambiguitate nominum potes, ut dicas aliud esse Christum, aliud Deum, ut Salvatorem a majestate nominis sui distrahas, et Deum a divinitate secernas? Ecce hic vas [Cass., vir] Dei ex Deo loquitur, et apparuisse ex Maria gratiam Dei evidenter testatur. Ac ne forte non ex Maria Deum apparuisse dices [nomen statim addidit Salvatoris], scilicet ut Deum esse natum ex Maria Deum crederes, quem Salvatorem natum negare non posses, *exspectantes*, inquit beatus Apostolus, *beatam spem et adventum gloriae magni Dei et Salvatoris nostri Iesu Christi* (*Tit. ii, 13*). Vedit profecto ille divinæ sapientiæ doctor ad insidiosas calliditates diabolice captionis simplicem tantummodo non sufficiere doctrinam, nisi sanctam fidem prædicationem inunimine cautionis armasset. Et ideo cum superius nomen Dei Salvatoris posuisset, hic addidit Iesu Christi. Licet [Cass., Scilicet] ne ad significandum Dominum Iesum Christum sufficere tibi forsitan nomen solum non crederes Salvatoris, et non eumdem Iesum Christum Deum esse intelligeres, quem Salvatorem Deum esse cognovisses. Quid ergo ait? *Exspectantes*, inquit, *beatam spem et adventum gloriae magni Dei, et Salvatoris nostri Iesu Christi*. Nihil

A hic de nominibus Domini nostri deest : et Deum hic et Salvatorem, et Iesum Christum vides : sed omnia hæc videns, omnia esse in Deo perspicis. Audisti enim Deum, sed Salvatorem : audisti Deum, sed Iesum : audisti Deum esse, sed Christum. Separari hoc appellationis diversitate non valet, quod divinitas unitate conjunxit. Sed licet, quidquid de his requieris, idem invenies : Salvator Deus est, Jesus Deus est, Christus Deus est. Oinne hoc quod audis plurale et nuncupatione, sed unum est potestate : Quia cum et Salvator Deus sit, et Jesus Deus, et Christus Deus, intelligere apertum est quod omnia hæc distinguuntur appellatione, sed majestate junguntur. Et cum evidentissime audias quod unus in singulis nuncupatur Deus, intelligere utique aperte potes quod est in omnibus unus Deus. Quid dubitatis, o novi doctores, Deum dicere verum et proprium Filium Dei, qui natus est ex Virgine, dum fixa ratione catholicæ fideli constat eumdem esse Deum quem et Iesum, eumdem esse Deum quem et Christum, eumdem esse Deum qui passus est pro mundi salute. »

B VI. At si mundi doctoribus cæteris vobis non libet credere, vestris saltem doctissimis viris credite. Cecinit juvencus presbyter, et doctissimus Hispaniæ scholasticus in carmine evangelico (*Hist. evang. lib. 1*) hoc modo :

Nam tua concipient cœlesti viscera jussu
Natum, quem regnare Deus per singula [F. per se-
cula] cuncta,
Et propriam credi sobole gaudetque, jubetque.
Hunc [Huic] ubi sub lucem dedi ris, sit nomine [no-
men] Jesus [Jesus].

C 806 Floruit vir iste temporibus Constantini principis. Videtis quidem ista; needum ista adoptionis vel nuncupationis heresis in Hispania fuit. Aut istum, qui apud vos doctissimus exstat magister, hereticum judicate, qui dicit hunc Deum esse et proprium Filium Dei, qui ex Virgine natus est; aut si illum recipere vultis, vestram sententiam damnate, vel magis corrigite ex ejus sensu, consenteanea qui profert testimonia sanctis Patribus qui diversis mundi temporibus per singula floruerunt loca.

D VII. Sed et clarissimus Hispaniæ doctor beatus Isidorus nobiscum videtur consentire, non vobiscum, qui ea nomina de Christo ubique in suis litteris, quantum ad nos sua dicta venerunt, posuit, quæ nos credimus et confitemur, sive propria sint, seu significativa : nec usquam illum inveni Christum adoptivum filium, vel Deum nuncupativum nominare. Nunquid igitur vos doctores illo estis, vel in Scripturis divinis, vel in sæcularibus disciplinis, ut vobis tam paucis et tam sero erumpentibus credere debeat mundus?

VIII. Dicit Origenes de divinitate carnis Christi in homilia quinta et in Isaiam prophetam : « *Quis exsurgere facit de Oriente justum. Vocavit eum ad pedes suos* (*Isa. xii, 2*)? Pater vocavit eum Filium : imo, ut vere dicamus, Deus hominem vocavit ju-

stum, vel justitiam, ad pedes suos, id est, incarnationem Filii sui. Ideo et adorent scabellum pedum ejus, quia sanctus est [Orig., sanctum est]. Caro autem Domini honorem deitatis assumpsit. »

IX. In libro etiam quarto de Incarnatione Christi, quem, mandante Leone papa, Cassianus contra Nestorium edidit, habemus ita scriptum (Lib. iv de *Incara.*, c. 5) : « Qui crediderit quoniam Jesus est Filius Dei, Deus in illo manet, et charitas Dei in eo perfecta est (I Joan. iv, 12); illum vero [Cass., illum vere] prædicat credere, illum plenum divina asserit charitate, qui Jesum Filium Dei credit : Filium autem Dei, Verbum Dei esse testatur : ac per hoc unum atque idem penitus vult intelligi unigenitum Verbum Dei, et Jesum Christum Filium Dei. » Nonne hujus charitatis plenitudinem evacuat, qui non crediderit Jesum Filium Dei esse verum; quia tantus apostolus et evangelista ait, illum, qui crediderit et cognoverit Filium Dei verum esse, qui venit in hunc mundum ^a : De quo et egregius præparator ait : *Fidelis sermo est, et omni acceptione dignus, quia Jesus Christus venit in hunc mundum peccatores salvos facere* (I Tim. i, 15). De quo et in Epistola ad Hebreos ait : *Tanto melior angelis effectus, quanto differentius pre illis nomen hereditavit* (Hebr. i, 4). Argumentum vero excellentiae ex nominis proprietate induxit : in hoc enim quod dixit : *Tanto melior angelis effectus*; dubium non est de homine assumptio dici, qui tanto melior ab angelis est, quanto præstantior filius proprius, a ministro serviente. Proprietas itaque filii in hereditate paterna præfertur ministrantium subjectioni.

X. Item beatus Augustinus in libro contra Maximum haereticum ^b : « Vis, inquit, plenus scire, quamvis Christus secundum carnem vere ex homine homo natus sit, tamen propter ineffabilem sacramenti unitatem, qua unitus cum Deo homo est, nullam penitus inter Christum et Verbum esse distantiam ; audi Dominicum Evangelium, imo potius audi ipsum de se dicentem Deum : *Hæc est, inquit, vita eterna, ut cognoscant te solum verum Deum, et quem misisti Jesum Christum* (Joan. xvii, 3). Superius audisti Verbum Dei ad sanatos homines missum esse, hic autem audis eum qui missus sit Jesum Christum esse. Separa hoc, si potes, cum videoas tantam unitatem Christi et Verbi esse, ut non unitum cum Christo Verbum, sed etiam propter unitatem ipsam **807** Christus jam Verbum esse dicatur. » De quo iterum testimonio veritatis idem Pater Augustinus in homilia quadam evangelicæ expositionis ita ait ^c : « Ordo autem verborum est, ut cognoscant te, et quem misisti Jesum Christum solum verum Deum. » Nam sicut in libris quos de sancta Trinitate fecit,

^a Deest aliiquid.

^b S. Aug. quem librum contra Maximum Alcuinus hic velit, ignoro. In duobus illis, libris quos S. Augustinus contra Maximum haereticum scripsit textus iste non reperitur. Nisi fortassis Alcuinus illum descripsisset ex libro de Maximianistis contra Donatistas; aut ex admonitione Donatistarum de

A testatus est, hæc missio Filii Dei incarnatio illius est. Si igitur incarnatio illius missio est, et ille qui missus est Jesus Christus verus est Deus, nihil relinquetur dubitationis, quin sit verus Deus Jesus Christus, et verus Filius Dei, qui missus est, id est, incarnatus de Spiritu sancto et Maria virgine.

Dic mihi, o novæ secte inductor, Jesum cum ex Virgine nasceretur, quid velis, hominem fuisse, an Deum? Si Deum tantum, solvisti utique Jesum, qui [Forte, cui] hominem unitum fuisse denegas. Si autem hominem solum, solvis utique nihilominus, qui solum, tantummodo ut facias hominem, natum esse blasphemæ. Fides ergo hæc tantum catholica est, hæc tantum vera est, ut Dominum Jesum Christum sicut Deum ita et hominem; et sicut hominem ita et Deum credere non dubitemus. *Omnis enim qui solvit Jesum, ex Deo non est* (I Joan. iv, 3) : solvere autem hoc est, quod unitum est in Jesu, velle disrumpere, et quod individuum est, separare. Quid autem in Jesu unitum et individuum est? Illo utique et Deus, ut sit unus Filius et Deus homo, et unus Filius hominis, qui de Virgine natus est, non ut alter adoptivus sit filius, alter proprius, vel alter nuncupativus Deus, et alter verus Deus.

XI. Sequitur in præfato Felicis libello : « Quid hoc nomen elicias [Forte, rejicis]? Quid præstantius, quid honorificentius, quidve sanctius humanæ naturæ a Deo conferri potest, quam hoc donum, per quod eadem creatura post prævaricationem hominis a Deo reconciliata cognoscitur? » Hoc de nomine adoptionis dicit, et verum dicit, quod nobis maxima est dignitas adoptivos Dei Filios nominari; sed per illum, qui verus est Filius Dei. In nobis itaque hoc nomen honorabile est valde, sed in Christo vile, quia major dignitas est verum esse Filium Dei, quam adoptivum. De cuius adoptionis ratione in alio libello ^d contra eundem Felicem plenus diximus, respondentes quidem epistole illius, quam de hac eadem edidit. Rata ibi sanctorum Patrum plurima habentur testimonia, ex quibus manifestissime poterit intelligere, qui legit, et pietatis intuitu considerat, Christum Deum verum esse Filium Dei in utraque natura: nos vero per eum adeptivos, cuius gratia salvati sumus; qui semper et ubique in Evangelio sive ab angelis, sive ab apostolis, sive ab aliis sanctis, aliquando etiam et a demonibus, nec non et centurione homine pagano verus Filius Dei nominatur. Quem enim alium vidit ille centurio in cruce pendente, nisi quem mori cernebat? et hunc esse verum Filium Dei confessus est. Vos vero Ecclesiæ filii, licet nomine tenus, cum Judæis objicitis Christo quod dixisset se esse Filium Dei,

Maximianistis; cuius utriusque S. Aug. meminit in libr. ii Retract., cap. 29 et 35; sed nunc neutrum exstat.

^c Idem, tract. xv in Joan., num. 3.

^d In alio libello, illo fortassis, quem ad monachos Gothiæ scripsit, supra a nobis exhibito.

nec non et nunc in sede paternæ majestatis regnante, et in throno cœlestis gloriæ sedentem, quem adorat omnis multitudo angelorum, et millia millium ministrant ei, cuius potestas est æterna, et regni ejus non erit finis, vestris adhuc blasphemias Filium proprium et verum Deum negare non metuitis. Nam et ob hoc etiam antecessores vestri Judæi Christum lapidare voluerunt, quia dixit : *Multa bona opera ostendi vobis ex Patre meo, propter quod eorum opus me vultis lapidare?* Quibus respondentibus : *De opere bono non lapidamus te, sed de blasphemia, quia tu ipse, homo cum sis, facis te ipsum Deum* (*Joan. x, 32, 33*). Idemque de paralytico, cui ipse ait : *Dimituntur tibi, fili, peccata tua*, invidentes Iudei dixerunt inter se : *Quis potest peccata dimittere, nisi solus Deus* (*Marc. ii, 5-7*)? Quibus Christus non solum voce, sed etiam facto se ostendens Deum esse, qui et filius hominis est, ait illis : *Quid est facilius dicere, dimittuntur tibi peccata, an dicere, surge et ambula?* Ut sciat autem, quia Filius hominis potestatem habet in terra dimittendi peccata, tunc ait paralytico : *Surge et ambula* (*Ibid., 9, 10*), et statim sanus factus est homo. Sumus itaque, ut ait, vel magis ut Apostolus ait, os ex ossibus, et caro de carne ejus : non **808** sicut prima mater Eva carmaliter sedilicata est de costa viri; sed specialiter sanguine Christi, qui de latere ejus effusus est; redempti siquidem magno pretio Filii Dei, non cuiuslibet adoptivi. Quapropter et Apostolus ait : *Mysterium hoc magnum est* (*Ephes. v, 32*); mysterium nominavit, quod factum gestum est in Adam et Eva, quia spiritualiter hoc in nobis actum est. Ideo factus est ille verus Filius Dei, cuius sanguis pro nobis effusus est, ut nos possimus esse adoptivi per illum.

XII. Proponis quoque hujusmodi argumentum dicens : *Quod si idem Redemptor noster in carne sua, quam ex utero Virginis ab ipso videlicet conceptu suscepit, adoptivus apud Patrem non est, sed verus et proprius Filius, quid superest, nisi ut eadem caro ejus non de massa humani generis, neque de carne matris sit creata et facta, sed de substantia Patris, sicut et divinitatis ejus generata?* Proponam et ego argumentum tibi : Si ille homo, quem assumpsit Filius Dei, adoptivus est, adoptivus est ille qui eum assumpsit, quia una persona est in homine et in Deo, et est omnino unus filius, non duo filii. Unus autem filius, quomodo potest esse proprius et adoptivus unius patris? Si adoptivus est, proprius esse non poterit : si proprius, adoptivus esse non poterit ejusdem patris. Duos autem esse filios, unum proprium et alterum adoptivum, nefandissimum est credere de Christo. Assumpsit namque sibi Dei Filius carnem ex Virgine, et non amisit proprietatem, quam habuit in Filii nomine. Sed quanquam duas habuisse post nativitatem ex Virgine naturas, tamen unam proprietatem in Filii persona firmiter tenuit. Accessit humanitas in unitatem personæ Filii Dei ; et mansit eadem proprietas

A in duabus naturis in Filii nomine, quæ ante fuit in una substantia. In assumptione namque carnis a Deo, persona perit hominis, non natura. In nobis est persona adoptionis, non in Filio Dei, quia singulariter ille unus homo ex Deo conceptus, et in Deum assumptus habet proprietatem Filius Dei esse, quod omnes sancti habent per adoptionem gratiæ Dei, qui habitu inventus ut homo, sed divinitate ut Deus. Nec in illa assumptione alius est Deus, alius homo, vel alius Filius Dei, et alius filius Virginis : sed idem est Filius Dei, qui et filius Virginis : et idem filius Virginis, qui et Filius Dei : ut sit unus Filius etiam proprius et perfectus in duabus naturis Dei et hominis. De quo etiam Christi habitu beatus Augustinus ait : *Sic assumptus est homo, ut proficeret [Aug., commutaretur] in melius, et ab eo formaretur ineffabiliter excellentius atque conjunctius, quam vestis, cum ab homine induitur. Hoc ergo nomine habitus satis significavit Apostolus, quemadmodum dixerit : In similitudine hominum factus (Philip. ii, 7) : quia non transfiguratione in hominem, sed habitu factus est, cum induitus est homine, quem sibi coaptans [Aug., uniens] quodammodo atque conformans immortalitati æternitatique sociaret.*

C XIII. Non satis autem intelligo, quid pertineat ad corpus Christi, quod pro nobis pependit in cruce, quod ait Apostolum dicere : *Hoc inquit, scientes, quia vetus homo noster simul crucifixus est, ut destruatur corpus peccati, ut ultra non serviamus peccato* (*Rom. vi, 6*). Christus namque nunquam vetus homo fuit, nunquam corpus peccati habuit, sed ab initio conceptionis Deus verus, et verus Filius Dei, absque omni peccato conceptus est et natus. Nos vero omnes veteres homines fuimus in peccatis Adam : sed in novos gratia baptismi per Christum Jesum conversi et adoptati et prædestinati in filios adoptionis. Quam prædestinationem asseris Christum æqualiter nobiscum habere, non attendens Apostolum testantem, aliter Christum esse prædestinatum, aliter et nos. Illum dicit prædestinatum esse Filium Dei, sicut ait : *Qui prædestinatus est Filius Dei in virtute* (*Rom. i, 4*). In qua virtute, nisi divinitatis? Nos vero prædestinatos esse per illum in adoptio nem filiorum dicit. Nos per illum, non ille per nos prædestinationem habemus. (*Rom. viii, 29*).

D XIV. Ponis quoque argumentum de sententia ejusdem prædictoris egregii, ubi ait : *Scire debemus, quod omnis viri caput est Christus, caput autem mulieris vir : caput **809** autem Christi Deus* (*I Cor. xi, 3*) : et dicas : Necesse est membra adoptiva adoptivum habere caput. Si igitur Christus, qui est caput omnium nostrum, adoptivus est propter membra adoptiva, quod nos sumus, nonne vides ea ratione posse dici Deum Patrem esse adoptivum, qui caput est Christi? Nam caput in corpore membrum est : et qui caput est capitum, quomodo propter adoptivum capitum, quod Christus est, non erit et illum

* S. Aug., libr. De diversis questionibus, quest. 73, num. 2.

principale caput adoptivum? Quod quam impium et absurdum sit, nemo sanum sapiens non intelligit. Ergo hæc sententia apostolice auctoritatis non carnaliter, sed spiritualiter intelligenda est. Aliter caro ex carne nascitur, aliter spiritus ex spiritu, sicut ipsa Veritas in Evangelio dicit: *Quod natum est ex carne, caro est: quod natum est ex spiritu, spiritus est* (Joan. III, 6); quia Deus Spiritus est, ex Deo donatus est. Spiritualis nativitas nos facit membra esse Christi non carnalis; donec ipsa creatura corporis nostri liberata a servitute corruptionis renovetur in assumptione filiorum Dei, et inimica destratur mors; et induatur hoc mortale immortalitate, et sit Deus omnia in omnibus.

XV. Post hæc etiam præfatus Felix non plano pede, sed claudicante gressu per campos Scripturæ sanctæ currit multa proponens testimonia, quæ suis partibus non conveniunt, ut sermonem fecisset longiorem, usque dum pervenisset ad Jordanicas undas, ut Christo baptizato nomen imposuisset adoptionis. Nec adhuc paterna voce de cœlis territus tacere novit, quæ etiam vox baptizato Christo testimonium, audiente beato Baptista Joanne, perhibuit hujusmodi, clamans: *Hic est Filius meus dilectus, in quo mihi bene complacui* (Matth. III, 17). De quo testimonio supra plenus diximus*. Nunc tantum in hoc loco interrogare libet, si hæc vox paterna ad unam Christi personam pertineret? Si ad unam: ergo illa una persona, ad quam hæc vox facta est, tota est Filius Dei dilectus, licet in duabus naturis. Si ad divinitatem tantum, ergo divinitas baptizata est ibi, et non humanitas: quia super baptizatum hæc vox facta est. Homo siquidem, qui baptizatus est, Dei Filius a Deo Patre prædicatur, super quem et Spiritus sanctus in specie columbae descendit. Quatenus paterna vox et sancti Spiritus descensio eundem esse Dei Filium demonstraret, qui baptizatus est. De qua etiam et ipse Baptista eo inspirante, qui se misit ad baptizandum, paternæ voci consonum protulit testimonium dicens: *Et ego vidi, et testimonium perhibui, quia hic est Filius Dei* (Joan. I, 34).

XVI. Quid adhuc, o doctor mirabilis, adoptionis nomen Christo imponis? quem insuper lavacro indiguisse baptismatis [Supple asseris, vel simile], et secunda generatione, sicut nos peccatores jam nati per generationem carnalem in filios iræ, ut aperte extuis verbis intelligi potest; ais enim inter cætera: « Quoniam sicut in prima generatione, ex qua secundum carnem nascimur, nullus homo esse potest, qui aliunde originem trahat, nisi de primo illo Adam, qui ex terra virgine creatus est; ita in hac secunda generatione spirituali, in qua renascimur ex aqua et Spiritu sancto, nemo gratiam adoptionis consequi vadet, præter illum, qui eam (*Locus corruptus*) in eam in Christo ex carne virginis creatum et natum, qui est secundus Adam, accepit has geminas generationes: primam videlicet, quæ secundum carnem est; secundam vero spiritalem, quæ per adoptionem

fit; idem Redemptor noster secundum hominem complexus in semetipso continet: primam videlicet, quam suscepit ex Virgine nascendo; secundam vero, quam initavit in lavacro a mortuis resurgendo. » Et hoc affirmare niteris in genealogiis, quæ in Evangelio leguntur, una secundum Matthæum, altera secundum Lucam. Quæ omnia sicut a te posita sunt, fastidium magis quam profectum generant legentibus, donec ad ultimum pervenires in hujusmodi sententiam: « Si quis vero, ait, hanc spiritalem generationem, quæ per adoptionem fit, a Christo secundum hominem abdicare vult, prius necesse est, ut illam, quæ secundum carnem est, ab eo funditus absindat. Nam si in ista, quæ spiritualis est, nobiscum non communicat, procul dubio neque in illa quæ carnalis est. »

XVII. Videat qui legit has præfati doctoris sententias. Primo partium orationis quodammodo inconsistanti et sensum obscuritatem involvit sententiae, ne **810** luceat intelligentia. Quid autem vult intelligi in eo quod ait: *Initiavit a mortuis resurgendo?* A quibus mortuis resurrexit Christus in baptismō? Nunquid peccata habuit, ut a morte peccatorum resurgeret, veluti nos in peccatis nati propter primorum prevaricationem parentum; nec ab his liberati, nisi in Christo Jesu per secundam generationem, in qua filii ire efficiuntur Filii Dei? Quin potius Christus Jesus absque omni peccato conceptus et natus venit ad baptismum, exemplum humilitatis ostendere, et aquas suo sanctificare baptismō; non ut sanctifica-
C tur in aquis, qui nihil habuit in se peccati, a quo mundari debuisset per baptismum. Ideo et ipse beatus Baptista venienti ad se Dei Filio ait: *Ego a te debo baptizari, et tu venis ad me* (Matth. III, 14)? quasi dixisset: In me est, quod per te purgari debet; in te non est quod per me purgari debeat. Sed hoc scieundum est, quod in baptimate Joannis, in quo Christus baptizatus est, non fuit regeneratio, sed quædam præcursoria significatio baptismatis Christi: ideo et in Actibus apostolorum legimus, beatum Paulum apostolum eos rebaptizare qui baptizati sunt baptismō Joannis (Act. xix, 5). Nec quisquam in baptimate Joannis adoptionem filiorum Dei potuit accipere. Quanto magis nec Christus adoptatus fuit in Filium Deo Patri in eo baptismō, in quo nullus potuit adoptionis gratiam accipere? quia nemo in eo baptismō remissionem peccatorum consequi valuit; sed tantum baptizati sunt in pœnitentiam, ut crederent in eum, sicut idem præfatus Apostolus ait: *Qui venturus est, id est, in Jesum.* Nota, lector, quod dicit credere in Jesum. Nullatenus, si Deus et Dei Filius non esset Jesus, qui ex Virgine natus est, tantus diceret Apostolus, ut in Jesum credere deherent, quia tantummodo fides catholica habet, credendum esse in Patrem et in Filium, et in Spiritum sanctum, hoc est in sanctam Trinitatem: cæterum in aliis catholicæ fideli professionibus in præpositionem apponere nolunt doctores ecclesiastici, sed tantummodo dicere: *Cre-*

* Vide supra, lib. I, num. 12 et 18.

dimus sanctam Ecclesiam, et remissionem peccato-
rum, et resurrectionem mortuorum, et cætera quæ
in symbolo sancto continentur. De discretione vero
baptismatis Christi, et baptismatis Joannis beatus
Augustinus in libro Enchiridion ita ait ^a : « Illud ta-
men unum peccatum, quod tam magnum, in loco et
habitu tanta felicitatis admissum est, ut in uno ho-
mine originaliter, et, ut ita dicam, radicaliter totum
genus humanum damnaretur [non solvit ac dilui-
tur], nisi per unum mediatorem Dei et hominum
hominem Christum Jesum, qui solus potuit ita nasci,
ut ei non opus esset renasci : non enim renascebantur
qui baptizabantur baptismate Joannis, a quo et ipse
[Joannes (Aug. omitt. rocem Joannes)] baptizatus est;
sed quodam precursorio illius ministerio, qui dicebat :
*Parate viam Domino (Matth. 11, 5), ubi unum [Aug.,
huic uni], quo solo renasci poterant, parabantur. Hu-
jus enim baptismus [Quercet., baptismum] est, non
in aqua tantum, sicut fuit Joannis, verum etiam in
Spiritu sancto : ut de illo Spiritu regeneretur, quis-
quis in Christum credit, de quo Christus genitus
[Aug., generatus] regeneratione non eguit. » Et post
pauca in eodem libro : « In aqua ergo baptizari vo-
luit a Joanne, non ut ejus iniquitas ulla dilueretur,
sed ut magna commendaretur humilitas. Ita quippe
nihil in eo baptismus, quod ablueret, sicut mors ni-
hil, quod paniret, invenit : ut diabolus veritate justi-
tiae, non violentia potestatis oppressus et vinctus,
quoniam ipsum sine ullo peccati merito iniquissime
occiderat, per ipsum justissime amitteret, quod [Aug.,
quos] peccati merito detinebat. Utrumque enim
[Aug., utrumque igitur] ab illo, id est, et baptismus
et mors, certæ dispensationis causa non misericordia
necessitate, sed miserante potius voluntate susceptum
est, ut unus peccatum tolleret mundi, sicut unus
peccatum misit in mundum, hoc est in universum
genus humanum, Apostolo attestante : *Sicut enim
in Adam omnes moriuntur, ita et in Christo omnes
viviscuntur (I Cor. xv, 22).* »*

XVIII. Quam aperta est hæc blasphemia, ut dicat Christum secunda indiguisse generatione? Et quem sæpius sine peccato affirmat esse, nunc subito quasi peccatorem regeneratione indiguisse contendit. Et qui Deum paulo ante asseruit, et ex utero virginali natum esse, nunc subito quasi hominem purum lavaci emundatione purgandum esse pronuntiat; et ad similitudinem nostram adoptari **811** in Filium Dei, qui fuit Filius Dei conceptus et natus. Atque has duas generationes in Christo duabus genealogiis Christi, quæ in Evangelio leguntur, confirmare ag-
reditur: unam per quam descendit; alteram per quam ascendit Christus: quasi peccator esset in descensione, et expiatus in ascensione adoptionis. Attende, lector, novum evangelice historie interpretem. Duas genealogias Christi cum evangelistis me-
morat: secundum Matthæum Christum descendisse non solum per justos, sed etiam per feminas pec-
catrices, et indiguisse eum baptismu in illa genera-

^a S. Aug., Enchirid. cap. 48.

A tione quæ secundum Matthæum habetur: et per Lu-
cam post baptismum ascendisse, et per adoptionis
gratiam Filium Dei esse factum. Et ne quis me fal-
sum fingere de eo aestimet, audiat novi ejusdem in-
terpretis verba: « Matthæus, inquit, in exordio
Evangelii seriem generationis, quæ secundum car-
nem ad Christum descendit, a David seu Abram incipiens, usque Joseph sponsorum Mariæ, per reges
et cæteros de tribu Juda sibimet succedentes, dinu-
merando perducit: in qua generatione carnis qua-
tuor feminæ introducuntur. Tres videlicet ex genti-
bus; quarta vero illa, in qua David peccavit: ut
liquide patesceret, quod idem Redemptor noster non
solum ex Judæis, sed et de gentibus; neque de justis,
sed etiam et de peccatoribus veram carnem ex Vir-
gine suscepit. Lucas vero seriem generationis, quæ
per adoptionem est, non per genealogiam carnis,
quemadmodum Matthæus, sed a baptismo, in quo
baptizatus est Christus in Jordane, ab ipso Christo
incipiens non per tribum Juda, ut prior, sed per tri-
bum sacerdotalem texens: neque deorsum descendendo,
sicut ille, sed sursum versus: non per Salo-
monem ex Bersabee genitum, sed per Nathan in Da-
vid recopulans usque in Adam perduxit ad Deum,
caput videlicet replicans ad caput. »

XIX. Nec mihi hoc loco opus est ad respondendum
verba exaggerare, dum veritas Evangelii ostendit,
de Spiritu sancto ex Maria virgine natum esse Chri-
stum, non quasi peccatorem, sed vere Filium Dei,
imo et Deum. Nonne dubitanti Joseph viro Mariæ
angelus apparuit in somnis dicens: *Noli timere. Fili
David, accipere Mariam conjugem tuam. Quod enim
ex ea natum est, de Spiritu sancto est. Pariet autem
Filiū; et vocabis nomen ejus Iesum. Hoc autem
totum factum est, ut adimpleretur, quod dictum est
per prophetam: Pariet Filiū, et vocabis nomen
ejus Emmanuel (Matth. 1, 20-23).* Et ne ignorantia
esset nominis, adjunxit evangelista: *quod interpre-
tatur nobiscum Deus.* Qui in Mattheo Emmanuel
dicitur, in Luca *Filius Altissimi* vocatur. Et ne du-
biū esset, quis esset Altissimus, adjunxit statim:
*et sanctum, quod ex te nasceret, Filius Dei vocab-
itur (Luc. 1, 32-33).* Illam ergo genealogiam, quæ
secundum Lucam est, Felix per adoptionem asserit
ascendere, quasi omnes sint adoptivi, qui in ea nu-
merantur, quod longe aliter esse agnoscit, qui sa-
cras sanctæ Scripturæ legit historias. Addit quoque
atrocissimum erroris sui venenum: « Si quis vero,
inquit, hanc spiritalem generationem, quæ per ado-
ptionem sit, a Christo secundum hominem abdicare
vult, prius necesse est, ut illam quæ secundum car-
nem est, ab eo funditus abscondat. » Audite, audite
legentes et intelligentes, quam aperta est hæc blas-
phemia. Aut duas vult habere Christum, secundum
quod homo est, generationes, aut etiam nullam:
quasi necesse sit, ut post carnalem habeat etiam et
spiritalem in adoptione, ut æqualiter de eo dictum
intelligatur, sicut et de nobis ipsa Veritas ait: *Nisi*

quis renatus fuerit ex aqua et Spiritu, non potest introire in regnum Dei (Joan. iii, 5). Nullatenus quippe, sicut superius ostendimus (*Num. 17*), in baptismo Joannis regeneratio fuit alicujus, sed demonstratio majoris mysterii. Neque Christo ascendeante de aqua ibi ejus unctionio fuit, id est sanctificatio Spiritu sancto descendente super eum, sed demonstratio quis esset, et figuratio nostrae unctionis et adoptionis, qua in baptismo sanctificamur in filios Dei, sicut beatus Beda presbyter ostendit in expositione prædicationis beati Petri principis apostolorum, qua Cornelium cum aliis plurimis instruit ad fidem ^a: « Uncus est ergo, inquit, Jesus non oleo invisibili [Beda, visibili], sed dono gratiae, quod visibili significatur unguento, quo baptizatos ungit Ecclesia : nec tamen tunc unctus est Spiritu sancto, quando super eum velut columna Spiritus descendit. Tunc enim corpus suum, id est, Ecclesiam suam **812** præfigurare dignatus est, in qua præcipue baptizati accipiunt Spiritum sanctum. Sed ista mystica et invisibili unctione tunc intelligendus est unctus, quando Verbum Dei caro factum est, id est, quando humana natura, sine ulla precedentibus honorum operum meritis, Deo Verbo est, in utero virginis copulata, ita ut cum illo fieret una persona. Ob hoc eum constemur natum de Spiritu sancto et Maria virgine. »

XX. De genealogiis vero Christi ita potius intelligendum arbitramur, quod quæ per Matthæum narratur, nostrorum significet susceptionem peccatorum a Domino Christo, propter quæ in crucis patibulo suspensus est. In generationibus autem Lucæ, quæ ascendunt ad Deum, abolitionem peccatorum nostrorum significari per eumdem, qui crucifixus est pro peccatis nostris. Ideo eas ille descendens enarrat, iste ascendens : quia descendit Christus ad liberandos nos, ascendit autem ad justificandos nos ; descendit ut moreretur pro nobis, ascendit, ut vivamus in illo. Quod enim ait Apostolus : *Misit Deus Filium suum in similitudinem carnis peccati, suscep-*

^a Ven. Beda, in cap. x Act. apost.

A ptio est peccatorum ; quod autem ait : *ut de peccato damnaret peccatum in carne (Rom. viii, 3)*, expiatio est peccatorum. Ideo Matthæus ab ipso David per Salomonem descendit, in cuius matre ille peccavit : Lucas vero ad ipsum David per Nathan ascendit, per quem prophetam Deus peccatum illius expiavit. Descendit per regale genus, et ascendit per sacerdotale, qui pro nobis sacerdos est et hostia factus : quia utrumque est, rex et sacerdos et Dominus propitiator. Firmissime namque tenendum est, carnem Christi ex utroque genere propagatam, regali scilicet et sacerdotali, in quibus personis apud illum populum Hebræorum etiam mystica unctione figurabatur, id est, Chrisma, unde Christi nomen elucet, tanto ante evidentissima significatione prænuntiationum. Sed nos libera voce clamamus cum tota Ecclesia Christi, Christum nec peccatum habuisse, quod expiaretur ; nec secunda indiguisse generatione, qui Deus verus et verus Dei Filius de Spiritu sancto conceptus est et natus. Nam si Christus secunda indiguit generatione, utique peccator fuit : et si peccator fuit, quid est, quod ipse Dominus ait : *Venit princeps mundi hujus, et in me non habet quidquam (Joan. xiv, 30)*? Si quidquam in eo non habuit princeps mundi hujus, id est, diabolus, cur eguit renasci? Nos vero non Filii Dei nascimur, sed renascimur. Ille mox Dei Filius conceptus est et natus : et ideo adoptione non eguit ut Filius Dei esset, qui Filius Dei natus est. Si igitur per adoptionem Filius Dei factus est, qui de Virgine natus est : ergo nec beata Virgo Dei genitrix erat, sed tantummodo hominis, qui post nativitatem adoptatus est in Filium Dei. Quod impium credere, quanto magis et dicere?

C XI. Sed hujus disputationis hic finis sit, ut liberius ab alio principio incipiat sermo de his quæ dicenda sunt. Nam quoddam refrigerium legenti finis libelli præstat, sicut naviganti portus, maxime cum fragosis locis diversæ disputationis laborat eloquium respondentis.

LIBER TERTIUS.

I. Nova proponentis argumentatio, novum libelli poscit exordium, ne confusa sermonis series legenti fastidium faciat, et minus intelligatur quid cui parti conveniat, si non competentibus locis ab alio principio orationis incipiat textus. Sæpe dictus igitur sophista subito a baptismate Christi recurrit ad nativitatem : et quem adoptatum in Filium Dei secunda generatione vult intelligi, eumdem David regis magis esse Filium quam Dei Patris, testatur. Et ut ejusdem verba ponamus, ait ergo : « Certe enim idem redemptor noster in forma humanitatis, ut sacra eloquia testantur, filius David est et filius Dei. Quod utrumque verum est : quod tamen non absurde quærendum est, quomodo in eum utrumque conve-

D nat. Neque enim fieri potest, ut unus filius naturaliter duos patres habere possit : unum tamen per naturam, alium autem per adoptionem prorsus potest. » Hujus duplicitis paternitatis, Dei scilicet et Patris, et David regis in Christo **813** Jesu in superioribus secundum opportunitatem procul dubio disputationis responsum habes ^a : nisi forte hoc addendum esse videatur, quod nusquam in Scripturis sanctis invenies scriptum, David de Christo dixisse : *Tu es Filius meus dilectus, quomodo Deum Patrem legimus super Christo vocem emittere dicendo : Tu es Filius meus dilectus, in quo mihi bene complacui (Matth. iii, 17)*. Sed illum, quem paterna vox Filium suum dilectum testata est, hunc eumdem David

^a Vide supra, lib. i, num. 12.

prophetico spiritu Dominum suum dixisse legitur. **A** Igitur juxta humanam consuetudinem David inter avos vel proavos Christi numerandus est, magis quam prius [Forte, ipsius] Pater dicendus sit. Nam si Deus Pater, proprius non est Christi Pater: ergo nullum habet proprium Patrem: quia beata Virgo ex nullius viri semine concepit, sed de Spiritu sancto imprægnata est. Si Dei Patris testimonio credendum aestimes, crede Christum esse Dei Filium: vel si prophetico ipsius David testimonio credere rectum arbitreris, crede eumdem, qui Filius dicitur David, Dominum esse illius.

II. Dicis itaque quod unus homo duos patres naturales non possit habere, unum vero possit naturalem habere, et alterum adoptivum. Dicam et ego, quod nullus pater unum filium potest habere, utrumque et naturalem sibi et adoptivum: quia ille unus filius non potest dividi, ut sit unus patris et naturalis et adoptivus: vel quedam pars filii sit adoptiva, et altera naturalis in filii dignitate, velut si una manus sit adoptiva, et altera propria, vel anima sit adoptiva, et caro in proprietate filii. Quamvis enim anima non sit ex patris semine, sicut est caro, tamen unus est filius patris anima et carne, totus vel adoptivus, vel proprius, prout conditio nominis vel naturæ sibi attulerit. Potest vero in una persona esse passibilis et impassibilis, mortalis et immortalis, veluti homo immortalis est anima, mortalis carne: sic etiam et Christus impassibilis divinitate, passibilis carne; tamen totus unus idemque est Deus et homo: unus est Christus in forma Dei, et unus Christus in forma servi, et unus Christus aequalis Patri, et unus est Christus minor Patre, idem Deus, idem homo, unus Filius Dei Patris totus proprius, et Virginis matris totus proprius. Quod beatus Leo papa Romanus in epistola ad Flavianum perspicue testatur^a: « Cum ergo, inquit, unus sit Dominus Jesus Christus, et veræ deitatis veræque humanitatis in ipso una prorsus eademque persona sit, exaltationem tamen, qua illum, sicut Doctor Gentium dicit, exaltavit et donavit illi nomen, quod omne nomen excelxit (Philip. ii, 9), ad eamdem intelligimus pertinere formam, que ditanda erat tantæ glorificationis augmento. In forma quippe Dei æqualis erat Filius Patri, et inter genitorem atque unigenitum nulla erat essentiae discretio, nulla in maiestate diversitas; nec per incarnationis mysterium aliquid decesserat ex Verbo, quod ei Patris ex munere redderetur: forma autem [servi], per quam impassibilis deitas sacramentum magnæ pietatis implevit, humana humilitas est, quæ in gloriam divinæ potestatis erecta, est in tantam unitatem ab ipso conceptu Virginis deitate et humanitate conservata, ut nec sine homine divina, nec sine Deo agerentur humana. » Nullatenus ergo te, o Felix, humana ratione investigare nativitatem Verbi Dei, qua caro factum est, posse putas: non enim humana possibilitate omnipotentiam divinitatis metiri debes.

^a S. Leo papa, epist. 165 ad Leonem Augustum,

Ipse, qui lex est naturarum, nulla lege alterius naturæ subjacet, nec infirmis humanæ conjecturæ ratiunculis, qui incomprehensibilis est, comprehendendi poterit. Quapropter unigeniti Dei nativitatem, vel divinam vel etiam humanam, desine ad nostram mortalitatis impossibilitatem redigere: neque ei, qui extra conceptum humanæ originis natus est, humanis diffinitiunculis præjudicare tentes, quomodo nasci potuisset, vel quomodo esset proprius Filius Dei, dum natus esset. Si Deo omnia possibilia cognoscas, et hoc ei possibile esse scito, ut proprium Filium ex Virgine creatum habere valuisset.

B 814 III. Dicis: « Quid potuit ex ancilla nasci nisi servus? » Hoc et antecessor tuus Pelagius, licet aliis verbis, tamen eodem sensu olim dicebat, asserens Christum solitarium esse hominem: ex quo fonte et Nestorius suam condidit hæresim, qua duas personas in Christo voluit intelligi. Expone igitur, quomodo apes animalia viva de floribus, rebus scilicet insensatis, nascantur; vel mirabilem illarum naturam, reique publicæ ordinatissimam dispositionem in earum administratione edissere. Dices forsitan, quia talis a creatore natura illis condita est. Cogita et intellige, qui hæc miracula in minimis creare potuit, quæ ab homine nec intelligi, nec enarrari possunt, quod potuit ex virginali utero liberum sibi creare Filium. Considera coeli altitudinem, terræ stabilitatem, aquarum profunditatem, omnium viventium diversitatem; edissere, si valeas, harum omnium rerum rationes, et si hoc impossibile te profitearis, quid te præsumptuose ingeris ineffabili miraculo nativitatis Christi, qualiter vel Deus homo fieri potuisset, vel homo Deus; vel Dei Filius hominis filius. Nam hujus nativitatis, vel etiam unitatis in Deo et homine majus est sacramentum, quam omnium creaturarum conditio. Concede igitur Deum aliquid posse, quod humana non valeat infirmitas comprehendere; nec nostra ratiocinatione legem ponamus majestati æternæ, quid posset, dum omnia potest, qui omnipotens est. Nec enim hac sola nativitate Christi defectiva est potentia illius, qui omnipotens est, ut non posset illum hominem, qui ex Virgine natus est, sibi proprium vel naturale Filium creare. Intellige tandem aliquando, ad quem finem vel ad quantam blasphemiam hæc tua assertio perveniat; aut Dei Patris Christum confitere proprium esse Filium et verum, juxta omnipotentiam suæ ineffabilis voluntatis; aut si hæc fieri non posse contenderis, impotentem suæ voluntatis fateris Deum: quod impiissimum est credere vel dicere. Ergo ex hac consideratione meliori te ipsum indue fide, tuamque cognoscens infirmitatem Deum confitere omnia posse facere, que vult, et te cuncta non posse intelligere, quæ vult creator, ut flant.

D IV. Plurimi enim sanctorum professi sunt non intellexisse, nec enarrare potuisse hanc mirabilem generationem Christi, ex quibus Isaias, dum infirmi-

tates, opprobria, flagella et sputa, quæ Christus pro nostra passus est salute, prædixisset, hoc quoque adjectit : *Generationem ejus quis enarrabit* (*Isai. liii, 8*) ? Beatus quoque Baptista Joannes se indignum testatus est solvere corrigiam calceamenti ejus (*Marc. i, 7*). Quod beatus Gregorius in homiliis suis ita exposuit ^a : « Sed hujus, inquit, incarnationis mysterium humanus oculus penetrare non sufficit : investigari enim nullatenus potest, quomodo corporator Verbum, quomodo summus et vivificator Spiritus intra uterum matris animatur, quomodo is qui initium non habet, et existit et concipitur. Corrigia ergo calceamenti est ligatura mysterii. Joannes itaque corrigiam calceamenti solvere non valet, quia incarnationis mysterium nec ipse investigare sufficit, qui hauc per prophetæ spiritum agnovit. Quid est ergo dicere, *non sum dignus solvere corrigiam calceamenti ejus*, nisi aperte et humiliter suam ignorantiam confiteri ? Ac si patenter dicat : Quid mirum, si mihi ille prælatus est, quem post me quidem natum considero, sed nativitatis mysterium non apprehendo ? »

V. Hieronymus quoque doctor omni Ecclesiæ Christi honorabilis in expositione nonagesimi octavi Psalmi (*Psal. xcvi, 15*), hanc generationem Christi se omnino ignorare, non erubuit profleri ^b : « Videte, iuquit, quam rem audeam loqui : Ego ita adeo [*Ms.*, adoro] scabellum, quod quondam fuit, sicut *thrōnum*. Et si enim noverainus Christum secundum carnem, [sed jam non novimus eum secundum carnem (*II Cor. v, 16*)] . Habuerit forte scabellum ante mortem, ante resurrectionem, **815** quando manducabat, quando bibebat, quando nostros patiebatur affectus ; postquam vero resurrexit, et ad cœlos vitor ascendit, ego non intelligo alium sedentem, et alium scabellum, sed totum in Christo thronus est. Quærerit et dicit : Quare, vel quare ? Quomodo sit, nescio, et tamen credo quod sit. Mirarer [*Ms.*, miraris], si ignorem divinitatis mysterium, cum meipsum nesciam. Interrogas me quomodo, quod sit, et divinitas et incarnatio unus sit [*Ms.*, quomodo et divinitas et incarnatio unus sit], cum ego nesciam, quomodo vivam. Deum intellexisse credidisse est ; Deum nosse honorare est. Sufficit mihi scire quod scriptum est ; sufficit mihi scire quod credo : plus autem nec volo, nec cupio. Si enim scire voluero, et hoc incipio perdere, quod credo : fideles dicimur, non rationales [*Ms.*, ratiocinales]. Denique dicitur et a Domino : Credis, quod ego possum hoc facere ? Et dicitur ad mulierem : *Fides tua te salvam fecit* (*Math. ix, 22*), non ratio, non inquisitio, non quare, vel quare factum sit. Credidit, quia fieret, et factum est [*Ms.*, et factum est quia credidit]. »

VI. Simili modo et præfatus Pater Gregorius in ho-

A milia Paschali præsumptuosam inquisitionem nativitatis Christi his verbis compescuit ^c : « Qui igitur, ait, paschalis gaudii solemnitatem celebrare desiderat, agnum nec aqua coquat, nec crudum comedat : ut neque per humanam sapientiam profunditatem incarnationis illius penetrare appetat ; neque in eum tanquam in hominem purum credit ; sed assas igne carnes comedat, ut dispensari omnia per sancti Spiritus potentiam sciat. » Et paulo post : « *Et quod remanserit, igni comburetis* (*Exod. xii, 10*). Quod ex signo remanet, igni comburimus, quando hoc, quod de incarnationis ejus mysterio intelligere et penetrare non possumus, potestati sancti Spiritus humiliter reservamus : ut non superbe quis audeat vel contempnere vel denuntiare, quod non intelligit, sed hoc igni traditum [*S. Greg.*, igni tradit] cum sancto Spiritu reservat. » His et hujusmodi testimoniis sanctorum Patrum, humana humilitas seipsam coercat intra terminum moduli sui, Salvatorisque nostri mirabilem nativitatem humanis ratiunculis desinat aestimare, nec plus sapere querat quam oportet sapere. Audiatque sapientissimi Salomonis consilium dicentis : *Altiora te ne quæsieris, et profundiora ne scruteris* (*Eccli. iii, 22*). Opponat quoque sibimet aliam ejusdem sententiam, qua terruit præsumptuosam humanæ infirmitatis temeritatem. *Qui multum*, ait, *mel comedit, non est ei bonum : et qui scrutator est majestatis opprimitur a gloria* (*Prov. xxv, 16*). Si nostræ originis patienter nescimus nativitatem, quomodo anima in utero matris tenerrimam nostræ carnis substantiam viviscet : quanto magis Dei omnipotentis humanæ naturæ ineffabilem conjunctionem nos nullo modo comprehendere posse, vel intelligere fatendum est ? Deus autem, quomodo voluit, et quando voluit, et ex qua voluit, advenit in mundum, nec tempus ei, nec persona, nec consuetudo hominum, nec exempla rerum præjudicarunt, quin minus esset quod voluit. Nam obsistere ei lex non potuit creaturarum, qui est creator ipse cunctorum. Ut posset, quod voluit, promptum illi semper fuit, quia potestas adfuit voluntati. O homo tu quis es, qui respondeas Deo ? Nunquid legem impones illi, qui est lex universitatis, quia omnis creatura voluntati illius subjecta est ?

D VII. Sed dicis, ut in tuis legitur litteris, « quia nullo modo credendum est, ut omnipotens Deus Pater, qui spiritus est, de semetipso carnem generet. » Dic, rogo, si scias te animam habere, an non ? Nullatenus tanta est ignorantia in te, ut nescias te animam habere. Scis etiam patrem te habuisse carnalem, ex cuius carne anima, quæ est in te, non est procreata, nec generata, ut catholica fides habet. Et quomodo potest fieri, ut tu ipse totus sis tui patris proprius filius et verus, ex cuius carne tua anima

^a S. Greg., hom. 7 in Evang.
^b S. Bier., in psal. xcvi. Verba, quæ hoc loco ab Alcuino referuntur, non extant in Breviariorum vulgato S. Hieronymi. Exstant vero in vetustissimo codice sec. ix bibliothecæ monasterii nostri S. Em-

merami, notato num. 134. Qui continet tractatum de Psalterio sub nomine S. Hieronymi, in multis ab editis differentem.

^c S. Greg. M., homil. 22 in Evang., num. 8.

non est generata? At si te ipsum consentias proprium esse filium patris tui cum anima et carne, quamvis caro sola de substantia patris et matris procreata sit: ergo multo magis perpende oculis cordis, ut intelligas Dei Patris Iesum Christum in utraque substantia proprium Filium et verum fieri posse. An illius potentia in hoc impotens est, ut hoc non possit perficere in filio suo, quod in cunctis hominibus facit fieri? Aut tuus pater potentior est Deo in hac parte, et potuit te proprium filium habere ex anima et corpore, **816** licet anima aliunde sit corpori immissa? Si vero nullus proprius filius et verus poterit esse, nisi ex substantia Patris totus natus sit; ergo in omni humano nullus pater habet proprium filium et verum, nisi tantum de carne sola. Videsne, in quantam stultitiam iste tuus sensus devolvitur, et quam contraria omni rationi et omni humano generi asseris? Tui igitur ipsius utens exemplo et te ipsum considerans, proprietatem filii, quam in te asseris, cognosce in Filio Dei fieri posse: et qui te ipsum dividere non vis propter animam et carnem in duos filios, proprium scilicet et adoptivum: ea ratione nec Christum dividere tentes in duos filios propter perfectae divinitatis et perfectae humanitatis natu-ram, quia unus est mediator noster Jesus Christus.

VIII. Sequitur in textu libelli tui: « Igitur, inquis, si adoptionis nomen in Christo Domino secundum carnem claro apertoque sermone in utroque Testamento, ut vos contenditis, reperiire nequimus; ca-
teria tamen omnia, quæ adoptionis verbo conveniunt, in divinis libris perspicue atque manifeste multis modis reperiuntur. Nam quid, quæso, est cuilibet filio adoptio, nisi electio, nisi gratia, nisi voluntas, nisi assumptio, nisi susceptio, nisi placitum seu applicatio? Quæ universa nullo modo proprio ac vero filio convenire queunt. Si quis vero in Christi hu-
manitatem adoptionis gratiam negare vult, simul cuncta, que dictas [Forte, dicta sunt] cum eadem adoptione in eo negare studeat. » Quid horum, rogo, quæ proposuisti, in proprio filio fieri non potest? Nunquid non David rex majore gratia elegit Salomonem proprium filium suum successorem sibi regni, quam alios filios proprios, quos habuit? Ecce major gratia patris, major voluntas, majorque elec-tio in eo fuit, quam in aliis filiis suis, licet et illi proprii essent filii. Sed nec omnis assumptio potest esse adoptio; assumpsit enim Dei Filius carnem ex utero virginali in unitatem sue personæ, non in carnem mutatus, sed ut esset proprius Filius Dei in duabus substantiis, Dei scilicet et hominis; veluti ante fuit in una natura proprius Dei Filius nihil amittens quod erat, quamvis assumpsisset quod non erat, non divisionem faciens in personæ proprietate, nec commisionem in naturarum conjunctione. Si autem propter assumptionem vel susceptionem Chri-stus adoptivus est filius, qui ex Virgine natus est, cuius personæ in sancta Trinitate adoptivus esse dicendus est? Utique omnino Filii personæ. Ipse as-sumpsit hominem, vel suscepit. Quod si ita est, ne-

A pos est Patris secundum humanitatem Christus, quia a Dei Filio assumptus est homo, vel, ut tu vis, adop-tatus. Non ergo omnis assumptio adoptio est. Legi-tur in Evangelio de Christo, quod *assumpsit eum diabolus, et statuit super pinnaculum templi* (*Math. iv, 5*). In qua assumptione diaboli nulla potest esse adoptio, sed prava tentatio. Placitum vero, quis ne-scit, in multis rebus esse posse, nec in adoptione sola? Similiter et applicatio. Nam saepius legitur in historiis: Et applicuit dux ille vel ille castra ad hanc vel ad illam civitatem. Si applicatio est adoptio, ergo adoptavit civitatem sibi in filium, quam magis venit debellare.

IX. Ecce et hic cæca stultitia tua et indocta teme-ritas appareat, qua non intelligis, quam aduersa et contraria omni rationi ponis et confirmas, addere [Forte, addens] etiam: *Ut propter nomen servi sit quoque adoptivus*; non intelligens apud priorem po-pulum, qui dura legis servitute subjectus est, propter magnum humilitatis sacramentum, dispensatio-nemque veræ humanitatis, servum a prophetis no-minari Christum. Aliquis in locis legimus. Inter filios siquidem gratiae, id est, in novo populo Filius ubique nominatur. Quæ vocabula in Isaia propheta manifeste quodam in loco distinguuntur, ubi ait: *Parvulus natus est nobis, et Filius datus est nobis* (*Isai. ix, 6*). Qui fuit parvulus vel servus apud syn-agogam in umbra servientem, apud Christianos, in luce libertatis viventes, Filius est. Quam discrecio-nem filii et servi ipse quoque Dominus in Evangelio C designare videtur, ubi ait: *Servus non manet in domo in æternum, Filius autem manet in æternum*. Mo-que subjungit dicens: *Si Filius vos liberaverit, vere liberi eritis* (*Joan. viii, 35, 36*). Qui apud infideles Filius est fabri et servus: apud fidèles Filius est Dei, et Deus verus.

X. Nescio, qua fronte sacerdotem Christi, o nove doctor, te confitearis esse, dum Christum Deum denegas. Iudei claudebant aures corporis, ne apostolum **817** Paulum prædicantem audirent, Christum Deum esse: Tu claudis oculos cordis, ne intelligas eumdem Deum esse. De quo ipse egregius prædicator ait: *Nos autem prædicamus Christum crucifixum, Domini* [Leg. *Dei hic et infra*] *virtutem et Domini sapientiam* (*I Cor. i, 23, 24*). Et quidem sapientia et virtus Dei, Domino utique [Locus corruptus. *Forte leg.*: Et quid est sapientia et virtus Dei Dominus utique]. *Nos ergo prædicamus Christum crucifixum*, in-quirit, *Judeis quidem scandalum, gentibus autem stultiam*. Crux enim Domini, quæ stultitia gentibus, et Iudeis scandalum fuit, tibi utrumque est. Neque enim aut stultitia ulla major est, quam non credere veritati: aut majus scandalum, quam audire quod verum est nolle. Stultitia visa est gentibus, Domi-num crucifigi; et Iudeis, Dei Filium mori, scandalum fuit. Par forte videri potuisset et impietas tua cum Iudeis, nisi quod in hoc majus est crimen tuum, quod illi eum negabant Deum esse, in quo adhuc passio ostendebat hominem: tu eum denegas

Deum, quem jam resurrectio probavit Deum. Ac per hoc illi eum persecabantur in terra, tu eum persequeris et in celo, nolens illum Deum praedicare regnante in celo, cuius ministerio fungeris in Ecclesia.

XI. Post horum itaque enumerationem nominum, quibus Christum niteris confirmare adoptivum esse, addis et hoc : « Quisquis unumquodlibet denegare decreverit, quia unum absque alio stare nequit : quin potius, quicunque ille est, rationis veritate convictus, velit nolit, negaturus est eum verum hominem. » Nos vero verum hominem esse Christum, et veram carnem de virgine assumpsisse, veraciter et fiducialiter constemur. Sed et hoc, quod ait : « Qui unum horum denegare contendit, quod cetera stare non possint ; » nullatenus verum est : scilicet, quod propter assumptionem necessario sit adoptivus Dei Patris Filius homo de virgine natus, sicut superius probavimus. Et si hoc unum esse non potest, omnino secundum tam sententiam et alia omnia abicienda sunt, quia hoc unum sine dubio stare non potest, quod propter assumptionem carnis sit adoptivus Christus Dei Patris Filius.

XII. Dicis : « Quod nomen adoptionis electae creaturæ sit, et non reprobæ. » Et hoc quam verum sit, sciens quisque intelligit, possunt enim et mali adoptivos habere filios, sicut et boni : et hoc nomen commune est bonis et malis, quia in utrisque invenitur. Nam qui legit historias sacerdotes, inveniet et in paganis hanc consuetudinem adoptionis esse : nec necesse est semper ubique esse adoptionem, ubi gratia est. Dicitur in conspectu custodis carcere Joseph invenisse gratiam (*Gen. xxxix, 21*) : non tamen intelligendum est eum sibi adoptasse in Filium ; sed et in multis locis aliter inveniet gratiam nominari, nec semper ad adoptionem pertinentem, sicut et electionem et assumptionem, et cetera nomina, quæ contentiose congregasti, ut affirmares necessario propter hæc nomina Christum esse adoptivum ; quod omnino verum non esse intelligit, qui diligenter sacras, sive sacerdotes legit litteras.

XIII. Dicis et vere dicis : « Christus veritas est, justitia est, æquitas est, pietas est, misericordia est ; non vult de se credere vel praedicare, quam id, quod est. » Si veritas est Christus, nullum utique signum est in eo ; et si nullum signum est in eo, utique verus est filius, et adoptivus dici non potest : quia videlicet adoptio quædam est voluntatis significatio, non nativitatis veritas. Vult enim habere in nomine, qui adoptat sibi filium ex quolibet alieno, illum quem non habet proprium in natura. Juxta Psalmistam vero, *veritas de terra orta est* (*Psalm. lxxiv, 12*) : verus utique Filius Dei, qui de terra nostra naturæ, id est, de virginali carne ortus est, et natus verus Deus, et verus homo. Hoc igitur quod est, id est, veritas de eo credimus. Decuit itaque et vere decuit, ut in Dei Filio proprietatis esset

^a S. Joan. Chrysost., hom. 3 in Epist. ad Hebr. ^b 1, ex interpretatione Mutiani Scholastici.

A nobilitas, veritas, et dignitas, non adoptionis communio cum ceteris, vel nuncupationis fragilitas inter ceteros : quia nullum signum est appellationis in Christo, qui est veritas, et in quo omnis est plenitudo divinitatis, fieri potuit, Apostolo attestante, qui ait : *Dei enim Filius Jesus Christus qui in nobis per nos praedicatus est, per me [...] non fuit Est] et Non, sed Est in illo fuit. Quotquot enim promissiones Dei sunt, in illo Est* (*II Cor. i, 19, 20*).

818 XIV. Hæc est namque summa disputationis nostræ ; nam ego dico, et non solus ego, sed et tota unanimitas catholicæ Ecclesiæ pia credulitate testatur, Deum esse Christum et Filium Dei verum, imo verum Deum, qui natus est de Spiritu sancto et Maria virgine : tu dicis eumdem esse adoptivum filium et nuncupativum Deum. Hoc ergo a te audire desidero, si illum qui crucifixus est, et mortuus est, et die tertio resurrexit, Deum adorare volunt [*Forte, adorari velis*] ? Si adorandum eum esse dicis, utique consequenter Deum esse, quem adoraveris, ut fatearis necesse est, ne te testimonium illud damnet divinum, quo diabolus territus recessit a Christo, audiens ab eo : *Vade retro, Satan* ; *scriptum est : Dominum Deum tuum adorabis, et illi soli servies* (*Marc. viii, 33*). Si autem non adorandum Deum aestimes, qui crucifixus est, ergo culpanda sunt angelicæ potestates, qui cumdem in throno paternæ majestatis sedentem adorare probantur, Apostolo attestante, qui ait : *Cum introducit primogenitum in orbem terræ, dicit : Et adorent eum omnes angeli Dei* (*Hebr. i, 6*). Hoc vero de suscepto homine dictum esse, Joannes tractator ejusdem epistolæ affirmat in homiliis, quas in eamdem epistolam, ubi haec legitur sententia, compositus ^a. « Quoties enim, inquit, magna quædam et altiora dicturus est, præstruit illa primum, et facit illa susceptibilia. Superius enim dixerat quia non per prophetas nobis locutus est, sed per illum, [et] quia Filius melior est angelis, quod ex ipso argumentatus est nomine : hic autem jam ex alia re vult argumenta deducere. Ex qua ista? Ex adoratione videlicet. Nam tanto eum meliorem demonstrat, quanto Dominum servis constat esse meliorem. Quomodo si quis in quandam domum introducat aliquem, et confessim omnes illius domus principes [*Chrys., princeps*] jubeat ut omnes illum proni simul adorent : ita et Christum secundum carnem jussit a cunctis angelis adorari dicens : *Et adorent eum omnes angeli Dei.* » Et in sequenti alterius homiliæ loco eundem replicat sensum dicens ^b : « Revera magnum et mirabile et stupore plenum est, carnem nostram sursum sedere et adorari ab angelis et archangelis, et cherubim et seraphim. Hoc sapientius in mente versans excessum patior, et majora de genere humano imaginor : majora quippe video et clara exordia, multam Deo festinationem [*Chrys., multum Deo festinante*] pro natura nostra. »

^a Idem, hom. 5, num. 1.

XV. Disce igitur ab angelis feliciter, Christum credere Deum, et adorare, ne cum diabolo infelicitate dubitare incipias, vel, quod peius est, cum negare, in quo ille dubitabat : ille dixit : *Si Filius Dei es*; tu dicis : *Filius Dei non est* : quod ille interrogavit dubitanter, tu negas instanter. Nemo adhuc inventus est præter hujus sectæ auctores, qui impietatem diabolicam fuerint supergressi, quod ille in Domino confessus est esse posse, vos non creditis esse potuisse. At si ille validissimis sacrae Scripturæ testimoniis repulsus discederet a Christo, tamen mansit in eo usque ad ipsam crucem omnis suspicio divinitatis ejus; nec tunc quidem opinari eum Filium Dei desiit, postquam tantum in eo persecutoribus suis licere cognovit. Sed callidus utique hostis inter ipsas quoque corporeas passiones omnimodo pervenire ad Dei agnitionem, etiam in ipso mortis articulo, tentavit dicens per eos, qui crucifixerant : *Si Filius Dei est, descendat nunc de cruce, et credimus ei* (*Matth. xxvii, 42*) : scilicet, ut motus contumeliis verborum Dominus desereret sacramentum salutis humanæ, dum irascetur ob injuriam. Sed magna Dei Salvatoris nostri patientia triumphi dispensationem et redēptionis nostræ mysterium ad resurrectionis gloriam reservavit, majori siquidem miraculo mortuus de sepulcro resurrexit ad vitam, quam vivus descendisset de cruce.

XVI. Sequitur quoque in Epistola tua : « Sicut ea, inquis, quæ de illo celsa, atque gloria sunt, credimus et collaudamus, ita humilitatem ejus et omnia indigna, quæ propter nos misericorditer suscipere voluit, despicere nullo modo debemus. » Dicis itaque illum, qui nos creavit, cum non essemus, hæc indigna omnia pati pro nobis. Scimus quis ille est, qui nos creavit, proprius Filius Dei. Quomodo potest **819** utrumque esse verum, ut ille qui condidit, hæc indigna passus esset pro nobis, si ille qui creavit, est proprius Filius Dei, et ille qui passus est, adoptivus sit? Nullatenus dividere poteris, sicut ipsa consequentia sermonis tui testatur, creatorem ab eo qui hæc passus est pro nobis. At si unus est in persona, unus est etiam in proprietate filii : quia proprii filii et adoptivi, sicut sœpè dictum est, duæ sunt personæ. Deus igitur et homo qui assumptus est, una persona ; et necesse est unam esse proprietatem in una persona, ut tota persona proprius sit filius, vel tota adoptivus. Una persona te cogit unam consisteri proprietatem filii in duabus naturis.

XVII. Ponis itaque verba epistole nostræ ^a, ubi post convenientem sermonis nostri exhortationem diximus : « O quantis sanctorum Patrum exemplis hanc fidem probare possimus, quod Christus Jesus verus est Dei Patris Filius, et mox a conceptione virginis uteri verus conceptus est Deus, verus et natus Deus ; » et ad hæc respondit [respondebat] : « Hæ sunt sententiae credulitatis vestræ de geminis in Christo naturis, quas ita in singularitatem personæ

^a Vide epistolam Alcuini ad Felicem, supra, col. 121, num. 4.

A confunditis, ut inter Deum et hominem, inter Verbum et carneum, inter creatorem et creaturam, inter suscipientem et susceptum nullam esse differentiam astruatis. » Quod dicis geminas nos naturas in singularitatem unius personæ confundere, ex parte quidem verum dicis; ex parte vero solito tuo more falso calumniaris. Nos namque duas naturas in una Christi persona, non, ut tu dicis, cum Eutychie confusas, sed cum Ecclesia catholica sic ineffabiliter conjunctas credimus et confitemur, ut manente utriusque naturæ proprietate, et ut ita dicam, salva integritate ambarum, et divina humanis, et humana divinis communicent : essetque in hac sancta et mirabili conjunctione non deitatis conversio, sed humanitas exaltatio : id est, non Deus conversus in hominem, sed homo glorificatus in Deum ; nec divina natura amisisset esse quod erat, id est, Deus, sed humana natura inciperet esse quod non erat : sicque, ut sœpe diximus, et semper dicemus, unus sit Christus ex duabus naturis mirabiliter et ineffabiliter unitis, totus unus et verus Filius Dei. Ac per hoc in duabus naturis unus verus Deus et nominatur et vere est : quia videlicet et Deus omnipotens unquam de se aliquid vult dici quod non sit : hoc enim a fide catholica omnino alienum est; sed ita, ut diximus, Dei Filius hominem assumpsit, ut nihil amisisset quod habuit, et cum susceptione hominum fuit verus Filius Dei, sicut semper est; nec etiam minorata est divinitas propter hominem, nec mutata in hominem; sicut nec homo a natura humanitatis recessit, ut non esset homo, sed natura humanitatis proprietatem nature servavit, et substantia divinitatis proprietatem divinitatis non amisit. Tamen homo Deus est Christus, et Deus homo factus, ut sit verum, quod beatus evangelista ait : *Verbum caro factum est* : in Verbi nomine Deum designans, et in carnis nomine hominem demonstrans, de quo beatus Hieronymus contra Jovinianum ait ^b : « Verbum caro factum est, ut nos de carne transiremus in Verbum : nec Verbum desiit esse quod fuerat : nec homo perdidit esse quod natus est. Gloria aucta est, non mutata est natura. » Et beatus Augustinus in libro Enchiridion ^c : « De quo mediatore, inquit, longum est, ut quanta dignum est, tanta dicantur, quamvis ab homine dici digna non possint. Quis enim hoc solum congruentibus explicet verbis, quod Verbum caro factum est, ut habitaret in nobis (*Joan. 1, 14*), ut crederemus in Dei Patris omnipotentis unicum Filium natum de Spiritu sancto et Maria virgine ? Itaque Verbum caro factum est, ad divinitatem [*Aug.* a divinitate] quidem carne suscepta, sed non in carnem divinitate mutata. Carnem porro hic debemus hominem accipere, a parte totum signifiante locutione, sicut dictum est : *Quoniam non a operibus legis justificabitur omnis caro* (*Rom. v, 40*), id est, omnis homo. Nam nihil naturæ hi aenæ in illa susceptione fas est dicere defuisse, sed naturæ

^b S. Hier., libr. ii adversus Jovinianum, nn. 29.

^c S. Aug., Enchirid. cap. 34.

ab omni peccati nexus omnimodo liberæ: non qualis de utroque sexu nascitur per concupiscentiam carnis, cum obligatione delicti, cuius reatus regeneratione diluitur; sed qualem de virgine nasci oportebat, quem fides **820** matris, non libido conceperat. Illi igitur homini, qui ex virgine natus est, singulari munere præ cæteris sanctis datum est, ut statim ex quo in utero virginis incepit homo fieri, esset et Deus. Unde et eadem gloriosa semper virgo Maria non solum hominis, sed et Dei genitrix recte credenda est et confitenda.

XVIII. Inter alia quoque testimonia quæ congregas de sancta Scriptura, tu saepè dicte Felix, ponis evangelicam sententiam et apostolicam, quibus maxime tota malæ credulitatis tuae destruitur impietas, ubi ipse Salvator oculis elevatis ad Patrem ait: *Ut cognoscant te solum verum Deum, et quem misisti Iesum Christum* (*Joan. xvii, 3*): atque iterum de epistola beati Joannis evangelistæ, ubi ait: *Et as-*

A sumpsit nos, et dedit nobis sensum, ut cognoscamus verum Deum, et simus in vero Filio ejus Iesu Christo: hic est verus Deus et vita æterna (*I Joan. v, 20*). Si igitur Deus, secundum quod angelus prædictus beatæ Mariæ virginis, nomen est humanitatis assumptæ a Dei Filio; et Christus propter regiam dignitatem; vere omnino (juxta testimonium ejusdem evangelistæ, sive in Evangelio ipsa Veritate dicente, sive in epistola sua) idem ipse, qui dicitur Jesus Christus, verus est Deus, et verus Filius Dei. Aut ergo hæc nomina tollenda sunt ab humanitate Filii Dei: aut, si hæc nomina illius [*Supple: propria sunt, vel simile quid*], qui natus est ex virgine; ergo et ille homo, qui natus est ex virgine, et his nominibus vocatur, verus est Deus et verus Filius Dei. Sed quia de hac ipsa quæstione plura videntur esse dicenda, præsentis libelli hic terminum ponere curavimus, ut ea quæ sequuntur. sequentis libelli disputationi serventur.

LIBER QUARTUS.

I. Sequitur in libello præfati doctoris pessimum et a sæculo inauditæ blasphemiae argumentum, quo omnino Christi Dei impiissima temeritate contradicit divinitati, quod multis sanctorum Patrum testimoniis destruendum esse necessarium videtur. Quapropter lectorem obsecro, ne me longiorem in hac serie disputationis reprehendat. Simplici sermone apud auditores pios fides vera proferri potest; sed impietatis assertio plurima testimoniorum auctoritate diluenda: quatenus si nostræ parvitatis sensus contemptibiles habeat, saltem multimo à catholico-rum doctorum auctoritate vincatur, utque Dei Christi donante et miserante clementia corrigatur.

II. Ponit itaque hujusmodi verba: « Secundo autem modo, ait, nuncupative Deus dicitur, sicut superius dictum est de sanctis prædicatoribus, de quibus Salvator Judæis ait: *Si enim illos dixit deos, ad quos Dei sermo factus* (*Joan. x, 35*); qui tamen non natura ut Deus, sed per Dei gratiam ab eo, qui verus est Deus, deificati dii sunt sub illo vocati: in hoc quippe ordine Dei Filius Dominus et Redemptor noster juxta humanitatem, sicut in natura, ita et in nomine, quamvis excellentius cunctis electus, verisimile tamen cum illis communicat, sicut et in cætera omnia [*Leg.*, in cæteris omnibus], id est, in prædestinatione, in electione, in gratia, in susceptione, in assumptione nominis servi, atque applicatione, seu cætera his similia, ut idem qui essentialiter cum Patre et Spiritu sancto in unitate deitatis verus est Deus, ipse in forma humanitatis cum electis suis per adoptionis gratiam deificatus fieret, et nuncupative Deus. » Quem paulo ante evangelico testimonio et ipsius evangelistæ testificatione dixisti verum Deum: quomodo nunc dicis nuncupativum Deum? Aut auctoritati evangelicæ etiam et ipsius veritatis testificationi, quam posuisti, ubi ait: *Hoc est enim vita*

æterna, ut cognoscant te solum verum Deum, et quem misisti Iesum Christum (*Joan. xvii, 3*): Et quod idem evangelista ait: *Ut cognoscamus verum Deum, et simus in vero Filio ejus Iesu Christo* (*I Joan. v, 20*), consentire habes; vel tuam sententiam confirmare alio [*Quercet.*, aliud] majore quolibet testimonio, quam ipsius veritatis, vel tanti apostoli, et evangelistæ, qui super pectus Domini recubuit: vel si hoc non ausus es facere, imo quia non potes, restat ut tuam sententiam damnans radas de corde tuo hoc nomen in Christo nuncupativæ Deitatis quod homo finxit, non Deus; quod humana inventio, non divina auctoritas compositum.

III. 821 Dicat beatus Apostolus, quid inde sentiat, vel de quo dixisset illud, quod et tu posuisti: *Qui est super omnia Deus benedictus in sæcula* (*Rom. ix, 5*). Dicit itaque Christus in se loquente: *Optabam ego ipse anathema esse a Christo pro fratribus meis, qui sunt cognati mei secundum carnem, qui sunt Israelitæ, quorum adoptio est filiorum et gloria, et testamentum, et legislatio, et obsequium, et promissio, quorum patres, ex quibus Christus secundum carnem, qui est super omnia Deus benedictus in sæcula* (*Rom. ix, 3 et seq.*). Intellige consequentiam sermonis apostolici. De Israelitis testatur, quasi se excusare volens, quod non propter invidiam legem illorum non servaret: sed dum veritatem intellexisset, veritati obedire mallet. Dicit illorum promissiones, id est, Israelitarum, quorum patriarchæ patres erant, ex quibus, id est, patriarchis, Christus secundum carnem natus est, quem etiam super omnia Deum benedictum in sæcula nominare non dubitavit: *Deum, inquam, nominavit benedictum illum, qui natus est carnaliter ex Patrum progenie, non nuncupativum*. De qua sententia beatus Proclus Constantinopolitanus episcopus in epistola ad Ar-

menos ita ait^a: « Apostolus dixit eum Christum, ut ostendat, quia secundum veritatem Deus factus est homo. Dixit eum qui est, ut eum sine initio esse declareret. Dixit eum super omnia, ut totius creaturæ Dominum prædicet. Dixit eum benedictum, ut adorremus eum tanquam omnipotentem humiliter, nec ut conservum calumniis appetamus. » Item Cyrillus episcopus Alexandrinus de unitate personæ et proprietate in duabus naturis Filii Dei^b: « Unus igitur est, inquit, et ante incarnationem Deus [Cyril., Deus verus], et qui in humanitate mansit, in quo erat [Cyril., id quod erat], et est, et erit. Non discernendo igitur unum Dominum Jesum Christum in hominem seorsum, et seorsum in Deum, sed unum eundemque Jesum Christum esse dicimus, non ignorantes differentias naturarum, sed eas inconfusas inter se servantes [Cyril., statuentes]. » Et post pauca^c: « Christum, inquit, Deum unum et Dominum constitemur, non tam hominem cum Verbo coadentes, ne divisionis quedam species inducatur; sed unum etiam et eundem adorantes, quia non est alienum a Verbo corpus suum, cum quo ipse etiam assidet [Quercet., adsedet] Patri. Nec hoc ita dicimus, quasi duobus filiis assidentibus, sed uno cum carne per unitatem: quia si talem copulacionem factam per substantiam, aut quasi impossibilem, aut quasi parum decoram voluerimus accipere, in id incidiimus, ut duos filios esse dicamus. Nec enim [Leg. ex Cyrillo: Necessus est enim] discernere et discere hominem separatum, fuisse sola filii appellatione honoratum, et rursus Verbum, quod est ex Deo et nomine et veritate Filius Dei: sed discernere in duos filios non debemus unum Dominum Jesum Christum. » Item beatus Hilarius in libro nono fidei catholice^d: « Hæc itaque humanæ beatitudinis fides vera est, Deum et hominem prædicare, Verbum et carnem confiteri. Neque Deum nescire, quod et homo sit, neque carnem ignorare, quod Verbum sit. » Consentanea quoque evangelicis testimoniis, apostolicisque doctrinis et sanctorum Patrum sensibus, beatus Cassianus profert in illo libro, quem contra hæreticæ pravitatis sectam scripsit^e: « Testamentum, inquit, vetus concinuit novo, David Joanni concedat. » Et paulo post: « Quem verum hominem dicit David, quia mater Sion dicit: Homo, et homo natus in ea, eundem verum Deum credit et prædicat, quia ipse fundavit eam Altissimus (Psal. lxxxvi, 5). Quem verum hominem novit Joannes audiens eum dicentem: Quæritis me occidere hominem, qui veritatem locutus sum vobis (Joan. viii, 40);

^a B. Procli epistola et textus extant in Bibl. PP. tom. VI.

^b S. Cyrillus Alex. in Scholiis tom. V, ubi tamen deest testimonium alterum post pauca. Similia fere habet Cyrilus l. cit. cap. 17.

^c S. Cyril. non ibi post pauca, sed in alio loco, neunque in Epist. ad Nestorium tom. IV Concil. Mansi pag. 890, et tom. V, pag. 497; et tom. V, part. II Operum S. Cyrilli epist. 6, pag. 24, ubique tamen textus Græci interpretatio ab hac Alcuini

A eundem verum Deum monstrat dicens: *Hic est verus Deus et vita æterna (I Joan. v, 20).* Verum hominem Christum recognoscit, quia *Verbum caro factum est, et habitavit in nobis*; eundemque verum Deum ostendit; quia *in principio erat Verbum, et Verbum erat apud Deum, et Deus erat Verbum.* » Et paulo post idem Cassianus in libro tertio de sacramento passionis Christi, et de unitate Filii Dei disserens ait: « Itaque sic in se totum hominem verus Deus et summus accepit, et sic plenitudo divinitatis, veritate divinæ humanæque substantie inconfusibiliter permanente, semetipsum pleno coniunctus homini, ut unitate deinceps in æternum manente personæ, nec homo Christus a sua divinitate, nec idem Deus Christus a sua possit humanitate disjungi: unus tamen atque idem Christus et ex veritate passionis humanæ, quæ nostra fuerant, reddebet: et ex veritate impassibilis, divinæ, quæ sua fuerant, tribuisset. Et sic utriusque naturæ inconfusa veritas perduravit, ut nec homo a Deo divelli, nec Deus a suscepto possit hominem separari. » De qua etiam unitate clarissimus doctor beatus Augustinus in libro primo de sancta Trinitate cap. tertio decimo inter alia multa catholicæ fidei convenientia ita ait^f: « Nisi tamen idem ipse esset filius hominis, propter formam servi, quam accepit, qui est Filius Dei propter Dei formam, in qua est, non diceret apostolus Paulus de principibus hujus saeculi: *Si enim cognovissent, nunquam Dominum gloriae crucifixissent (I Cor. ii, 8).* Ex forma enim servi crucifixus est, et tamen Dominus gloriae crucifixus est. Talis enim erat illa susceptio, quæ Deum hominem faceret, et hominem Deum. » Item in eodem libro cap. septimo^g: « Neque enim sic accepit formam servi, ut amitteret formam Dei, in qua erat æqualis Patri. »

C IV. Si ergo ita accepta est forma servi, ut non amitteretur forma Dei, cum et in forma servi et in forma Dei idem ipse sit Filius unigenitus Dei Patris: illum quem vestra temeritas affirmat adoptivum, hunc beatus Augustinus non dubitavit unigenitum nominare. Ubi unigenitus est, ibi locum non habet adoptivus. Nec secundum vestram assertionem unigenitus est tantum in divina natura, et primogenitus in humana; quia beata Virgo alterum non genuit, nisi verum et hunc unigenitum Dei Patris et suum. Item primogenitus in humanitate, ut ait Evangelista: *Donec peperit filium suum primogenitum (Matth. i, 25)*: in divina vero nativitate, sicut ait Apostolus: *Primogenitus omnis creaturæ (Coloss. i,*

quoad verba differt.

^d S. Hilar. lib. ix de Trinit., num. 3.

^e Quis sit liber, quem Cassianus contra hæreticæ pravitatis sectam, aut de sacramento passionis Christi, etc., scripsit, ignoro. In libris de Incarnatione Domini hos textus, qui hic citantur, reperire nou potui.

^f S. Aug. l. cit., num. 26.

^g Idem ibid. cap. 7, num. 14

45). Et ipse est ante omnes, et omnia in illo constant. Secundum formam servi ipse est caput corporis Ecclesiae. De sententia vero doctoris gentium, quam beatum Augustinum supra exposuisse diximus : *Si enim cognovissent, nunquam Dominum glorie crucifixissent* : egregius doctor Cyrilus in epistola secunda ad Successum ait ^a : « Non solum Dominum glorie, sed et Deum super omnia benedictum in secula beatissimus Paulus affirmat proprium verbi corpus affixum in ligno. » Petrus quoque Ravennensis episcopus de hac sancta fide, quod Jesus, qui ex Virgine natus est, verus sit Deus, in suo sermone confirmat; ait enim inter alia catholicæ fideli testimonia ^b : « Concipies, inquit angelus, in utero, et paries Filium, et vocabis nomen ejus Iesum, quod Hebraice Jesus, Graece ἵερος, Latine Salvator interpretatur. Merito igitur Virgini salvare sunt omnia quæ genuit Salvatorem. Et vocabis nomen ejus Jcsum (Luc. i, 31), quia in hoc nomine Deitatis adoratur tota majestas : omnes qui commorantur in cœlis, universi qui habitant in terris, cuncti qui in profundo tenentur inferni, huic prosterunt nomini, hoc adorant. Audi Apostolum dicentem : *Ut in nomine Jesu omne genu flectatur cœlestium, terrestrium et infernorum* (Philip. ii, 10). Hoc nomen est, quod dedit cœcis visum, auditum surdis, claudis cursum, sermonem mutis, vitam mortuis, totamque diaboli potestatem de obsessis corporibus virtus ejus nominis effugavit. Et si nomen tantum est, quanta potestas? Sed quis est iste, qui vocatur hoc nomine? Dicit Angelus : *Et Filius, inquit, Altissimi vocabitur* (Luc. i, 32). Videlis, quia quod concepit Virgo, non terreno germe, sed coelesti conceptu Virgo peperit, sed Deus suscepit Filium ^c. Ergo qui dē hac nativitate humano modo disputat, ad omnem tendit tanti genitoris injuriam. »

823 V. Intellige, o indocta temeritas, quid post tantorum Patrum testimonia relinqu possit nunuationis in Christo vel adoptionis. Dicit ipsa Veritas : *Quod Deus conjunxit, homo non separaret* (Matth. xix, 6). Deus conjunxit seipsum humanæ naturæ, ut esset unus Deus in duabus naturis, et unus Filius Dei : quis est qui possit separare quod Jesus adunavit, vel dividere quod Deus conjunxit? Nam si duas personas in uno Christo propter apertam blasphemiam timeas faleri, tamen omnia quæ duabus personis inesse necesse est, in tua confessione confirmare non metuis. Nonne duo sunt, qui verus est Deus, et qui nuncupativus Deus? nonne etiam et duo sunt, qui adoptivus est Filius, et ille qui verus est Filius? Alia quippe est persona veri Dei, alia nuncupativi : et alia est persona veri Filii Dei, altera adoptivi filii. Omnis itaque qui evangelicam legit historiam, intelligere potest quod Jesus et Christus nomina sunt humanitatis in Filio Dei. Et si Jesus Christus, qui natus est ex Virgine, non est verus Deus,

A quomodo universalis Ecclesia per totum mundum communi consuetudine, etiam et vos, ut reor, in omnibus orationibus quæ in missarum solemnibus decantantur, dicere solet: *Per Jesum Christum Dominum nostrum, qui tecum vivit et regnat Deus in unitate Spiritus sancti per omnia saecula saeculorum*. Sed et ipse ait apostolis suis, qui passus est et resurrexit : *Data est mihi omnis potestas in cœlo et in terra* (Matth. xviii, 18). Cui data potestas, nisi illi qui de Virgine natus est? nam sicut paulo ante dixisti :

« Dei Filius ex Deo substantialiter natus, essentialiter habuit omnem potestatem cum Patre et Spiritu sancto : sed haec potestas data est Filio Virginis. » Et si omnem potestatem habet, quomodo potest esse ut non sit omnimodis verus Deus et verus Filius

B Dei? Moyses fuit Deus nuncupativus, tamen non data est ei omnis potestas : ideo secundo percussit petram ad eliciendam aquam. Quidquid vero miraculorum Christus gessit in mundo, dum visibili præsentia conversatus est inter homines, propria virtute fecit ut potens et verus Deus. Nunquid aliquis sanctorum per se potuit aliquid facere absque eo qui ait : *Sine me nihil potestis facere* (Joan. xv, 5)? Dic ergo tu, unde in nomine Jesu tantas virtutes fecerint apostoli, si ipse Jesus non habuit propriam potestatem, sed nuncupativam? Dic quoque, rogo, qui contradicis divinitati Jesu, et non vis in eo potestatem esse propriam, sed munus alterius, quomodo et nomen ejus tantam potestatem habuit, qua ipse, cuius hoc nomen est, ut tu blasphemas, eguit? Quomodo in nomine ejus dæmones ejecti, debiles curati, mortui suscitati sunt? Petrus enim apostolus claudio illi, qui sedebat ad speciosam portam templi, in nomine, inquit, *Jesu Christi surge et ambula* (Act. iii, 6). Et iterum in civitate Joppe ad eum qui ab annis octo paralyticus jacebat in lecto : *Aenea, sanut te*, inquit, *Jesus Christus, surge et sterne tibi* (Act. ix, 34).

Paulus quoque ad spiritum Pythonis : *Præcipio, inquit, tibi in nomine Jesu Christi, exi ab ea*. Et exiit ab ea dæmonium (Act. xv, 16). Quam longe ergo hæc imbecillitas a Domino fuerit, hinc intellige, quando nec illi imbecilles fuerunt, qui talia per nomen ejus facere potuerunt, quod ille per nomen suum potenter fecit : siquidem nemini apostolorum post Dei resurrectionem vel dæmones, vel infirmitates obstitisse

D agnovimus. Nunquid in seipso infirmus fuit, cuius fides etiam per alios super universa regnavit? Quid est autem quod ipse cuius potestati derogas discipulis suis ait : *In nomine meo dæmonia ejicite*? Nunquid ad potestatem exercendam nomine alterius eguit, qui ipsum nomen suum potestatem esse fecit? Sed quid adhuc addicitur? *Ecce, inquit, dedi vobis potestatem calcandi super serpentes et scorpiones, et super omnem virtutem inimici* (Luc. x, 15). Quem tu nuncupativum Deum dicis, Apostolus scribens ad Titum, magnum Deum nominare non dubitavit : Ap.

^a Cyrilus, tom. V, part. II.

^b Petrus Chrysologus, serm. 114, pag. 956, tom. VII Bibl. I.P.

^c Edit., « Non terrenum germen est, sed cœlestis Virgo peperit; sed Deus suscepit Filium. »

paruit enim, inquit, gratia Dei Salvatoris nostri omnibus hominibus erudiens nos, ut abnegantes impietatem et secularia desideria sobrie et juste et pie vivamus in hoc saeculo, exspectantes beatam spem et adventum gloriae magni Dei Salvatoris nostri Iesu Christi (Tit. ii, 11). Cujus sententiae sensum beatus Hieronymus in tractu ejusdem Epistolæ ita exposuit : « Ubi est, inquit, Arius serpens? ubi Eunomius coluber? Magnus Deus Jesus Christus Salvator dicitur, non primogenitus omnis creaturæ, non Verbum Dei et sapientia **824** [quæ sunt appellations divinae generationis] : sed Jesus et Christus, quæ vocabula assumpti hominis sunt. Neque vero aliud Jesum Christum, alium Verbum dicimus, ut nova heresis calumniantur; sed eundem et ante saecula [S. Hier. addit : et post saecula], et ante mundum et post Mariam; imo ex Maria magnum Deum appellamus Salvatorem nostrum JESUM Christum, qui dedit se-metipsum pro nobis. »

VI. Quis est vero qui judicaturus est mundum, homo tantum solitarius, vel Deus filius hominis? Nequaquam ita adversarius es veritati, ut audeas contradicere ipsius Veritatis testimonio, quæ ait. *Cum sederit filius hominis in sede maiestatis (Matth. xix, 28).* Itemque apostolus Paulus eundem, qui judicaturus est mundum, Deum omnino affirmavit, dicens ad Romanos: *Alioquin quomodo judicabit Deus hunc mundum (Rom. iii, 6); nisi forte, quia Apostolus in alia Epistola nos manifestandos ante tribunal Christi (II Cor. v, 10); in alia, ante tribunal Dei (Rom. xiv, 10)?* ^b Ama vitam, ama salutem tuam, ama eum per quem redemptus es, metue cum a quo judicandus es. Velis enim nolis, manifestandus ante tribunal Christi es; et seposita impietatis blasphemia, ac verborum infidelium cantilena, si aliud putas tribunal Dei esse quam Christi, venias ante tribunal Christi, et invenies utroque documenta inexplicabili, ipsum tribunal Dei esse quod Christi, totamque in uno Filio Iesu Christo divinitatis potentiam et Patris Dei maiestatem. Idem quoque prefatus gentium prædicator ubi carnis dispensationem et veram divinitatis celitudinem Christo inesse scribens ad Corinthios ostendit: *Si neveramus, ait, Christum secundum carnem, sed nunc jam non novimus (II Cor. v, 16);* in his scilicet paucissimis verbis magnum Christi incarnationis mysterium demonstrans. Quæ verba beatus Cassianus catholico exponens sensu (Lib. iii de Incarn., cap. 5): « Ascendit ergo, inquit, quodammodo quasi in altiore gradum doctrinæ apostolicæ prædicatio, et licet sensus ibi in utroque conveniat, sacramentum tamen perfectæ fidei, sententia expressiore confirmat, dicens: *Et si cognovimus secundum carnem Christum, sed nunc jam non norimus;* videlicet quia prius eum et hominem scimus et Deum, *nunc tantum Deum (Quercet., cunctandum Deum).* Cessante infirmitate carnis nihil in eo jam novimus, nisi virtutem divinitatis: quia totum in Deo [Cass., in eo] virtus est majestatis divinæ, ubi

^a Hæc desunt apud Hieronymum.

A esse desit infirmitas imbecillitatis humanæ. Omne ergo penitus hoc testimonio [Quercet., testimonium] mysterium et sumptæ carnis et perfectæ divinitatis exposuit. Dicens enim: *et si cognovimus Christum secundum carnem,* sacramentum natum in carne Dei locutus est. Adjiciens autem: *nunc non jam novimus,* vim depositæ infirmitatis licuit [Cass., explicavit]. Ac per hoc cognitio illius [Cass., cognitio illa] carnis ad significationem pertinet hominis, ignoratio autem ad honorem divinitatis. Illoc est enim dicere: *cognovimus Christum secundum carnem,* quandiu, quod secundum carnem cognosceretur, sicut: *nunc jam non novimus,* postquam esse divisit [Cass., desivit]. Natura enim carnis in spiritalem est translatæ substantiam; et illud quod fuerat quondam hominis, factum est totum Dei. *Et ideo jam non novimus Christum secundum carnem,* quia absorpta per divinam maiestatem infirmitate corporea, nihil sacro resedit corpori ex quo imbecillitas in eo carnis possit agnosciri. Ac per hoc quidquid fuerat prius substantiæ duplicitis, factum est virtutis unius. Cum utique non sit dubium Christum, qui crucifixus est ex infirmitate nostra, totum vivere ex maiestate divina. ^b Et paulo post (cap. 5): « Bene ergo Apostolus missum se sicut a Deo Patre, ita et a Deo Filio prædicans confessionem statim Dominice incarnationis adjunxit dicens: *Qui suscitavit eum a mortuis (Gal. i, 4);* verum scilicet incarnati Dei corpus suscitatum a mortuis docens juxta illud: *Et si cognovimus Christum secundum carnem,* bene addens: *Ced nunc jam non novimus:* hoc enim se in eo nosse dicit secundum carnem, quod sit a mortuis suscitatus: in eo vero se eum jam non nosse secundum carnem, quod cessante carnis fragilitate in sola eum neverit Dei esse virtute. »

VII. Audi igitur quid idem apostolus de Christo dicit, utrum illum hominem vel etiam Deum voluisse intelli: *An experimentum, inquit, queritis illius qui in me loquitur Christus (II Cor. XIII, 3)?* Quo loco volo ut edisseras mihi, o Felix! hunc quem **825** loqui Apostolus intra se dicit, homo sit an Deus? Si homo, quomodo in corde ejus corpus loqui poterat alterius? Si Deus, ergo non homo Christus, sed Deus: quia cum locutus in Apostolo Christus sit, et loqui in eo non potuerit nisi Deus: ergo locutus est in eo Christus Deus. Vides itaque nihil esse hic jam quod contra hæc dici queat. Nec disjunctionem aut divisionem aliquam inter Christum fieri et Deum posse, quia totus in Christo Deus, et totus in Deo Christus. Nulla hic recipi separatio potest, nulla dissensio; una tantum est simplex, una tantum sana confessio adorare, amare, colere Christum Deum. Concordat quoque beatus Hieronymus præscriptorum sensibus Patrum, quod homo assumptus a verbo Dei in divinitatis glorificatus sit potentia atque indivisa maiestate Deus unus adoretur in Christo, hunc eundem sensum in libro tertio Commentariorum Jeremiæ prophetæ expressius ponens, ubi ait (in cap. xvii).

^b Deest aliiquid.

« Si maledictus est homo qui confidit in homine (*Jer. xvii*, 5), ergo maledicti erunt qui Jesum tantum hominem constitentur. Quod si nobis oppositum fuerit quod et nos credamus in eum qui dicit: *Nunc autem queritis me interficere hominem, qui veritatem vobis locutus sum, quam audivi a Deo: hoc Abraham non fecit, vos facitis opera vestri Patris* (*Joan. viii*, 40); respondebimus illud apostolicum: *Etsi Christum aliquando iuxta carnem cognorimus, sed nunc jam non novimus*. Denique idem apostolus in principio Epistole suæ scribit ad Galatas: *Paulus apostolus non ab hominibus neque per hominem, sed per Jesum Christum et Deum Patrem, qui suscitavit eum a mortuis, et qui mecum sunt omnes fratres* (*Gal. i*, 1, 2). Si enim mors absorpta est in victoria (*I Cor. xv*, 54), quare non carnis humilitas, quæ propter humanam salutem assumpta est, in divinitatis transierit majestatem, ut faceret utrumque unum? » Non hic beatus Ieronymus confusionem duarum designat naturalium, sed unitatem potentiarum, ut credamus unam potentiam divinitatis in Christo Domino Deo nostro, ne dicatur dualitas majestatis in Christo in quo est unitas individuæ personæ. Item idem qui supra et unde supra: « Per hæc quoque discimus, Deum solum nosse cogitationes hominum. Si autem de Salvatore dicitur: *Videns Jesus cogitationes eorum* (*Luc. xi*, 47); nullusque potest videre cogitationes, nisi solus Deus: ergo et Christus Deus [est], qui scrutatur corda, et reddet unicuique secundum opera sua. » Idem quoque libro tertio in Amos prophetam: « Tunc quoque primogenitus populus Dei Israel [*Hier.*, primogenitus Filius Dei, populus Israel] qui in unigenitum et vere Filium Dei miserat manum, æterno luctui traditus est, et novissima ejus, sive qui cum eo erant, amaritudine sunt repleti. » Idem quoque in Zachariam lib. primo: « Nec mirum, ait, si Christus dicatur omnipotens, cui tradita est omnis potestas in celo et in terra (*Matth. xxiv*, 18). Et qui dicit: *Omnia quæ Patris sunt, mea sunt* (*Joan. xvii*, 10). »

VIII. Quomodo catholicus aestimari potest, qui et tantorum doctorum testimonis non credit, nec apostolica ad credibilitatem movetur auctoritate, nec divinitate per evangelicas paginas consentit veritati? Igitur tota sacra Scriptura hujus fidei catholicæ fulgore, quasi stellis lucentibus in celo, clarescit; nec ulla in illis divinitatis nuncupatio sive [F., sine] veritatis potentia Christo ascribitur, sed omnia propria virtute sanitatum beneficia, vel signorum miracula, quæcunque gessit, eum efficere testantur. Neque enim dubium est quin ipse propria potestate omnia fecerit quæ de eo mira leguntur: vehementerque cœendum est ne aliquid in Christo fallaci imitatione potemus actum, sed omnia quæcunque vel in nominibus, vel in operibus leguntur de illo, cuncta solida veritate acta vel dicta credamus, quia in veritate nulla signenti obumbratio inveniri poterit. Sed qui verus semper erit Deus in Deo Patre, verus est in homine et Deus. Et qui verus est hominis filius, idem ipse

A verus est et Dei Filius: idemque homo Deus propter Deum; et idem Deus homo propter hominem, ut in homine quocunque anima et corpus. Hæc ergo unitas et veritas in Christo nequaquam post Virginis partum coepit, sed in ipso Virginis utero conjuncta atque unita est. Diligenter etenim præcavere debemus, ut Christum non **826** modo unum post baptismum, vel resurrectionem; sed semper unum, ex quo conceptus est in utero virginali, consteatur: quia intoleranda blasphemia est, ut etiam si nunc eum unum jam esse quis concedat, aliquando tamen non unum, sed duos fuisse contendat. Sic enim iste Felix cum suis sequacibus in sequenti litterarum suarum serie etiam sentire videtur: « Si enim, ait, ut vos vultis, homo assumptus a Filio Dei, mox a conceptione virginalis uteri verus conceptus est Deus, verus et natus Deus, quomodo ipse Filius Dei ex voce formæ servilis prophetiam Veteris Testamenti de seipso testimonium perhibet, quod ex utero matris servus sit formatus, ipso dicente per Isaiam prophetam: *Et nunc haec dicit Dominus, formans me ex utero servum sibi, ut reducam Jacob ad eum, et Israel [non] congregabitur* (*Isa. xlix*, 5). » Considera, lector, diligenter quod ille [F., quid ille] velit de Christo intelligi, qui nobis improperat, velle euindem, qui ex utero virginali tanquam sponsus processit de thalamo suo, Deum verum esse [Supple: conceptum] et natum. Dicit enim: *si, ut vos vultis: perspicuum est eum nolle quod nobis objicit velle: atque suam sententiam propheticæ affirmare nititur testimonio, ut magis servus sit ex utero formatus quam Deus, quem omnis catholica Ecclesia ipso sacrae conceptionis initio Deum verum constitut ac prædicat: ut pote quia de Spiritu sancto et Maria virgine conceptum et natum evangelico testimonio certum habet. Quid enim de Deo nisi Deus nasci debuit?*

IX. Iste etiam Felix hunc conditionalem servum sapientia solet affirmare, non intelligens quod divinæ dispensationis sacramento servus nominaretur: scilicet non conditione, ut superioris diximus, debitæ servitutis, sed implendæ paternæ voluntatis in salute humana voluntaria obedientia. Nam in Christo quidquid gestum est, totum voluntatis fuit, non necessitatis, qui Apostolo testante, *humiliavit semetipsum factus obediens Patri usque ad mortem, mortem autem crucis* (*Philipp. ii*, 8). Alia est namque voluntaria humilitas, alia servilis necessitas. Quædam enim de Christo per proprietatem naturæ dicuntur, ut est via, veritas et vita; quædam per significacionem rerum per illum gerendarum a prophetis de eo prædicata sunt. Quo genere locutionis servum nominari a prophetis Christum credendum est; de quo enim propheta hoc testimonium protulit, in eo statim subjunctum est: *Dedi te in lucem gentium, ut sis salus mea usque ad extreum terræ* (*Isa. xlix*, 6). Et ne iste honor tantæ lucis parvus videatur, in eo adiunxit: *Reges videbunt, et consurgent principes, et adorabunt propter Dominum, quia fidelis est, et sanctum Israel, qui elegit te* (*Ibid. v*, 7). Quonodo au-

tem, si servus est, adoratur a regibus et principibus? De quo et paulo ante idem propheta ait ex ejusdem persona quem servum prophetice nominavit: *Posuit me, inquit, sicut sagittam.* « Christus autem, ut beatus Hieronymus (*In cap. XI. Isaiae*) ait, de multis sagitis, et filiis plurimis, una sagitta electa, et Filius unigenitus est, cui et paterna vox mox respondit: *Servus meus es tu Israel, quia in te glorificabor* (*Isa. XLIX, 5*). *Servus*, quia cum in forma Dei esset, formam servi est dignatus assumere: et *Israel*, quia natus de semine Iudeorum. Quodque de nullo alio servorum intelligi potest, jungitur: *quia in te glorificabor*. Dicit enim ipse in Evangelio: *Pater, glorifica nomen tuum* (*Joan. XII, 28*): qui in psalmo loquitur ad Filium: *Exsurge, gloria mea, psalterium et cithara* (*Psal. LVI, 9*), id est, omnium virtutum chorus. » Hec itaque praefatus Pater Hieronymus, Christum a conditionali nostrae necessitatis servitio separans, ait. Ex quo intelligitur non communis humanae conditionis more Christum servum nominari, sed altiori mysterio debere intelligi. Si ergo servus est Christus, quomodo tantos fecit liberos, Apostolo testante, qui ait: *Non sumus ancillæ filii, sed liberae, quæ libertate Christus non liberavit* (*Gal. IV, 31*). Et ipsa Veritas in Evangelio: *Si filius vos liberaverit, vere liberi eritis* (*Joan. VIII, 36*). Nam si omnes sancti liberi sunt secundum Veritatis, quæ Christus est, vocem, quomodo ille solus remansit servus qui omnes in se credentes liberos facit? De quibus et alibi ait: *Jam non dicam vos seruos, sed amicos* (*Joan. XV, 15*): Et in eodem Evangelio: *Servus, inquit, non manet in domo in æternum, Filius autem manet* (*Joan. VIII, 35*). Dominus autem, ut ait sanctus Augustinus, in forma servi, non servus: sed in forma servi Dominus fuit.

827 X. Quod vero in ipsa sacratissima incarnationis Christi origine Deus verus conceptus sit, multorum catholicorum testimonis Patrum affirmari potest, quorum pauca hic subjecere curavimus: quia res de qua agitur tam clara est et nota, ut non multis indigentibus testibus, cuius tot sunt testes quot fideles. Dicit ergo beatus Augustinus in libro saepè nominato *Enchiridion* (*cap. 36*): « Nunquid antea fuit homo, et hoc ei singulare beneficium præstatum est, quo singulariter promeretur Deum? nempe ex quo homo esse coepit, non aliud coepit esse quam Dei Filius: et hoc unicus et propter Deum Verbum, quod illo suscepto caro factum est, utique Deus; [ut] quemadmodum est una persona quilibet homo, anima, scilicet, rationalis et caro, ita sit Christus una persona Verbum et homo. » Item Fulgentius in libro catholicæ fidei (*Lib. de Fide ad Petrum*, *cap. 48*): « Firmissime, inquit, tene, et nullatenus dubites, non carnem Christi sine divinitate conceptam in utero Virginis, priusquam susciperetur

* S. Hilarius. Hoc proœmium, cuius tamen S. Hieronymus in Catalogo Operum S. Hilarii meminuit, et quod similiter a Cassiano Lib. vii de Incarnat. citatur, nunc desideratur. Textus vero apud Cassia-

A a Verbo; sed ipsum Verbum Dei suæ carnis suscep-
tione conceptum, ipsamque carnem Verbi Dei in-
carnatione conceptam. » Nec mirandum est si hære-
ticus Christum, qui ex Virgine natus est, Deum
nuncupativum asserere audet, qui eumdem servum
omnimodis, propheticis testimoniis non catholico
sensu intellectis, astruit, nobisque pro culpa objicit,
velle eum qui ex Virgine natus est, verum Deum
prædicare. Hinc enim totius erroris sui videtur origo
processisse, ut ex servo quodam adoptivum Filium
facere potuisse [Edit., facere non potuisse, erro-
nes], vel Deum nuncupativum. Tria quippe affirmat
in Christo, id est, quod servus sit conditionalis,
quod filius adoptivus, et Deus nuncupativus. Tria
quoque e contrario negat, hoc est, quod verus Deus
nasceretur ex Virgine; vel idem, qui natus est,
verus sit Filius Dei; et quod nullatenus fieri possit
ut baptismi regeneratione non egeat, qui servus
sit natus. Sed jam tempus est ut testium nube
opprimatur, qui caligine impii erroris obumi-
bratur.

XI. Hilarius virtutum omnium atque ornamento-
rum, et sicut vita, ita et eloquentia insignis, in libro
fidei secundo (*Lib. II de Trinit.*, n. 25 et 27; lib.
ix, n. 5): « Unus, inquit, unigenitus Deus in corpus-
culi humani forma [*Hil.*, formam] sanctæ Virginis
utero insertus adhærescit [*Id.*, ac crescit], qui omnia
continet, et intra quem cuncta sunt, humani partus
lege profertur. » Item in eodem libro: « Angelus
testis est, Deus nobiscum est, ille, qui nascitur. »
Item ipse in libro nono: « Natus igitur unigenitus
Deus ex homine [*Id.*, ex Virginie] homo, et secun-
dum plenitudinem temporum in senecto proiectu-
rus est Deum hominem [*Id.*, proiecturus in Deum
hominem]. Hunc per omnia evangelici sermonis
modum tenuit, ut se Dei Filium credere doceret, et
hominis Filium prædicare [*Id.*, credi... prædicari]
admoneret: locutus et gerens homo universa quæ
Dei sunt, loquens deinde et gerens Deus universa
quæ hominis sunt. » Idem quoque in proœmio expo-
sitionis Evangelii secundum Matthæum: « Erat
namque primum necessarium nobis, ut unus Deus
nostræ causa homo natus cognosceretur. » Theophi-
lus quoque episcopus Alexandrinus in epistola Pa-
schali hujusmodi de Christi nativitate protulit testi-
monium: « Unus Filius Patris nostrique mediator,
nec aequalitatem ejus amisit, nec a nostro consortio
separatus est invisibilis Deus [^b et visibilis Deus :
invisibilis homo] et visibilis homo, in forma servi
absconditus, et Dominus gloriæ confessione creden-
tium comprobatus. Neque enim privavit eum Pater
naturæ suæ nomine, postquam pro nobis homo pau-
per effectus est: nec in Jordane fluvio baptizatum
altero appellavit vocabulo, sed Filium unigenitum:
Tu es, inquit, *Filius meus dilectus, in quo mihi bene*

num ita sonat: « Erat namque primum necessarium
nobis, ut Unigenitus Deus nostri causa homo, id quod
tum non erat, gigneretur. »

^b Uncis inclusa desunt in Theophilo.

complacui (*Matth. iii, 17*). » Ambrosius eximus Dei sacerdos, in libro qui est ad virgines, ita memorat : **828** « Gloriosa virginitas et preclara fecunditas. Dominus mundi nascitur, et nullus est gemitus parientis, quia fas erat ut Deo nascente meritum cresceret castitatis. » Hieronymus catholicæ fidei doctor clarissimus in libro ad Eustochium virginem (*Epist. 22, n. 29*) : « Dei, inquit, Filius pro nostra salutem hominis factus est filius. Decem [*Al.*, Novem] mensibus ^b in utero, ut nascatur, exspectat,.... et ille, cuius pugillo mundus includitur [*Hier.*, et ille pugillo mundum includens], præseps continetur angustiis. » Item ipsius in commentario Isaiae (*In cap. viii Isa., num. 14*) : « Dominus enim virtutum, qui est Rex gloriae, ipse descendit in uterum virginalem, et ingressus est et egressus orientalem portam. » Item Augustinus, cuius supra sc̄pius mentionem fecimus : « Ut autem, inquit (*Serm. 5 in Natali Boni*), homines nascerentur ex Deo, primum ex omnibus natus est Deus : Christus enim Deus, et Christus natus ex homine, non quæsivit nisi matrem in terra, qui jam Patrem habebat in cœlo. Natus ex Deo, per quem facti sumus; natus ex Virgine, per quem reformaremur. » Item ejusdem in epistola ad Volusianum (*Epist. 437, cap. 4*) : « Et ipse Moses et cæteri prophetæ veracissime Dominum Christum prophetaverunt, et ei gloriam magnam dederunt : hunc non tanquam Patrem sibi [*Aug.*, tanquam parem sibi], nec in eadem miraculorum potentia superiori, sed plene [*Aug.*, plane] Dominum Deum omnium, et hominem propter hominem factum venturum prænuntiaverunt. » Item Gregorius Nazianzenus (*Orat. 58, in Christi Nativ.*) : « Cum ergo, inquit, processisset ex Virgine Deus in ea, quam assumpserat, humana natura, unum e duobus sibi invicem contrariis existens carne ac spiritu, aliud in Deum assimilit, aliud deitatis gratiam præstat. » Item beatus Cyrillus contra Nestorium (*Epist. 4, ad Nestorium*) : « Neque enim, inquit, primo natus est homo communis de sancta Virgine, et tunc demum inhabitavit in eo Verbum : sed in ipsa vulva uteroque virginali se cum carne conjunxit, et sustinuit generationem carnalem carnis suæ [*Al.*, carni suæ nativitatem suam faciens]. » Petrus quoque Ravennensis episcopus in eadem epistola unde paulo ante posuimus exemplum ^c : « Verbum, inquit, caro sanctum est, ut homo carne promoveretur in gloriam Dei, non ut Deus in carnis verteretur injuriam : sicut dicit Apostolus ; *Qui se jungit Domino, unus spiritus est* (*I Cor. vi, 17*) : Et quomodo non, quando se jungit Deus homini, unus est Deus? » Et post pauca :

^a S. Ambrosius; potius auctor incertus sermonis *III in Natali Domini*, n. 4, inter Opp. S. Augustini.

^b *Decem mensibus*. Ita etiam legebat Martianæus. Vulgati alii omnes, ait doctissimus Vallarsius in novissima edit. Oper. sancti Hieronymi nostrique mss. codices habent *novem*. Quanquam alibi non ignoramus decein recenseri, non abs Hieronymo tantum, sed ab aliis etiam scriptoribus antiquis, menses, qui-

« Hæretice! desine judicare judicem tuum, sed adora in cœlis Deum, quem Deum magus adoravit in terris. » Item beatus Beda presbyter in expositione apostolicæ exhortationis ad episcopos Ephesiorum (Beda, in cap. xx *Act. apost.*), ubi ait : *In quo vos Spiritus sanctus posuit episcopos regere Ecclesiam Dei, quam acquisivit sanguine suo* (*Act. xx, 28*) : « Non dubitavit, inquit, sanguinem Dei dicere propter unionem personæ in duabus naturis ejusdem Jesu Christi, propter quam et dictus est filius hominis, qui est in cœlo. Cesset ergo Nestorius filium hominis a Filio Dei separare, et duos sibi facere Christos. » Dicamus et nos : Cesset itaque Felix Christum in duos filios, vel in duos deos dividere, ne Nestorianæ fiat infidelitatis particeps : quia quod Nestorius in numero personarum, hoc Felix in numero filiorum facere videtur, unum adoptivum, et alium proprium faciens [ut] Filium Dei per unam divinitatem maiestatis, in duas dividat potestates, unam propriam, alteram nuncupativam. Nonne, quæso, hi omnes quasi prophetic olim spiritu, ad confutandas blasphemias tuas, hæc dixerunt? Tu enim Dominum **829** nostrum Salvatorem fateris Christum esse; Deum vero negas. Nec hoc solo contentus es, nisi etiam et servum eum affirmares esse conditionalem : illi vero omnes, quos prænominavimus, et alii his multo plures catholici viri Christum Dominum Deum verum prædicaverunt. Illi beatam Virginem Mariam Dei genitricem affirmant; tu vero non tantum hominis, quem Christum nominas, sed servi cujusdam genitricem impia novitate credere et prædicare videris.

D XII. Insuper et auctoritatem nostræ fidei poscis a nobis, qui credi possit verum Deum esse hominem, qui ex utero virginali natus est. Dicis enim : « Qua auctoritate, idem homo Dominicus ex utero matris verus Deus conceptus, et verus Deus natus a nobis prædicator, cum sit natura verus homo, et per omnia subditus Deo? Si auctoritatem quæris quare Deum verum prædicemus qui natus est ex Virgine, habes in superioribus multorum Patrum, quos possumus, non contemnendam auctoritatem. Tamen si illorum auctoritati credere renuis, vel ipsius sancti Spiritus, per quem et de quo illa mirabilis Filii Dei conceptio in utero virginali facta est, crede, cuius adventum quærenti Virgini quomodo fieri possint quæ ab angelo dicta sunt ei, idem archangelus Gabriel a Deo missus eidem Virgini prænuntiavit. Nunquid aliud potuit angelus nuntiare, nisi quod illi a Deo omnipotente mandatum erat? Quid dicit angelus? *Spiritus sanctus superveniet in te, et virtus Al-*

bus infantes in utero gestari solent. Auctorum supra viginti testimonia in hanc sententiam indicat Baluzius in notis ad Cypriani epistolam ad Fortunatum : nos multo plura eorum afferre possemus, qui non nisi novem enumerant. Vide etiam eruditam annotationem in hunc locum doctissimi Gazæi ad Cassiani libri vii de Incarnat., cap. 56, not.

^c Vide supra, col. 177.

tissimi obumbrabit tibi : ideoque quod nascetur ex te sanctum, vocabitur Filius Dei (*Luc. i, 35*). *Dum ante ab angelo dictum est : Erit enim magnus, et Filius Altissimi vocabitur* (*Ibid., v. 32*), modo dicit : *Filius Dei*; ut quem antea Altissimum dixerat, modo Deum ostenderet. *De Joanne dicitur ab eodem angelo : Magnus erit coram Deo* (*Ibid. v. 15*). *Hic enim dicitur magnus ad distinctionem illius : et Filius Altissimi*; ut intelligeres, aliter Joannem magnum dici, aliter Jesum, qui prænuntiatus est ab angelo. Ille homo magnus, hic magnus Deus : idem ergo Filius Altissimi qui in utero virginali conceptus et natus est, idem homo in tempore creatus ex matre qui Deus est ante tempora natus ex Patre. Si igitur idem homo qui Deus, et idem Deus qui homo, designat omnis heretica pravitas, vel hominem hunc purum credere, vel servum prædicare conditionalem, vel in duos dividere filios, quem angelica adnuntiatio unum esse Dei filium prædictum, ut in tractatu præfati Bedæ presbyteri legitur (*cap. 4*), quem in *Lucæ* scripsit *Evangelium* : « *Homo, inquit, assumptus in Deum clarificatus est ea claritate quam Verbum Dei habuit priusquam mundus esset apud Patrem, hoc est, ut idem Filii nomen eamdem Christi personam homo Deus* [Beda, *homo cum Deo*] *plenus gratia et veritate sortiretur.* » Item in eodem tractatu : « *Ideoque et quod nascetur ex te sanctum, vocabitur Filius Dei.* Ad distinctionem nostræ sanctitatis Jesus singulariter sanctus nasciturus asseritur. Nos quippe, etsi sancti efficiamur, non tamen nascimur. Ille autem solus veraciter sanctus est, qui, ut ipsam conceptionem naturæ corruptibilis vinceret, ex commixtione carnalis copulae conceptus non est. *Sanctum, inquit, vocabitur Filius Dei.* Quid hic dicas, Nestoriane, qui beatam Mariam negans Dei esse genitricem, apertam niteris impugnare veritatem. Ecce Deum dixit superventurum, Dei Filium nascitum : Quomodo ergo aut Dei Filius Deus non est : aut quæ Deum edidit, quomodo θεότοκος, id est, Dei genitrix non esse potest? »

XIII. His et hujusmodi testimoniorum auctoribus suffulti nihil aliud de Christo credimus vel prædicamus, nisi illa quæ sanctissimi Ecclesiarum Doctores nobis tradiderunt, omnesque novitates vobiscum exsecantes et contradicentes omni doctrinæ,

A quæcumque hanc fidem de Christo Jesu a sanctis Patribus promulgataam subvertere nititur; nec nobis laudem quærentes, sed catholicam fidem defensiones, parati satisfacere, quantum nobis divina donaverit gratia, omni poscenti nos rationem fidei, credentes sanctorum Patrum testimoniis, et evangelicæ auctoritati, sensus nostros subjicientes; prædicantes verum Deum conceptum esse et natum Christum Dei Filium: dicente sancta synodo Chalcedonensi :

830 Sequitur Patrum nostrorum sententias, unum et euindem consitentes Dominum Jesum Christum, convenienter edocentes, perfectum eumdem divinitatem, et perfectum eumdem incarnatum Deum :

ut ipsa Veritas in *Evangelio* utrumque se dicit, et *Filium Dei et filium hominis*; ait enim cœco : *Tu credis in Filium Dei?* et interroganti quis esset, respondit : *Et vidisti eum, et qui loquitur tecum, ipse est* (*Joan. ix, 35, 36*). Item ubi ait : *Cum venerit filius hominis in maiestate sua* (*Luc. ix, 26*). Naturas in Christo duas consitentur, et duas operationes; unam tamen divinitatem, non duas. Sicut enim cum dicimus : homo vidit, non tamen totus homo vidit, sed oculi tantummodo : sic cum dicimus, Deus passus est, sed carne sola. Alia enim sunt opera in humano corpore capitis, alia pedum; nam unumquodque membrum habet et opus suum speciale, sed unum est corpus, et unus homo, in quo operantur caput et pedes, anima regente et vivificante. Aliter enim sentit livorem corporis, aliter animus verbum durum, tamen unus est homo : sic est unus Deus, qui passus est et non passus; passus est in humanitate, et non passus in divinitate. Unde et unus Filius Dei in una persona et duabus naturis digne pieque consistendus est. Sine Deo Verbo segregato carnis natura non est concepta in virginali utero; sed inefabiliter Dei Verbum unitum est carui, ut vere et inconfuse perfectus fieret homo : unde eum hominem simul et Deum constemur habentem in seipso utrumque, et naturam Verbi, qua Deus est, et naturam carnis, qua idem Deus homo est. Totus et perfectus Deus in homine, et perfectus homo in Deo : unus Deus et unus homo, etiam et unus Christus. Qui contra hujus fidei veritatem venire tentaverit, nullatenus catholicus, sed schismaticus aestimandus est.

LIBER QUINTUS.

I. Multis siquidem pretermissis quæ in libello tuo leguntur, quibus niteris affirmare, Dominum nostrum Jesum Christum Deum verum non esse, ad quæ, quantum nobis divina donaverat gratia, responderemus, tandem illo pervenimus, ubi destruis quod aedificasti, et consisteris quæ negasti. Jam nescio utrum subdola simulatione prioribus tuis sermonibus melius crederetur, quibus multimoda argumentatione veritatem impugnare probaris; aut cum diabolo timore perterritus nolens Christum Dei Filiū esse consisteris; cuius testimonium ubique ipsa

D Veritas recipere renuit, obmutescere eum præcipiens; quia tali laudatore ipse Dei Filius dignatus est prædicari. Dicis enim eumdem esse Filium Dei qui est et *filius hominis*, et *filium hominis* qui est Filius Dei, ut ex tuis verbis cognosci poterat : « *Qui illum, inquis, sibi ex utero matris, scilicet ab ipso conceptu in singularitate sue personæ ita univit atque conseruit, ut Dei Filius esset homini filius, non mutabilitate naturæ, sed dignatione : similiter et homini filius esset Dei Filius, non versibilitate substantiæ, sed in Dei Filio esset verus Filius.* » Nec

mirandum est si ab aliis in catholica professione dissentire probaris, dum tibi ipsi per vices discordare videris. In hac enim sententia tua catholicus estimari potuisses, si prius te ipsum in pravitate tui erroris non ostenderes. Dicis itaque, *ut in Dei Filio vero esset Filius; si est in vero Dei Filio Filius, qui est Christus, igitur et verus est Filius, quia in vero nihil potest aliud esse nisi veritas.* Et nullum habet locum **adoptionem in nativitate veritatis.** Unus est ergo Dei Filius Christus, Deus et homo verus et perfectus, *ut sepe dictum est.* Adjungis quoque: *non duo dii, quod contra temetipsum pugnare manifestum est.* Nam si duo dii non sunt, ergo non est in eo Deus verus, et Deus nuncupativus, sed est unus Deus verus, quia Deus veritas est, et non est simulatio in eo, sed totius fons veritatis.

II. Sequitur et altera in libello tuo sententia prioribus tuis verbis non conveniens. « *Ipsum, inquis, credimus verum et proprium Dei Filium, ac verum Deum, qui secundum formam Dei bis genitus est; primo videlicet de Patre sine carne absque matre: secundo vero ex matre cum carne sine Patre. Illum verum Deum ex utroque parente ineffabiliter genitum credimus, cui Pater per David loquitur: 831 Ex utero ante luciferum genui te.* » Paulo ante dixisti Christum duos habere patres. David scilicet naturalem, et Deum Patrem ex adoptione: hic vero, horum oblitus verborum, ais: *secundo vero ex matre sine patre. Quod utramque verum esse non poterit, ut duos habeat, et nullum habeat Christus, secundum quod homo est, Patrem.* Si ergo secundum tuam sententiam verus Dei Filius bis genitus est, et est verus Dei Filius in utraque nativitate, paterna scilicet et materna, quomodo potest fieri ut non sint duo filii ex matre nati; unus, quem tu asseris catholicæ voce verum esse Filium Dei; alter, quem tua perversitas verum non esse Filium Dei affirmat? Verum et non verum nullatenus unum esse potest; sic etiam verus filius, et non verus filius nullatenus unus esse poterit filius: nec Deus verus et Deus nuncupativus unus esse poterit: quia aliud est omnimodis veritas divinitatis, et aliud nuncupatio nuda deitatis, ut supra ostendimus in Moyse et cæteris sanctis; sed utrumque in una persona nullatenus esse poterit, quia alia est veritatis dignitas, alia nuncupationis largitas. **D** Quicunque vero hanc simulationem nuncupativæ vel appellativæ divinitatis, scilicet in humanitate Christi affirmare nititur, nullatenus Nestorianæ impietatis sive avaræ evadere poterit.

III. Ut autem hanc dualitatem personæ in Christo vitare te velle videaris, ponis exempli gratia hominem ex anima et corpore unum esse filium parentum suorum. « *Et licet, ais, ex Deo Deus, et homo ex homine in singularitate personæ, unus atque idem sit Christus Dei; sicut quicunque homo ex anima de celo creata, et carne ex utroque parente formatus est utrisque parentibus, patris sui videlicet et matris filius.* » Hoc itaque exemplum, si bene intellegatur a te, atque si te ipsum sagaciter considera-

A res, omnem erroris perfidiam destruere in te potuisse, tuamque intelligentiam revocare ad agnitionem veritatis valeret. Ex hac certe radice totius infidelitatis tue spinæ, ut videtur, succreverunt, quod tuo sensu impossibile videtur, filium aliter posse esse proprium, nisi ex natura parentum totus nascatur; non intelligens te ipsum esse filium proprium patris matrisque tue, licet nobilior natura quæ in te est, anima scilicet, ex illorum natura non esset generata, sed ex nihilo, ut asseris, creata. Quæ est hæc ab omni ratione aversa tuæ mentis excitas, qui in Dei Patris unico et proprio Filio esse non posse contendis, quod in te ipso esse nullatenus negare poteris? Si igitur ex anima et carne totus es proprius filius et verus parentum tuorum, quare non multo magis credis Deum omnipotentem verum et proprium Filium, ex Virgine natum in duabus substantiis Deum hominem, habere potuisse? Nunquid impotens est Deus in se perficere quod potens est in uniuscujusque hominis nativitate efficere? Aut ergo temetipsum divide in duos filios, proprium ex carne et adoptivum ex anima parentibus tuis, aut si hoc absurdum tibi forte videatur, concede Deo Patri ea lege, vel etiam potentiore, proprium et vere Filium ex Virgine natum habere potuisse, qua te vis tuorum parentum proprium esse filium; quamvis nullatenus adæquare possis illam ineffabilem Dei et hominis in una persona nativitatem, et convenientiam humanæ conditionis consuetudini. Aut te ergo naturalem nega filium esse ex animæ substantia parentum tuorum: aut Deo concede proprium ex virginali utero habere Filium; maxime quia talis unitas est in Deo et homine, ut sit una persona Dei hominisque, licet hominis sit proprie quod mortalis fuit, et divinitatis quod semper fuit. Et sicut te ipsum mortalem et immortalem esse non denegas, ita et Christus divinitate quidem immortalis, carne sola mortal is erat: quæ tamen ejus caro devicta morte (juxta veram et catholicam fidem) nunc etiam ad dexteram Patris collocata, et in divinitatis potentiam glorificata immutabiliter regnat in cœlis. De his jam superius me scio uberioris disputasse, tamen propter sententiæ hujus opportunitatem, hic aliquid respondisse in praesenti loco melius aestimavi; quia dum adversarius ea repetit quæ ante posuit, necessarium est ut repetitio quoque meæ responsionis occurrat, ne forte repeatat [F., reputet] nou habere quod contra eum dicatur.

832 IV. Igitur per latissimos sanctæ Scripturæ campos, quasi pœnitens aliqua a se superius bene prolata decurrens, querit sententias sacræ Scripturæ, quibus pristini erroris sectam affirmare valeat; sed dum non poterit invenire quod querit, pravitatis sue sensu sanctæ Scripturæ sententias interpretari non desistit: ut ex tribus Apostoli auctoritate sententiis intelligi potest. Ponit enim de mirabili, et ab ipsa Veritate laudata professione beati Petri principis apostolorum hujusmodi sensum, veluti ex suis verbis videri potest: « *Singulariter namque beatus Petrus apostolus in eo simul duas naturas in*

una persona, Deo sibi revelante, confessus ait : *Tu es Christus Filius Dei vivi* (*Matth. xvi, 16*). In eo enim quod ait : *Tu es Christus*, ad humanitatem ejus pertinet, in qua junctus est [*Forte*, unctus *es*] : id quod addidit : *Filius Dei vivi*, ad divinitatem ipsius, in qua essentialiter verus Filius Dei est, convenit. » Item ejusdem beati Petri principis apostolorum de Actibus apostolorum profert verba, ubi Cornelio et his qui cum eo erant verbum Dei prædicavit : « Qui rursus, inquit, de hujus humanitate sigillatim, sicut in Actibus apostolorum legitur, idem apostolus Cornelio et sociis ejus inter cætera evangelizans ait : *Jesum a Nazareth, quomodo unxit eum Deus Spiritu sancto, et virtute. Hic pertransivit bene faciendo, et sanando omnes oppressos a diabolo, quoniam Deus erat cum illo* (*Act. x, 38*). Non dicit : *Deus erat ipse*, sed, *Deus erat cum illo*. Nam si secundum veram professionem Deus verus esset homo ille susceptus a Verbo, nequaquam tantus apostolus auderet dicere : *Deus erat cum illo*, sed potius : *Deus erat ipse*. » Tertiam quoque sententiam beati Pauli prædicatoris egregii ponit, ubi ait : « *Quoniam Deus erat in Christo mundum reconcilians sibi* (*II Cor. v, 19*). Non ait, *Deus erat Christus*, sed, *Deus erat in Christo*, non quod Christus, homo videlicet assumptus, Deus non sit, sed quia non natura, sed gratia atque nuncupatione sit Deus. » Vide, videte, lectores, novum sanctæ Scripturæ interpretarem, qui nititur Deum disjungere ab homine assumptione; et ex uno Deo Redemptore nostro duos efficere deos, unum verum, alterum nuncupativum : et Christum, quem tota Ecclesia Deum colit et adorat, non solum illa quæ in terris in spe laborat, sed et illa quæ in cœlis jure gaudet, iste novus interpres hominem vult solitarium, juxta Nestorianam vel Pelagianam pravitatem, credi. Quod si verum est ut simulatio tantum sit nuncupativa nominis in Christo, non veritas divinitatis, quomodo est verus Redemptor humani generis? Si est imaginatio potestatis in capite, unde est veritas salutis in corpore? Igitur una his tribus sententiis responsio poterit esse, quæ una pravitate interpretantes [*F.*, *interpretatæ*] sunt ab illo. Nam si Christus idcirco non est Deus, quia dicit, *Deus erat in Christo*, item, *Deus erat cum illo*; quomodo intelligendus est Dei Filius Deus, qui ait : *Ego in Patre, et Pater in me*. Si igitur non est Deus, quia Pater in Filio est, nec Pater ipse Deus est, quia dicitur, *Filius in Patre*: Idem enim est, quod ait : *Ego in Patre, et Pater in me*; ac si dixisset : *Pater in Filio, et Filius in Patre*; at si verum est, Deum esse Filium, et Deum esse Patrem, tametsi ipsa Veritas diceret : *Ego in Patre, et Pater in me*: ergo et Christus est Deus, tametsi Apostolus dixisset : *Deus erat in Christo*. Itaque si secundum illius Felicis professionem Christus non est [*Suppl. Deus*], quia Apostolus ait : *Deus erat in Christo*, omnino duo sunt, Deus et Christus; et quarta introducitur persona, quod avertat ab omni corde Christianorum ille, de quo nobis est sermo, qui est Deus unus verus et summus Jesus Christus Dominus noster.

V. Sed quamvis habeamus abundanter probatissimos sanctorum Patrum sensus, qui aliter has intellexerunt sententias, pauca tamen proferamus ex multis. De confessione itaque beati Petri principis apostolorum ab ipsa Veritate valde excellenter laudata, illud respondeamus quod Cassianus (*Lib. iii de Incarn.*, cap. 12 et 13) antecessori istius Felicis Nestorio respondit : « Respondit enim, inquit, primus apostolorum Petrus, unus utique pro omnibus : idem enim unius habuit responsio, quod habet omnium fides. Sed primum decuit respondere, ut idem esset ordines responsionis qui erat honoris, et ipse antecederet confessione qui antecedebat ætate. Quid ergo ait? *Tu es*, inquit, *Filius Dei vivi*. Simplici interrogatione **B** ad confutandum te mihi, haeretice, uti necesse est. Dic mihi, quæso, quis ille fuerit cui Petrus ista respondit? Negare non potes Christum fuisse. Interrogo ergo, Christum quem vocas, hominem an Deum? Hominem absque dubio: hinc enim omnis est tua haeresis, quia negas Christum Filium Dei; ideo etiam Mariam Christotocon esse, non Theotocon dicis, quia Christi genitrix sit, non Dei. Quod ergo ad hæc respondit Petrus? *Tu es*, inquit, *Christus Filius Dei vivi*: Christum hunc, quem tu hominis tantum filium esse asseris, ille testatur Filium Dei. Cui vis, credimus, tibi, an Petro? Opinor, non es tam impudens, ut præponere te audeas primo apostolorum. Tamen, quid est quod tu non audeas, aut quemadmodum apostolum non despicies, qui Deum negare non metuisti? *Tu es ergo*, inquit, *Christus Filius Dei vivi*. Nunquid hoc ambigui aut obscuri aliquid in se habet? Simplex tantum est et aperta confessio, Christum Dei Filium prædicat. » Et paulo post : « Videamus quemadmodum confessionem ejus is, quem confessus est, approbarit : quia plus multo est, quam quod Apostolus dixit, si dictum illius Deus ipse laudavit. Dicenti ergo apostolo : *Tu es Christus Filius Dei vivi*, quid a Domino Salvatore responsum est? *Beatus es*, inquit, *Simon Barjona*, quia caro et sanguis non revelavit tibi, sed Pater meus qui in cœlis est. Si displaceat tibi apostoli testimonio uti, Dei utere. Laudando enim Deus quod dictum est, auctoritatem suam apostolico dicto addidit : ita ut etiam si dictum illud apostoli ore prodiit, suum esse hoc tamen Deus fecerit, qui probavit. *Beatus es*, inquit, *Simon Barjona*, quia caro et sanguis non revelavit tibi, sed *Spiritus Patris mei*, qui in cœlis est (*Matth. xvi, 17*). Ergo in apostoli dicto et *Spiritus sancti*, et præsentis Filii, et Dei Patris testimonium vides. Quid ergo amplius, aut quid simile requiris? Filius hominis laudavit, Pater interfuit, *Spiritus revelavit*. Apostoli ergo dictum totius divinitatis est testimonium, quia illius, necesse est, hoc dictum auctoritatem habeat, quo auctore [*Cass.*, quo actore] processit. *Beatus ergo*, inquit, *es Simon Barjona*, quia caro et sanguis non revelavit tibi, sed *Spiritus Patris mei*, qui in cœlis est. Ergo si Petro [caro et sanguis] non revelaverunt ista, et inspiraverunt, jam intelligi: qui inspiraverit tibi. Si illum *Spiritus Dei* docuit, qui Christum Dei filium esse confessus est, video quod

spiritu dæmonis doctus sis, qui negare potuisti. » VI. Beatus quoque Beda presbyter in tractatu *Itemum apostolorum* (Cap. x) de eo quod dicitur, *Deus erat cum illo*, ita exponit: « Deus, inquit, erat cum illo, id est, Pater cum Filio. Melius est enim sic intelligere, quam divinitatem Filii cum homine, quem assumpsit, cohabitarem significari, ne Christi personam geminare, et in Nestorianum dogma cadere videamur. » De eo vero quod Apostolus ait: *Deus erat in Christo*, Victor episcopus Capuae in Libro *Sponsorum*, capitulo vigesimo quarto a: « Deus, inquit, erat in Christo, utique Pater in Filio, quia in ipso complacuit omnem plenitudinem habitare divinitatis. In aliis quoque sanctis, et apostolis, vel patriarchis, sive prophetis, gratia fuit; in Christo autem tota divinitas habitavit, id est, tota jam plenitudo divinitatis corporaliter. » Idem quoque Victor episcopus ex opere Cyrilli b in Libro ad Augustas, cuius initium est: *Qui diximus prædicant et cœlesti mysterium.* « In quo, ait, habitat omnis plenitudo divina corporaliter, id est, substantialiter, non per participationem, neque per gratiam, quæ tribuitur adoptivis; sed corporaliter, id est, substantialiter, sicut in homine dicitur habitare ejus spiritus, cum non sit alius ipse homo et spiritus ejus. » Idem quoque doctor Cassianus c, qui et supra, de inseparabili divinitatis humanitatisque operatione, et mira communione rerum gestarum in Christo pro beatissima catholicæ fidei veritate ita disserit: « Confites enim, inquit, utramque substantiam carnis ac Verbi unum eundemque hominem, semper inseparabilem ab initio ipsius conceptionis, pia fidei credulitate suscipimus, et ex 834 tempore susceptæ carnis sic omnia dicimus quæ erant Dei transiisse in hominem, ut omnia quæ erant hominis in Deum venirent; et hac intelligentia Verbum factum sit caro: non ut conversione aut mutabilitate aliqua cœperit esse, quod non erat, sed ut potentia divina dispensationis Verbum Patris, nunquam a Patre discedens, homo proprie fieri dignaretur incarnatus. [Et non hominem cum Deo ita natum esse dicam, ut seorsum quæ Dei sunt soli Deo dem, et seorsum quæ sunt hominis soli homini reputem; et de uno Filio Dei non unum, sed facere incipiam duos Christos: quod a nobis jam ipse Dominus et Deus Christus avertat]: sed sic alterum unus fit verbum et caro, ut manente in sua perfectione naturaliter utraque substantia sine sui prejudicio, et humanitati divina communicent, et divinitati humana participant; nec alter Deus, alter homo, sed idem ipse Deus, qui et homo: et vicissim homo, qui et Deus Jesus Christus unus Deus. »

VII. Sed his atque hujusmodi, o Felix, firmissimis sanctorum Patrum testimoniosis superatus, ad alia erroris tui latibula confugere non desiisti, atque exinde

a Victoris Capuani liber Sponsorum ignoratur.
b S. Cyrilli exstat Oratio ad Reginas tom. IV Concil. Mansi pag. 803. Opusculi vero Victoris, cuius hic mentio sit, nemo alias meminit.

c Cassianus, libr. i de Incarn. cap. 5, ex Leporii confessione.

A serpentini oris venena sibilans, quæreris quomodo te ipsum perdere possis: quia unde bene prolata recte intelligentes filii acquisitionis salvantur, unde filii perditionis damnantur, dum bene prolata in sanctis Scripturis male interpretari non metunt. Proponit itaque sententiam de Epistola evangelistæ, ubi ait: *Advocatum habemus apud Patrem, Jesum Christum justum: et ipse est propitiatio pro peccatis nostris* (I Joan. ii, 1); quam ita a te intelligendam asseris: « Advocatus, inquis, idem est qui et mediator, qui propter culpas delinquentium apud Patrem intercedit, quod non de Deo vero, sed de homine assumptum sentiendum est. » Quare autem non intelligis, quod evangelista eumdem propitiatorem dicit, quem adlocutum, dum ait: *Advocatum habemus apud Patrem Jesum Christum justum: et ipse est propitiatio pro peccatis nostris.* In eo quod advocatum eum nominavit, hominem designat: quod vero propitiatorem, Deum demonstrat. Sed quomodo sit advocatus, qui Deus est, sanctorum Patrum testimoniis intellige. Augustinus enim d, cuius scepis mentionem faciunus, de hac interpellatione in libro contra Arium ait: « Solent plane Ariani ex interpellationis causa movere calumniam dicentes, quod qui interpellatur, interpellante sit major. Quibus respondendum est, Deum oblivionem non pati, ut pro illis commoneatur semper, quos ipse elegit: sed in hoc interpellat eum, dum semper Patri hominem quem suscepit, quasi nostrum pignus ostendit, et offert ut verus pontifex et æternus. » Sed et huic sensui illius quomodo beatus Beda presbyter (*In epist. I Joan. cap. ii*) in expositione ejusdem apostolicæ sententiae conveniat, audi: « Unigenito enim, ait, Filio pro homine interpellare est, apud coeternum Patrem seipsum demonstrare; eique pro humana natura rogasse, est eamdem naturali in divinitatis sue celsitudinem suscepisse. Interpellat igitur pro nobis Dominus non voce, sed miseratione. » Sciendum est vere, quod nequaquam modo Christi ad dexteram sedentis interpellatio apud Patrem talis intelligi debet, qualis hominis solet esse, dum quis apud judicem supplicibus verbis interpellat pro eo: sed patris Deo Patri humanitatis in Dei Filio dispensatio (*Locus corruptus*), interpellatio est pro humano genere. Nam et de Spiritu sancto legitur: *Ipse Spiritus postulat pro nobis gemitis inenarrabilibus* (Rom. viii, 26); non enim Spiritus sanctus ingemiscit; sed tropica locutione Apostolus usus significat, quod Spiritus sanctus nos ingemiscere facit. Ita dicitur et illum postulare pro sanctis, quia postulare facit sanctos: sic etiam et id quod de Christo dicitur, quod sit advocatus, altiori mystico [*Forte, mysterio*] intelligentem est, quam humana interpellandi consuetudo inter homines solet observari.

VIII. Deinde igitur ad Evangelium recurrens hu-

d Haec nonnihil differunt apud Cassianum.
e S. Aug. Ubi? Ignoro. Liber Augustini contra Arium pariter ignoratur. Sensum fortassis Augustini, non verba referre voluit Alcuinus ex Libro contra Sermonem Arianorum, cap. 19 et 25.

jusmodi proponis sententiam : *ais enim : « Nusquam enim in Evangelio Dei Filius pro nobis, sed tantum filius hominis traditus legitur. » Oblitus scilicet, quod ipse Dei Filius de sua traditione dixisset : 835 Sic enim dilexit Deus mundum, ut Filium suum unigenitum daret (Joan. iii, 16). Unigenitus itaque Filius Dei, est Filius qui datus est pro mundi salute. Quid vero est datus, nisi traditus ? Quod Apostolus quoque confirmat dicens : *Qui proprio Filio suo non peperit, sed pro nobis omnibus tradidit illum (Rom. viii, 32).* Item de eodem Dei Filio idem Apostolus ait : *Qui tradidit semetipsum pro nobis (Ephes. v, 2).* Quem etiam beatus Petrus Judæis prædicans Filium Dei non dubitavit testificari dicens : *Deus Patrum nostrorum glorificavit Filium suum Jesum, quem vos quidem tradidistis, et negastis ante faciem Pilati judicante illo dimitti : vos autem sanctum et justum negastis, et petistis virum homicidam dari vobis. Auctorem vero vitæ interfecistis, quem Deus suscitavit a mortuis tercia die (Act. iii, 13, 14, 15).* Quid in his verbis apostolicæ auctoritatis dubitationis esse poterit ? Filium Dei testificabatur, qui traditus est, et qui mortuus est, imo et resuscitatus. Addidit quoque : *auctorem vitæ.* Quis est ergo auctor vitæ, nisi Filius Dei, qui pro salute mundi vel a Deo Patre, vel a seipso traditus dicitur ? Sed et ab ipso traditore suo Iuda Iscariote, nec non et a Judæis traditus esse legitur. *Tradidit,* inquit beatus Petrus, *seipsum judicanti se injuste (I Petr. ii, 23), licet aliter a Deo Patre, aliter a Iuda traditore, et aliter a seipso, aliter a Judæis tradetur :* a Deo Patre propter salutem humani generis ; a traditore, ut suæ avaritiae impleret cupiditatem ; a seipso, ut paternæ voluntatis impleret effectum ; a Judæis, ut suæ perfidie ostenderent nequitiam. Nullatenus ergo dividi poterit filius hominis a Filio Dei, vel separari a filio hominis Filius Dei, quia unus est Filius Dei, Deus et homo, qui traditus est propter delicta nostra in mortem. Quod beatus Cassianus in libro, unde superius testimonia posuimus, veraciter ostendit ^a : *« Nec in tempore, inquit, admodum hominem quis a Deo in passione possit, vel Deum ab homine secernere ? Si enim ad tempus respicias, invenies semper filium hominis cum Dei Filio ; [b si ad passionem, invenies semper cum filio hominis Dei Filium] : ita scilicet unitum et individuum sibi Christum filium hominis ac Dei Filium, [ut] quantum ad vocem Scripturæ pertinet, ut nec homo separari a Deo tempore, nec ab homine Deus omnino valeat passione. » Hoc etiam symbolo catholicæ fidei consitemur manifeste. quod Jesus Christus Dei Filius unigenitus, natus de Spiritu sancto et Maria virgine, passus sit pro humana salute. Nequaquam ergo dubitare ullus catholicus debet, quin Dei Filius traditus esset pro mundi salute. Qui enim negat, Dei Filium traditum esse ad passionem, nullatenus catholicus esse poterit, sed a catholicæ fidei professione, in hac**

^a Cassianus libr. vi de Incarnat. cap. 22, ubi tex-tus ita habet : *« Nec in tempore admodum hominem*

A *obstinacione permanendo, alienus censendus est.* IX. Deinde vadis querendo quid de humanitate Christi, vel quid de divinitate specialiter in sanctis Scripturis dicatur; tandemque illuc pervenisti, ubi de die ultimi examinis idem Dominus loquitur; cuius diei cognitionem Christo, in quantum homo est, denegare laboras, ut ex tuis verbis agnoscipotest. *« Ipse est enim, inquis, qui secundum præscientiam Deitatis diem judicii per Prophetam prædixit : Dies enim ultiōnis in corde meo, annus redēptionis meæ venit (Isai. lxiii, 4).* Ipse nihilominus est propter humanitatis naturam, qui in evangelio secundum Marcum protestatur : *De die autem illa et hora nemo scit, neque angeli cœlorum, neque Filius, nisi Pater solus (Marc. xiii, 32).* *» Hanc vero sententiam, qua Marcus evangelista Filium diem judicii ignorasse dixit, longe aliter sancti Patres intellexerunt quam tu assiseris intelligendam. Beatus quippe Hieronymus in Commentario Matthæi (cap. xxiv, vers. 36), simul et Beda presbyter in tractatu Marci evangelistæ (cap. xiii), hujus sententiæ intelligentiam ita exposuerunt : *« Causa igitur, inquit, reddenda est, cur ignorare dicitur. Apostolus scripsit de salvatore : In quo sunt omnes thesauri sapientiae et scientiae absconditi (Coloss. ii, 3).* Sunt ergo omnes thesauri in Christo sapientiae et scientiae absconditi. Quare absconditi ? Post resurrectionem interrogatus ab apostolis de die judicii, manifestius respondet : *Non est restrum sciare tempora et momenta, quæ Pater possit in sua potestate (Act. i, 7).* Quanlo dieit, *Non est restrum, ostendit, quod ipse sciat, sed non expedit nosse apostolis, ut semper incerti de adventu 836* judicis sic quotidie vivant, quasi die alia [Beda, die illa] judicandi sint. *» Si ignorat diem judicii, quomodo verum est, quod ante dixit : Omnia tradita sunt mihi a Patre meo (Luc. x, 22) : si diei ultimi cognitio non est ei tradita, nullatenus omnia tradita sunt illi a Patre. Sanctus quoque Augustinus in libro de sancta Trinitate capitulo xii (Num. 23), horum Christi verborum sensum per tropum, qui apud grammaticos metonymia dicitur, explanat. *« De die vero et hora nemo scit, neque angeli in cœlo, neque Filius, nisi Pater.* Hoc enim nescit, quod nescientes facit : id est, quod non ita sciebat, ut tunc discipulis indicaret : sicut dictum est ad Abraham : *Nunc cognori, quod times Deum (Gen. xxii, 12)* : id est, nunc feci ut cognosceres, quia et ipse sibi in illa tentatione probatus innotuit. *» Dic, rogo, quomodo fieri possit, ut judex omnium diem judicii nesciat ; et qui merita singulorum dijudicaturus est, tempus ejusdem examinis ignoret ? De cuius judicaria potestate multo ante in psalmis prædictitur : *Deus noster tunc, dicit Propheta, manifestius veniet : Deus noster tunc non silebit. Ignis in conspectu ejus ardebit, et in circuitu ejus tempestas valida : adrocavit cœlum de sursum, et terram discernere populum suum (Psal.****

quis a Deo ; nec in passione possit Deum ab homine discernere, etc. »

^b Uncis inclusa ex Cassiano suppleta sunt.

XLIX, 3, 4). Et ne ignorares, de quo hoc dixisset, paulo ante idem propheta præmisit: *Deus deorum Dominus locutus est (Ibid., 1).* Quis est ille, Deus qui est deorum, idem [Forte, id est] sanctorum Dominus? Vere omnino Christus, qui judicaturus est vi-vos ac mortuos. Hujus locum prophetiae beatus Cassiodorus (*In Psal. XLIX, 1, 3*) ita declarat: « Ne quis, ait, incarnationem Christi mediocri crederet estimatione poscendam [pensandam], potentia ipsius ante prædictor, ut totius incredulitatis pravitas afferatur. Dii dicuntur, qui bonis conversationibus gratiam supernae majestatis accipiunt; sicut in alio Psalmo ait: *Ego dixi, dii estis, et filii excelsi omnes (Psal. LXXXI, 6)*. Ita ergo filii dicuntur, sicut et dii, quod utrumque gratia præstat, non natura. Deus autem deorum est Christus. » Et paulo post: « Deus enim Christianorum ipse est Deus deorum, qui et manifeste veniet et non silebit. Silet enim modo, cum mundus iste peragitur; cum blasphemias et sacrilegas voces sententiae sue severitate, non damnat, sed ad conversionis medicina cum sustinet peccatores. Tunc autem non silebit, quando sceleratis dicturus est: *Ite in ignem eternum, qui paratus est diabolo et angelis ejus (Matth. XXV, 41)*. » Hanc vocem metuat, qui modo nuncupativum et non verum Deum audet blasphemare Christum, qui judicaturus est mundum. Nuncupatio non est in veritate potestatis, sed in nominis tantummodo dignitate. Qui vocabit cœlum et terram ad judicium, non solum nomen habet deitatis, sed etiam potestate in divinitatis. Et ne forte contradicas filium hominis esse, qui habet potestatem judicandi, audi quid idem ipse de sua potestate diceret; ait enim: *Cum venerit filius hominis in majestate sua, et omnes angeli cum eo, tunc sedebit in sede majestatis sua (Matth. XXV, 31)*. Filium hominis testatur in sua majestate, et non in aliena sessurum et judicaturum, et regnum sui Patris sanctis daturum. Et alibi: *Pater non judicat quemquam, sed omne iudicium dedit Filio, ut omnes honorificant Filium, sicut honorificant Patrem*. Et paulo post: *Sicut Pater habet vitam in semetipso, sic dedit ei Filio vitam habere in semetipso, et potestatem dedit ei iudicium facere, quia filius hominis est (Joan. v, 25, 26, 27)*. Et ne ulla cuiilibet dubitatio remansisset, quis sit qui in iudicio omnibus videbitur, idem beatus Joannes evangelista propheticum in eo testimonium implendum esse prædictit; ait enim: *Hoc totum factum est, ut impleretur quod dictum est: Os non comminuetis ex eo*. Et iterum alia Scriptura dicit: *Videbunt, in quem transfixerunt (Joan. XIX, 36)*. Vulnera itaque veri corporis verum filium hominis ostendent, qui judicaturus est mundum: forma illa erit iudex, qua stetit ante judicem. Talis apparebit iudex, qualis videri possit ab eis, quos coronatus erit, et ab eis, quos damnaturus. Hoc ipsum quippe Christo ascidente angeli apostolis prædixerunt: *Sic, inquit, veniet quemadmodum sidistis eum euntem in cœlum (Act. i, 11)*, id est, in eadem forma carnis atque substantia veniet iudica-

A turus. Hunc eumdem filium hominis, qui judicaturus est mundum, Apostolus Deum non dubitavit nominare. Ait enim: *Alioquin quomodo Deus judicabit hunc mundum (Rom. III, 6)*? et alibi: *Exspectantes beatam spem et adventum gloriae magni Dei (Tit. II, 13)*.

837 X. In sequentibus quoque ponens verba ipsius Veritatis, quibus cuidam diviti se bonum magistrum nominanti respondit: *Nemo bonus, nisi solus Deus (Luc. XVIII, 19)*, valde inconveniente, quantum ad intelligentie pertinet rationem, verba, o Felix, conjungis: « Ipse enim, ait, qui essentialiter cum Patre et Spiritu sancto solus est bonus, est Deus, ipse in hominem licet sit bonus, non tamen naturaliter a semetipso sit bonus. » Quomodo stare potest quod dicens, ipse est bonus, et ipse naturaliter non

B est bonus in semetipso? Si per se bonus est cum Patre et Spiritu sancto, utique et ipse bonus est in hominem assumpto, non aliena bonitate, sed naturali, quia ipse, et ipse unam significaverit personam, et non est alter in Patre, alter in homine. Mirandum vero est, quomodo magister velis fieri fidei catholice, dum verborum, per quae fides dicitur, rationem ignore. *Corde enim creditur ad justitiam, ore autem confessio fit ad salutem (Rom. X, 10)*. Recte itaque in corde credita convenientibus veræ fidei verbis proferri debent. Sed quedam mihi suspicio ex antecedentibus fidei iuxta professionibus, in his nascitur verbis, te quidem velle asserere Dei Filium, qui hominem assumpt, naturaliter bonum esse; hominem vero, quem assumpit, naturali bonitate bonum non esse. Sed iste

C tuus sensus multis sanctæ Scripturæ testimoniis destruitur. Primo cum legitur in Genesi, Deum omnia bona condidisse. Et cum per singulos dies dicit Scriptura: *Vidit Deus, quod bonum esset*. et duni omnia, sicut Deo placuit, creata sunt, dictum est: *Et erant omnia valde bona (Gen. I)*: quomodo ille homo solus, quem ipse Dei Filius, per quem facta sunt omnia, sibi in unitatem personæ in utero virginali assumpit, non erat naturaliter bonus? Quid in illa mirabili de Spiritu sancto et virginali conceptione et nativitate, peccati fuit, ut bonus naturaliter non esset, qui natus est, et Dei Filio in unitatem personæ in ipso exordio incarnationis adjunctus? Omnis quidem rationalis creatura aut bona est, aut mala. Legitur enim in Scripturis sanctis angelus bonus, et angelus

D malus: similiter et bonus homo, et malus homo ipsa Veritate attestante: *Bonus homo de bono thesauro cordis sui* (etsi omnia, quæ Deus creavit, erant valde bona) profert bona: et *malus homo de malo thesauro cordis sui profert mala (Luc. VI, 45)*. Sed omnia quæ bona sunt, naturaliter bona sunt, Dei gratia agente; quæ vero mala sunt, ex proprio vi-tio mala efficiuntur. Quomodo ergo Christus naturaliter non est bonus, per quem omnes, qui-cunque boni sunt, efficiuntur boni? Sic ut enim prope [Forte, proprie] est Filius Dei, per quem omnes sancti Filii Dei facti sunt: ita naturaliter bonus est, sine quo nullus naturaliter poterit esse bonus. Hujus vero responsionis Christi verba beatus Hiero-

nymus presbiter longe aliter, quam tu asseris, intel- ligi voluit, ut in prescripto ejus Commentario, unde paulo ante posuimus testimonia, legitur ^a : « Quid me, inquit, interrogas de bono? unus est bonus Deus (*Math. xix, 17; Luc. xviii, 19*). Quia magistrum vocaverat bonum, et non [Deum] vel Dei Filium confessus erat. Dicit, quemvis sanctum hominem comparatione Dei non esse bonum, de quo dicitur : *Confitemini Domino quoniam bonus* (*Psal. cv, 1*). Ne quis autem putet in eo, quod bonus Dominus [*Hier.*, Deus] dicitur, excludi a bonitate Filium Dei, legimus in alio loco : *Pastor bonus ponit animam suam pro oib[us] suis* (*Joan. x, 11*). Et in Propheta : *Spiritum bonum, terramque bonam* (*Psal. cxlii, 10*). » Non igitur Dominus se bonum negat, sed esse Deum significat. Non se magistrum bonum non esse, sed magistrum absque Deo nullum bonum esse testatur.

XI. Addis quoque, ubi de duabus in Christo naturis disputas : « Impassibilis in suo, passibilis in alieno. » Quid dicis alienum esse Dei Filio in illa susceptione humanitatis, quæ in tantam et tam mirabilem cum Dei Filio assumpta est unitatem, ut unus esset, non duo? Idem in divinitatis gloria, qui et in humanitatis inscrimata, idem Filius Dei, qui et filius hominis, et idem filius hominis qui et Filius Dei. Quid enim in hac coniunctione alienum potuit esse, dum omnes actus utrarumque in Christo naturarum unius propriæ esse personæ certum habetur, sicut beatus Leo papa ait ^b : « Salva naturarum proprietate, **838** quæ Dei sunt, transierunt in hominem, et omnia quæ hominis sunt, transierunt in Deum : ut nec sine homine agerent divina, nec sine Deo agerentur humana. Hoc enim catholica fides tradit, hoc exigit, ut in Redemptore nostro duas noverim [S. Leo, noverimus] convenisse naturas; et manentibus proprietatibus suis, tantam factam unitatem utriusque substantiæ, ut ab illo tempore, quo

^a S. Hier. in cap. xix *Math.* ex quo textum maxime in priori Editione corruptum emendavimus.
^b S. Leo Serm. 54, cap. 1 et 2

A sicut humani generis causa poscebat, in beatæ Virginis utero *Verbum caro factum est*, nec Deum illum sine hoc, quod homo est; nec hominem sine hoc liceat cogitare, quod Deus est. Ostendit [S. Leo, exprimit] quidem sub distinctis actionibus veritatem suam utraque natura, sed neutra se ab alterius coniunctione disjungit. Nihil ibi ad invicem alienum vacat. Nec enim divinitas animæ tristanti ante passionem desuit, nec carnem suam in passione deseruit. Tota est in maiestate humilitas, tota in humilitate maiestas. Idcirco ejusdem est contumelia, cuius est gloria. Ipse est in inscrimata, qui et in virtute: idem mortis capax, et idem vitor est mortis. Suscepit ergo totum hominem Deus, et ita se illi atque illum sibi misericordiæ et potestatis ratione B conseruit, ut utraque alteri natura inesset, et neutra in alteram a sua proprietate transiret. Atque ita in carne propria passus est impassibilis Deus, ut veram passionem, quia voluit, in vera carne sentiret, et in divinitate prorsus impassibiliter permaneret; nec aliis semetipsum morti dignatus sit tradere, quam ille qui sic potuit moriens de morte vincere, ut mortem non possit in morte sentire. Sed hoc certissimum scire debemus, quod quidquid vexationis et passionis furor intulit impiorum, non de necessitate toleratum, sed de voluntate susceptum est : veluti etiam omnia, quæ inscrimatis sunt humanæ, voluntate sustinuit, non necessitate, ut famem, siti, lassitudinem, somnum, irrisiones, crucem, atque ipsam mortem. Ita et ille C qui propria voluntate mortuus est, propria quoque potestate surrexit, veluti ante prædictum : *Potestatem habeo, inquit, ponendi animam meam, et potestatem habeo iterum sumendi eam* (*Luc. x, 18*). Sed ne longior libelli series legendi fastidium generet, hic sit hujus sermonis finis, ut ab alio liberius oratio sumat exordium:

LIBER SEXTUS.

I. Sublimitas apostolicæ auctoritatis terrere debuissest istos adoptionis vel nuncupationis in Christo assertores, ut tacerent, quia omnes novitates vocum et cunctis catholice fidei filiis sub anathematis terrore interdixit. Sed obstinata mens nullis terroribus emollita a suæ perversitatis pertinacia compescitur: nec eorum damnationis exemplo semetipsa corrigere curat, qui anteactis temporibus novas sectas, apostolicisque traditionibus contrarias introducere tentarunt. Ita enim nec isti, qui hujus novitatis introductiones fidei catholice inserere conantur, se pia humilitatis consideratione in ovile universalis Ecclesiæ per apostolicæ fidei unitatem revocare student. Et non solum male prolata salubriore sensu emendare non consentiunt: verum etiam pejoribus se denuo implicare erroribus contendunt. Unde et iste Felix infeliciore audacia, cum cæteris suæ perversi-

tatis sequacibus Christo injicere tentat debitam servitutem, et conditionale servitum, et necessariam subjectionem: dum omnes evangelicæ paginæ et apostolicæ Scripturæ Christum veraciter Dominum Deum, atque Dei Filium apertissime testentur. Nec alicui sanctorum tanta fuit latitudo sapientiæ, vel tam grandis eloquentiæ copia, ut laudem et gloriam Christi Dei digne potuisset enarrare. Superat enim omnem sensum rationalis creature hujus mysterii magnitudo, quo Dei Filius in unitatem personæ humanitatis naturam assumere dignatus est, et inter homines homo Deus conversari, qui in cœlis adoratur ab angelis: quem infelix istorum temeritas debitorem servitutis, vel conditionalem servum nominare non metuit, et infima quæque nomina Redemptori nostro Christo, Deo vero, et Regi regum, Dominoque dominantium imponere presumit.

839 II. Quod ergo Christum debite servitatis necessitate constrictum esse contendis, dic, oro, in quo fuit Christus Jesus debitor? Nunquid peccata habuit, ut propter peccatorum remissionem debitor esset? Nam in oratione Dominica debita pro percatis ponuntur, sicut solemus ex praecepto ipsius Veritatis quotidie decantare: *Et dimitte nobis debita nostra, sicut et nos dimittimus debitoribus nostris* (*Matth. vi, 12*). Unde et mox hujus petitionis recapitulatio subjecta est, ut intelligeretur de quibus dixisset debitis; ait enim ipse Dominus in sequentibus: *Si dimiseritis hominibus peccata eorum, dimitteret et vobis Pater vester caelestis delicta vestra* (*Ibid. 14*). Et ubi unus evangelista dicit, *debita nostra*, ibi alius pro debitis peccata ponit (*Luc. xi, 4*). Si debitor est, qui et peccator, ut evangelica veritas ostendit, nunquid et Christus peccator fuit, ut debitor dici debeat? nisi forte alio sensu debitorem velis intelligere, anteacti videlicet cuiuslibet beneficii remuneratorem. Quid vero hoc ad Christum pertinet? Nunquid primum fuit homo, et postea singulari beneficio in Dei Filiu electus esse credendus est, ut huius tanti beneficii debitor sit dicendus? Nonne in ipso conceptu Deus verus, et verus Dei Filius conceptus est, et in unam personam duarum naturarum facta est conjunctio in ipso utero virginiali, in tanta persone unitate, ut hic totus, qui ex virgine natus est, indubitanter dici et credi debeat unus verus Filius Dei. Alibi quoque in Evangelio de debitore dicitur: *Duo debitores fuerunt feneratori uni* (*Luc. vii, 41*). Qui hic debitores intelligendi sunt, nisi enjuslibet pacti necessitate in jus feneratoris obligati, quorum nihil de Christo pia credulitas permituit dici? Quod vero ait conditionalem essa servum: quae catholicæ aures hanc tantam blasphemiam patienter sufferunt, ut Christus Dei Filius vili conditione et dura necessitate servus sit Dei Patris? Quid ergo dicens de Adam? Utrumnam libera dignitate, vel servili conditione creatus sit? Si conditionalis servus formatus est, quomodo est imago Dei? Vel ubi liberum illius arbitrium fuit? Aut quid peccando perdidit? Si vero liber, quomodo non multo magis Christum, in quo Divinitas omnis corporaliter habitabit, libera dignitate, non conditionali servitio ex regre nobilitatis Virgine natum esse credendum est? De qua beatus Augustinus in epistola ad Consentium (*Epist. 205, n. 12*): « Assumpsit, inquit, formam servi non Domini mutando naturam: impertiendo Dominicam gratiam, non servilem injuriam retinendo. » Si enim humana nobilitas aliquis momenti vel dignitatis estimanda est, quis nobilior ipso David rege, ex cuius semine quasi de regalis excellentiae nobilitate, non servilis conditionis ignobilitate Christus nasci voluit in mundo? Si ad Deitatis gloriam respicis, quis Dei Filio, qui in duabus naturis unus atque idem fuit, æquari potest, cui nullus sanctorum nobilitate vel libertate, vel protestatio privilegio similis esse potuit vel poterit?

* S. Greg., lib. xxiv Moral., cap. 3.

III. Illud vero quod ait: « Illum propter ignorabilitatem beatæ Virginis, quæ se ancillam Dei humili voce protestatur, servum esse conditionalem. » Si sanctissima virgo Maria juxta vestram temeritatem conditionalis est ancilla, ergo nobilior est Sara secundum apostolicam auctoritatem, de qua ipse doctor gentium ait: *Scriptum est quoniam Abraham duos filios habuit, unum de ancilla, et unum de libera. Sed qui de ancilla, secundum carnem natus est, qui autem de libera, per reprobationem* (*Gal. iv, 22, 23*). Et post pauca: *Sed quid dicit Scriptura? Ejice ancillam et filium ejus: non enim haeres erit filius ancillæ cum filio liberæ* (*Ibid. 30*). Forte et apud te nobilior est Isaac quam Christus: qui apostolico testimonio de libera natus est, et Christus, ut tu asseris, de ancilla: et omnes adoptivi filii Dei qui sunt, nobiliores sunt Christo, de quibus ipsa Veritas ait: *Jam non dicam vos servos, sed amicos* (*Joan. xv, 15*). De quibus et prædictor gentium ait: *Misit Deus spiritum Filii sui in corda nostra clamantem, Abba pater. Itaque jam non est serrus, sed Filius. Quod si Filius, et haeres per Deum* (*Gal. iv, 6*). Dicis: « Quid potuit de ancilla nasci, nisi servus? » Ubi est intelligentia tua, non considerans multa animantium genera de terra esse creati, et plurimas piscium diversitates ex aquis? Quomodo ergo viva creatura ex insensibili, id est, terræ vel aquæ natura creari poterit? Vel quomodo de pulvere arbores, et de **840** arboribus flores fructusque nascuntur? Quare non tantum pulvis de pulvere nascitur, sicut dicens, quod nil potuisset de ancilla nasci, nisi servus. Ut interim beatam Virginem ancillam nominari non negemus: tamen concede omnipotentiæ divine, ut de ancilla creare potuisset quidquid placuisset suæ ineffabili voluntati, nisi forte resistere velis Deo, [et] dicere: Nolo ut aliud fiat de ancilla, nisi servus tantum. Sed revera Christus solus, ut Propheta de eo præcecinis, *inter mortuos liber est inventus* (*Psalm. lxxxvii, 5*). De qua ejus gloria libertale beatus Cassiodorus in octagesimi septimi psalmi expositione ita dicit: « Solus enim *inter mortuos liber* fuit, qui ipsa quoque mortis claustra confregit: ipsius enim tantum mors libera, quia et voluntaria fuit, *qui potestatem habebat ponendi animam suam, et iterum sumendi eam* (*Joan. x, 18*). Sed cum ille esset *inter mortuos liber*, testimatus est tamen a dementibus, *sicut vulnerati dormientes*. Vere autem dictus est Dominus liber, qui humanum genus liberare dignatus est: quem tu forte per hoc servum esse conditionalem calumniaris, quia humanum genus benevolæ suæ obedientiæ subjectione liberum fecit. Sed longe alter beatus Gregorius in libro Moralium vigesimo tertio de hac eadem liberatione, unde loquuntur, sentire probatur: « Mediator, inquit, Dei et hominum Jesus [Greg., homo Christus Jesus] in eo misericordia redempto [Idem, pro redempto] ho-

mine dicit Patri : *Libera eum, ut non descendat in corruptionem* (*Job. xxxiii, 24*). Sicut jam supra diximus, dicere ejus est, *libera eum hominem, naturam hominis assumendo liberam demonstrare*. Ex ea quippe carne, quam sumpsit, etiam hanc ostendit liberam, quam redemit. Quæ redempta videlicet caro nos animus, qui cognitione nostri reatus astrin- gimus, sed mediatoris tanti æquitate liberamus, si- cut ipse ait : *Si vos Filius liberaveritis, vere liberi eritis* (Joan. viii, 36). Nimium ergo ingratus videris liberatori humani generis, qui toties illum non so- lum absolute servum appellari dicis, sed etiam conditionalem servum testaris : dum conditio duram demonstrat necessitatem, non voluntarie munus obedientiae.

IV. Sed et inter cetera, quo te vagus sermonis tui perduxit textus, etiam ad hoc pervenisti, ut di- ceres duo genera servitutis esse in creaturis, volun- tarium quidem et conditionale, *quia, inquis, omnis crea- tura voluntate seu necessitate per conditionem Deo servit*. Plane omnibus patet inferius esse genus conditionalis servitii, quam voluntarii, sub quo in- fieriori gradu impia temeritate Christum computare non times, sicut ex tuis verbis jam antea ostendim- us. In quo etiam gradu conditionalis servitii, et ipsum diabolum posuisti dicens : *Nempe diabolus servus Domini per conditionem in sacro eloquio dici- tur*. Videsne quo te tua perduxit blasphemia, ut uno servitutis genere Christum et diabolum computares : nec ipsum Christum consentires voluntaria obedientia Deo Patri deservire in diebus carnis sue, sed conditionali necessitate, sicut diabolum. Nunquid non omne Christianorum servitium in religione sanctitatis voluntarium Deo debet esse magis quam necessarium, in tantum, ut voluntas bona pro opere computetur, quamvis aliqua necessitas operandi impedit faciliatem? Addis autem de conditionali servitio Christi haec verba : « Nunquid, quis, qui ve- ras est Deus, fieri potest, ut conditione servus Dei sit, sicut Christus Dominus in forma servi, qui multis modis multisque documentis, non tantum propter obedientiam, ut plerique volunt, sed etiam et per nataram servus Patris et filius ancilæ ejus ve- rissime edocetur? » Qnod quam absurdum sit, et quam ineptum hoc de Deo, Dei Filio, ac Deo vero credere piorum ignorat nemo. Inter pioresque, quos dicas Christum putare per obedientiam servire Deo, unus quidem est beatus Paulus apostolus doctor gentium, qui ait : *Christus obediens Patri usque ad mortem, mortem autem crucis, propter quod et Deus exaltavit illum, et dedit ei nonen quoniam est super omnes nomen* (*Philip. ii, 8, 9*). Servas conditionalis non est super omne nomen, sed inferius filiorum nomine. Nam quippe nomen omnibus sanctis, Dei dignatione, communiter donatum est. Quod est ergo illud excellentius ceteris nominibus nomen, quod Christo a Deo Patre, Apostolo teste, datum esse diciatur, propter obedientiae mirabile **341** sacramen- tum? Illud scilicet quod idem ipse subjungit dicendo :

A *Ut in nomine Iesu omne genu flectatur, caelestium, terrestrium et infernorum, et omnis lingua confiteatur quia Dominus Jesus Christus in gloria est Dei Patris. Si jam Dominus est Jesus, et in gloria est Dei Pa- tris, id est, in divinitatis majestate, ergo conditiona- lis servitii jugo subjectus non est : sed, sicut beatus Petrus princeps apostolorum ait : *Profectus est in caelum subjectis sibi angelis et potestatibus, et virtuti- bus* (*I Petri iii, 22*). Quod et idem Psalmista pra- dixit multo ante futurum : *Minuisti, inquit, eum paulo minus [ab angelia], gloria et honore coronasti eum, et constituisti eum super opera manuum tuarum. Omnia subjecisti sub pedibus ejus* (*Psal. viii, 6*). O gloriosa obedientia et omni laude dignissima, quæ in tantam divinæ potestatis magnitudinem sublimata*

B est, ut super omnia opera Dei constitueretur! Item in alio loco Apostolus : *Qui tradidit semetipsum pro nobis oblationem et hostiam* (*Ephes. v, 2*). In hoc quod ait : *Tradidit semetipsum, voluntarie se traden- tis, non conditionaliter servientis, ostendit affectum*. Dicit et ipse David sub persona sanctorum : *Volun- tarie sacrificabo tibi* (*Psal. lxxii, 8*). Si sanctorum sa- crificia, quæ Deo solent offerri, voluntaria fuisse manifestum est, quomodo hoc solum sacrificium, in quo totius mundi redemptio est, per necessitatem fuisse calumniaris, et non per voluntatem sponte seipsum offerentis? sicut idem propheta in alio loco ait : *In capite libri scriptum est de me, ut facerem vo- luntatem tuam : Deus meus volui, et legem tuam in medio cordis mei* (*Psal. xxix, 8*). Volui, inquit, non sicut tu soles dicere, debui (debita enim ait ser- vitute) Deo Patri subjectus esse. Quod quidem debitum et conditionale servitium, ab ecclesiastica fl- dei veritate omnino alienum esse cognoscitur. Catho- lica namque veritas in uno eodemque Christo credit, et confitetur secundum veram substantiam carnis, om- nes ejusdem carnis, quas suscepit, infirmitates vo- luntarias habere Christum, cum voluisse. Volunta- riā namque et veram famem, cum esuriens ad fi- culneam veniret : voluntariam et veram lassitudinem, cum fatigatus ab itinere super puteum sederet ; vo- luntariū et verum vulnus, cum militis lancea per- cuteretur in latere ; voluntariam et veram mortem, cum inclinato capite spiritum emisisset in cruce ; voluntariam et veram sepulturam, cum eum deposi- tum de ligno Joseph et Nicodemus ponerent in se- pulcro. Has enim carnis omnes infirmitates volun- tarias quidem, sed veras Christus habuit, quia car- nis humanae naturam, non in phantasia, sed in ve- ritate suscepit : quas passiones propterea in carne voluntarias habuit, ut in veritate carnis divina po- tentia, quæ nec pati potuit aliquando nec mori, in- firmitatem mortemque devinceret, et carnem suam in vitam virtutemque perpetuam suscitaret : quem tu- xeris subjectionis servitio opprimere niteris.

C V. Dicis enim : *Vel in qua forma erit in aeternum Patri subditus, si inter divinitatem ejus et humani- tatem nulla differentia nullaque inaequalitas fore cre- datur?* Dicimus itaque in Deo Christo duas esse

naturas proprias : unam Deitatis, alteram humanitatis ; sed veram in eo divinitatis gloriam credimus, ne nesciatio sola divinitatis, a te nuper introducta in humana natura a divinitatis natura segregata, in duos deos fidei nostrae dividet professionem ; sed unum confitemur Deum sub proprietate duarum naturalium, qui judicaturus est mundum forma, quae videri poterit ab omnibus, quam conditionaliter tu asseris Deo Patri subjectam esse : aliter intelligens illius formae subjectionem ; aliter sancti Patres, qui altiori sensu, sancto Spiritu inspirante, divina mysteria considerare valuerunt. Sed beati Hilarii clarissimi doctoris tantummodo sensus sufficiat ponere, qui undecimum catholicæ fidei libellum maxime de hujus subjectionis disputatione consummavit : « Primum, inquit (Lib. xi de Trinit., num. 30), communem sensum interrogo, utrum nunc subjectionem ita intelligendam putemus, tanquam servitutem dominatui, aut infirmitatem virtuti, aut honori inhonorationem, contrariis qualitatibus subditis [Hil., subdimus], ut Filius secundum haec Deo Patri sit dissidentis naturæ diversitate abjectus [Hil., subjectus] ?... Nihil itaque nunc aliud subjectionis significatio, quam mysterii demonstratio est. » Et in sequentibus (Num. 40) : « Non alia itaque subjectionis causa **842** est, quam ut omnia in omnibus Deus sit, nulla ex parte terreni in eo corporis residente natura, ut ante in se duo [Hil., duos] continens, nunc Deus tantum sit ; non abjecto corpore, sed ex subjectione translato ; neque per defectionem abolito, sed ex clarificatione mutato. Acquires sibi eo [Hil., Deo] potius hominem, quam Deum per hominem amittens : subjectus vero ob id, non ut non sit, sed ut omnia in omnibus Deus sit. » Item paulo post de clarificatione ipsius Domini, qua se in Evangelio testificatur clarificandum esse, ubi ait : *Nunc glorificatus est filius hominis* (Joan. xiii, 31). « Glorificavit eum, inquit (Num. 42), in se Deus, ut quia jam regnat in gloria, quæ ex Dei gloria est, ipse exinde in Dei gloriam transeat ; in se enim Deus eum glorificavit, id est, in ea natura qua Deus est quod est, ut sit Deus omnia in omnibus. » Item paulo post (Num. 43) : « Et in eo quidem, ait, quanta furoris haeretici stultitia est, desperare id de Deo, quod humanis suis pedibus [Leg., spebus] blandiatur : et quod hominem [Leg., in homine] Deus potens sit, id in seipso efficiendo infirmus sit. Nec sermo istud, nec sensus rationis capax loquitur, ut naturali quadam necessitate ad consilendum nobis obnoxius Deus sibi nihil afferre beatitudinis possit : non quod profectu egeat, qui imperficitur naturæ virtutisque sit, sed quia per dispensationem et sacramentum magnæ pietatis, qui Deus est, et magnus est [Hil., et homo est], impotens sibi sit, hoc est, totum præstare [Hil., hoc se totum præstare] quod Deus est, cum nobis non ambigue

S. Hilarius lib. ii de Trinitate, cap. 27. De vera ratione hujus textus apud S. Hilarium etiamnum, herent eruditii critici, antiquis codicibus discrepantibus. De qua re hic nobis non licet esse prolixus.

A indulturus sit id quoque nos esse quod non sumus. Vitæ enim humanæ atque mortis finis est resurrectione : et certissimum militiae stipendium est incorrupta æternitas, non ad pœnæ perseverantium manens, sed ad perpetuæ gloriæ fructum jucunditatemque non desinens. Cum igitur haec nostra terrenorum corporum origo in habitu naturæ potioris excedat, et conformis gloriæ Dominici corporis fiat ; Deus in forma servi repertus [Al., perpetuus], licet jam glorificatus in corpore sit, secundum quod in forma servi sit, tamen conformis Deo non erit : ut qui nobis formam glorificati corporis sui tribuit [Hil., tribuet], ipse corpori suo nihil ultra possit, quam nobis ac sibi sit, in commune præstare. » Haec itaque testimonia sancti Patris Hilarii de subjectione Filii, quam tu debitam æternamque asseris : vel etiam de clarificatione corporis in divinitatis gloriam ejusdem Domini nostri Iesu Christi, quod ex Virgine assumpsit, dicta sufficient.

B VI. Nunc operæ pretium est aliqua ex sanctorum doctorum libellis testimonia proferre, quæ tu etiam contrario sensu flectere ad tuæ partis confirmationem niteris, quæ omnino tibi esse adversaria, et tui erroris sectæ valde contraria intelligentur. Insuper et quædam calliditatis tuæ nequitia subtrahis, quæ tuam haeresim damnare videntur : quædam vero consueta tibi versutia immutare non times, ut in libris beati Hilarii fecisse videris : ubi ille præcipuus doctor et catholicus ait ^a : *Potestas dignitatis non amittitur, tu omnino perversissime dicis : adoptatur : ubi beatus Hilarius ait, adoratur. Carnis equidem a Magis humilitas adorata est, et mysticis munera speciebus honorata, non adoptata : quod perspicue ex antecedentibus verbis ejusdem doctoris intelligi potest, ubi ait, quod tu ipse posuisti, in pannis adhuc Deus adoratur. Idem ipse, qui in cunabulis jacuit, ab angelis Christus Dominus prædicatur, et a Magis Deus adoratur, non a Patre adoptatur in Filium. In quo loco certissime de Magorum adoratione idem Pater Hilarius disputat, non de paterna adoptione, quam tu pravissime huic loco inserere conaris. Sed et cum testimonium de disputatione beati Augustini posuisses, quam habuit cum Feliciano Ariano episcopo ^b, subdola calliditate quædam in media sententia tandem cuisti, quæ tuæ parti videntur contrarie, ubi ait (Cap. 6) : « Filiorum namque adoptivi alii, naturales alii sunt : hi qui geniti ab initio filii sunt ac proprii ; illi primo alieni, post filium [Al., filii] ; cum **843** per adoptionem in familiam videntur adscisci. » Cætera vero quæ posuisti in eodem loco, ex sensu haeretici idem beatus Augustinus dixit, non ex suo, cum quo disputationem de fide catholica habuit, licet tu non intellexisses ex cuius persona dixisset quod posuit ; sic enim ait : « Quid igitur ? dicis ex substantia Patris, credo, nasci Filium nequivisse, ne ingenitum*

^a Hanc disputationem vide inter Append. ad Opp. beati Augustini. Tribuitur ibidem haec disputatione Vigilio Tapsensi.

Patrem Filii generatione videamur dividere : » et reliqua, quæ ibi posita sunt, quæ certissime illius hæretici sensui convenientiunt, non sancti Augustini. Sicut et illud solita tibi pravitate immutasti, ubi libro (Loc. cit., cap. 10) : *impassibilis in suo, passibilis in nostro*, tu ponis : *impassibilis in suo, passus in alieno* ; quasi corpus suum, quod sibi proprium fecit Filius Dei, alienum esset a se. Quod itaque nomen *alieni omnino contra te ipsum ponis* ; utrumque enim non potest esse : caro Christi aliena, et adoptiva Filio Dei ; quia dum adoptatur in Filium, nullatenus alienus erit ei qui se adoptavit in Filium, sed in Filii dignitatem assumptus cessabit alienus esse. Christi vero humanitas nunquam aliena fuit, nec anima, nec corpore, divinitatis suæ, ab initio conceptionis et nativitatis in proprietatem unius personæ assumpta, ut verus et proprius in duabus substantiis esset Dei Filius. Et quare tacuisti quod in eodem libro de clarificatione corporis Christi et de unitate divinitatis legitur, ubi ipse præfatus doctor ait (Loc. mox cit.) : « Itaque glorificata caro majestate, dum majestas humiliis [Aug., humiliata] docetur in carne. Sed utrumque non de duobus Christis, ut putas, sed de uno atque eodem ipso, quem post partum Virginis Deum et hominem novimus, nos certum est predicare. » Et paulo post (Loc. cit. cap. 11) : « Unus autem atque idem Christus est, qui et injurias totus [Aug., totiens] pertulit, et actus in profundum [Idem, in profundo] non mersit. Ex hoc pacto in mediatore Dei et hominum, injurya assumpti corporis affectam fatemur deitatem, sicut majestate divinitatis glorificatam novimus carnem. » Sed hæc omnia quæ passus est pro humana salute mundi Salvator, non, ut tu vis, debita necessitate, sed libera voluntate passum, idem Pater in eodem libro testatur, dicens inter cætera (Cap. 14) : « Sensit igitur, inquit, mortem divinitas Christi participatione humani affectus, quem sponte susceperebat ; non naturæ suæ potentiam perdidit, per quam cuncta viviscitat. Sic in sepulcro carnem suam commoriendo non deseruit, sicut in utero Virginis connascendo formavit : et sic in utroque et nasci et mori non coactus ab altero, sed sponte voluit, ut hoc eum constet pertulisse quod fecit. Nec ideo non patientem, quia ipse faciebat ; nec ideo non facientem, quia non alias tolerabat. » Hanc quoque mirabilem et ineffabilem in Filio Dei unitatem naturarum in persona et potestate mens humana credit, non requirat, ut in eodem libro legitur. Ait enim idem doctor (Cap. 8) : « Sicut enim sine exemplo mater genuit auctorem suum, sic ineffabiliter Pater credendus est genuisse coeternum : de matre natus est, qui tamen ante fuit ; de Patre, qui aliquando non defuit. Hoc fides credit, intelligentia non requirat, ne aut non inventum putet incredibile, aut repertum non credit singulare. » Si mater genuit auctorem suum, et de matre natus est qui de Patre fuit : quomodo tu ausu temerario soles negare Deum esse verum qui ex Virgine natus est ? Aut quomodo non terret te quod sequitur, ut quia hoc ratione non

Ainvestigatur, hoc fides credit, intelligentia non requirat ? Singulare enim est hoc et sine exemplo mysterium.

VII. Dicis quoque humanitatem Filii Dei extrinsecus factam quasi alienam ; vel magis ipsum Filium Dei extrinsecus factum, sicut te scribente legimus. « Haec sunt, ait, sententiae præfati egregiique doctoris Augustini, non de humanitate Filii Dei, in qua extrinsecus factus est, non de substantia Patris subsistens, sed ex carne matris et natus est. » Quomodo Filius Dei est, si extrinsecus factus est ? Filius Dei æternaliter natus est de Patre, quem hic dicis extrinsecus factum. Si de humanitate ejus hoc tibi placet intelligi, ergo eundem dicis nobiscum Filium Dei, qui ex Virgine natus est. Tamen S. Cyrillus nullatenus de homine Christo hoc consentit, scilicet quod extrinsecus factus sit quasi alienus, velut **344** indumentum quoddam divinitatis ; sed omnino in duabus naturis proprium esse et perfectum Filium Dei affirmans, dicit in illo libello quem contra Theodoreum scripsit : « Non hominem assumptum dicimus a Deo Verbo, et copulatum ei secundum habitum extrinsecus adinventum, sed potius hominem eum factum esse decernimus. » Item ejusdem unde supra : « Sed licet, inquit, nominemur templo Deum inhabitantem habentia per Spiritum [Cyrill., templo Dei, cum habeamus Deum inhabitantem per Spiritum], attamen alterum novimus modum sacramenti secundum Christum. Unitam enim Deo Verbo secundum veritatem carnem asserimus cum anima utique rationali. » Item in eodem (Cyrill. in Explan. xu cap.) : « Qui igitur dividunt subsistentias post unitatem, et particulariter ponunt utrumque, hoc est, hominem et Deum, subintelligentes copulationem in eis quæ secundum solam dignitatem est, duos modis omnibus statuunt filios, cum Scriptura divinitus inspirata unum dicit Filium atque Dominum. Quocirca post ineffabilem unitatem sive Deum nomines, Emmanuel incarnatum et Deum factum intelligimus ex Deo Patre Verbum : sive hominem dicas, nihilominus in mensuris humanis participatum dispensative cognoscimus [Cyrill., sive Emmanuel, et incarnatum et inhumanatum Deum nomines, nos Dei Patris Verbum accipimus : sive hominem dixeris, nos æque illud ipsum (Dei Verbum) quod per dispensationem mensuris humanitatis sese demisit, agnoscimus] : factum vero dicimus palpabilem, qui impalpabilis est ; visibilem, qui invisibilis est ; non enim fuit extraneum ei unitum ipsum corpus, quod etiam dicimus esse palpabile et visibile. » Item post aliqua : « Non sine voluntate, sed sponte Unigenitus factus est homo ; et non, sicut ait tu, assumpsit hominem, per habitudinem ei copulationem donans, et filiationis gratia coronans, sicut nos. » Et post pauca : « Unita vero semel dividere non est cantum, neque in filios parti duos, unum Christum et Filium et Dominum. »

VIII. Nunquid tu non solum contra hujus sancti Patris dicta, verum etiam contra universalem et

apostolicam sancte Dei Ecclesie consuetudinem dividis Christum in duos deos, nuncupativum scilicet et verum : et in duos filios, adoptivum et proprium, accumulans super caput tuum terribile anathema, quod in eodem prefati Patris libro legitur : « Si quis presumit dicere Deiferum hominem Christum, et non potius Deum esse vere, sicut aliud unum et naturale, secundum quod factum est caro Verbum, et communicavit proxime nobis sanguine et carne, anathema sit. » Et in sequentibus : « Ait enim et ipse Christus de sanctis prophetis, sive de sanctis, qui prius fuerent : Si illos dixit deos, ad quos sermo Dei factus est : quem Pater sanctificari et misit in mundum, vos dicitis quia blasphemas, quia dixi, Filius Dei sum (Joan. x, 36, 37). Sed non sicut in nobis inhabitat Deus, ita et in Christo : Deus enim erat naturaliter apparens secundum nos, unusque et solus filius, et quando factus est caro. Qui igitur presumunt dicere Deiferum hominem eum, et non potius inhumanatum Deum, necessario succumbunt anathematismo proposito. » Item ille supra, epistola ad monachos directa : « Cum enim, inquit, probatur quia Deus secundum naturam est, qui ex sancta Virgine natus est ; nullum eos [F., reor] segnem intelligere ac loqui, quia Dei Genitrix sit dicenda. » Et iterum : « Verumtamen, inquit, unus Dominus Jesus Christus, unusque et verus Filius, Deus simul et homo ; et non homo Deus factus [Cyrill., Deificatus] sub aequalitate horum qui per gratiam, sed Deus potius verus in humana forma apparet propter nos. » Et in sequentibus ejusdem epistole : « Age, age, monstramus ex ipsis ostendentes fidem sacris litteris quia Deus secundum naturam est, etsi ad unitatem copulavit sibi propriam carnem, quo vivere probato [Cyrill., quo patefacto] Dei Genitrix dieitur a nobis, et satis merito sancta Virgo. » Item in eadem : « Quomodo ergo proprius Dei Filius nominatus est Christus, qui etiam traditus est a Deo Patre, causa omnium salutis et vitæ ? Traditus est enim propter peccata nostra, et ipse iniquitates multorum **845** portavit in corpore suo ligno, secundum prophetæ vocem (Isai. LIII, 12) ; palam ergo est quia unita rei assumpta necessarie proprium Filium declaravit Dei, qui ex sancta Virgine est [Cyrill., Planum est quod ad naturarum unionem respiciens Emmanuel, qui ex sacra Virgine exortus est, Dei Filium designat]. Corpus enim erat non alterius cuiuspiam secundum nos, sed magis proprium ex Patre existentis Verbi natum ex ea. » Unde tibi, o Felix ! post tanta etiam clarissima sanctorum Patrum testimonia tam inimica subrepit temeritas, ut Christum negare audeas proprium Dei Filium, vel verum Dominum esse, vel in proprio corpore passiones nostre salutis causa subiisse ? Nonne cautius tibi esset intra murum catholicæ fidei te ipsum retinere quam per devia infidelitatis errare ? Quid de ovibus testimandum est, dum ipse pastor errare probatur : et qui duxit debuit esse ad salutem, duxit factus est ad perditionem ? De talibus

A enim cavendis ipsa Veritas in Evangelio ait : Si occlus tuus dexter scandalizat te, erue eum, et projice abs te, expedit tibi ut unum pereat membrorum tuorum, quam totum corpus tuum mittatur in gehennam (Matth. v, 29).

IX. Nam et Arnonius [Arnobius], vir acris ingenii, in conflictu quem cum Serapione habuit de nobilitate sancte Mariæ genitricis Dei, et de incomparabili omnibus feminis sanctitate, et de ipsius Filii Dei, qui ex ea natus est divinitate, consentanea sanctis Patribus, quorum dicta abundanter posuimus, profert testimonia, dicens : « Dum in unigenito, inquit, duas naturas constemur duasque substantias, objicitur quod alterum dicamus Dei Filium, alterum filium hominis. Nos autem auctoritate Apostoli dicimus : Deus erat in Christo mundum reconcilians sibi (II Cor. v, 19). Si enim mundum reconciliavit, ita ut credentes in se filios Dei faceret homines, utique natura servos, non Dei filios, actu etiam reos, et per prævaricationem primi hominis inimico generis humani obnoxios : tamen per suam gratiam hos Dei filios fecit. [Qui ergo alios Dei filios fecit,] quomodo ipse non est Filius Dei adunatus cum Verbo, quod caro factum legitur ? » Et post pauca : « Per suam ergo omnipotentiam, cum voluit, hunc hominem, [quem] assunpsit, hoc facere, assumpto [Arnob., assumendo] ex tempore, quod ipse semper fuit sine tempore, ut non possint dici duo filii Dei, alias ante tempora, et alias natus ex tempore : sed unus Dei Filius Dominus Jesus Christus. Inde est quod dictum est ab Apostolo : Si cognovimus Dominum Jesum secundum carnem, sed nunc jam non novimus (II Cor. v, 16) : quasi qui dicat : et si cognovimus lanam priusquam admistione sanguinis conchylii fieret purpura; sed nunc jam non cognovimus lanam, sed purporam, qua inter omnes homines nullus uti possit, nisi Augusta [Arnob., Augusti] fuerit praeditus dignitate. Impingitur hoc loco : ergo vilis lana fuit prius Jesus, et dealitas [deitas] superveniens fecit eum purporam ? Non ita dicimus : sed antequam Spiritus sanctus veniret super Mariam, et virtus Altissimi obumbraret, et hoc conciperet quod sanctum vocaretur Filius Dei (Luc. 1, 35, 36) ; ante hoc, inquam, ipse uterus Mariæ, quamvis mundus esset a peccato et sanctus ; tamen vilitate humanitatis [Arnob., humilitatis] erat ut lana optima et incomparabilis universis quæ erant sub cœlo virginibus : eratque talis ac tanta, quæ decenter in se dealitatem Filii Dei, sicut lana conchylii sanguinem susciperet, et ipsa lana esse cessaret, sed vera purpura per sanguinem fieret memoratum. Non enim lana vilis, sed pretiosa hujus est sanguinis capax. Quod si sanguis hic lanam tanta majestate sublimavit per suam admisionem, ut nulli hac licet uti, nisi huic qui regia fuerit praeditus dignitate : quanto magis, quando Spiritus sanctus venit in Mariam, et virtus Altissimi obumbravit eam, hoc quod natum est ex ea de nomine David secundum carnem sanctum [Arnob., secum], fecit Filium Dei, ut sic esset Maria Christoto-

cos, sicut Theotocos : quia ante Mariam fuerunt aliae Christotocæ, sed non virgines, nec Spiritu sancto et virtute Altissimi obumbratae. Hæc autem et Christotocos, et sola Theotocos, et sola virgo, et Spiritu sancto, et virtute Altissimi concipiens. » ^a Quid enim ratione humanæ consuetudinis investigandum est, quod divinæ potestatis miraculo factum esse probatur? Virgo concepit, **846** virgo peperit, virgo permanuit. Paterna majestate obumbrante, Spiritu sancto uterum imprægnante, Deum concepit et Dei Filium peperit. Archangelus verbum auribus infudit, Deus se membris immiscuit humanis : fides accepit quem castitas genuit, maledictio antiqua nova benedictione deleta est. Nam Evæ dictum est : *In dolore paries et tristitia, et ad virum erit conversio tua, et ipse dominabitur tui* (*Gen. iii, 16*). Tribus his malis multata est prima mater humani generis, dolore, tristitia, servitute. Tribus e contrario clarissimis bonis beata virgo Maria honorata est, id est, salutationis angelicæ, benedictionis divinæ et plenitudinis gratiæ. Nam primus homo de terra virgine sanctæ Trinitatis consilio formatus est dicente Domino : *Faciamus hominem ad imaginem et similitudinem nostram* (*Gen. i, 25*); secundus vero Adam, id est Christus, de terra virginalis uteri operatione ejusdem sanctæ Trinitatis creatus est, non solum homo per omnia verus, sed etiam Deus per omnia perfectus. « Et ad resolendum conditionis nostræ debitum natura inviolabilis naturæ est unita passibili, ut quod nostris remediis congruebat, unus atque idem mediator Dei et hominum, homo Christus Jesus et mori possit ex uno, et mori non possit ex altero. In integra ergo veri hominis perfectaque natura verus natus est Deus, totus in suis, totus in nostris. Nostra autem dicimus, quæ si nobis ab initio Creator condidit atque reparanda suscepit. Nam illa quæ deceptor intulit et homo deceptus admisit, nullum habuerunt in Salvatore vestigium... Assumpsit formam servi sine sorde peccati, humana augens, divina non minnens» (*S. Leo, epist. 28, ad Flavianum, cap. 5*). Unus idemque est in duarum coniunctione naturarum Dei Filius, non adoptionis gratia, sed proprietatis persona. Unus unigenitus et primogenitus, non alter unigenitus, et alter primogenitus (*Ibid., cap. 5*). « Unde unigenitum Filium Dei crucifixum et sepultum omnes etiam in symbolo constemur secundum illud Apostoli testimonium : *Si enim cognovissent, nunquam Dominum gloriae majestatis crucifixissent*» (*I Cor. xi, 8*). Ergo et Dominus gloriae et Deus virtutum habuit in seipso, unde crucifigi potuit et mori. Non alter crucifixus est pro mundi salute, alter qui vita est omnium viventium; sed unus idemque non adoptione divisus, sed proprietate conjunctus. *Verbum caro factum est*, ut homo caro promoveretur in gloriam Dei, non ut Deus in carnis verteretur injuriam, sicut dicit Apo-

A stolus : *Qui se jungit Domino, unus spiritus est* (*I Cor. vi, 17*).

X. Et quomodo, quando se junxit Deus homini, unus Deus non est? Dicit enim sanctus Augustinus in quadam homilia de natali Domini : ^b « *Filius suscepit carnem, et non deseruit Patrem, nec se divisit a Patre. Suscepit, inquam, Filius carnem, an proprietatem [F., in proprietatem]?* Sed tamen et Pater et Spiritus sanctus non desuit in majestate, divinitate, æqualitate; in carne sola Filii proprietas. » Qua fronte adoptionem in carne Christi creditis, in qua etiam tautus doctor et tam probabilis universis ubique fidelibus, procul dubio proprietatem filii asseruit? Et proprietas, et adoptio unum esse non poterit. Quæcumque vero in Virginis partu et nativitate Christi gesta esse evangelica narrat historia, omnia divinæ potentiaæ miraculis et investigabili humanis mentibus dispensatione gesta esse procul dubio credenda sunt. Nam Virgo clausis visceribus concepit et peperit; et qui natus est ex ea, Dei est Filius, verus et perfectus, unus ex unius carne; et qui Deus ex Deo, idem homo ex homine procedens tanquam sponsus de thalamo, geminæ gigas substantiæ, totus proprius Dei Patris Filius, et totus proprius virginis matris Filius, inseparabilis in persone unitate, vel filii proprietate unus, et in potestate habens in se, unde æternaliter viveret et unde temporaliter moreretur : cuius potentia condidit nos, dum non suimus; cuius bonitas redemit nos, dum perdit suimus; cuius laus salus est nostra, dicente eo ipso per Prophetam : *Sacrificium laudis honorificabit me*: *illuc iter est, quo ostendam illi salutare Dei* (*Psal. xlix, 23*). Hunc versiculum qui fideliter legat, veraciter intelligat omni homini melius esse laudare beatitudinem illius quam discutere potentiam ejus : humiliiter obedire præceptis illius, quem **847** pertinaciter scrutari mysteria illius : et amabiliter venerari illum, quam presumptuose ratiocinari de illo. In cuius comparatione dicente propheta : *Omnes gentes sunt quasi stilæ stillæ* (*Isai. xl, 15*); qui magnus et metuendus est super omnes qui in circuitu ejus sunt. Si autem angelicis ordinibus et spiritibus justorum magnus est et metuendus, quid nos luteas habitantes domos de fide illius magnitudine vel potentia judicare vel discernere præsumimus? Dum voluit, fecit mundum : et sicut voluit, venit in mundum. Qui, dicente evangelista : *In mundo erat, et mundus per ipsum factus est, et mundus eum non cognovit*: *In propria venit, et sui eum non repperunt*: *quotquot autem repererunt eum, dedit eis potestatem filios Dei fieri* (*Joan. i, 10, 12*). Qui aliis tradidit potestatem filios Dei esse, quomodo potest fieri ut potestatem non haberet se ipsum Filium Dei proprium facere? Vel quomodo quamvis in duabus naturis, divinitatis scilicet et humanitatis, proprius potuit esse Filius

^a *Quid enim.* Hæc et sequentia in editis deficiunt. Videntur esse alterius S. Patris. Vide serm. 7 in Natali Domini. Append. ad Opp. S. Aug., n. 2.

^b Verba quæ hic ex Aug. refert Alcuinus, nec inter genuinos, nec inter spurios ejusdem S. Patris sermones in Natali Domini reperiuntur.

hominis, et non potuit totus in duabus naturis prius esse Filius Dei? Ergo si ille qui natus est ex Virgine totus est proprius Virginis filius, æquum est ut credamus eundem esse Dei Patris proprium Filium. Naturarum enim Conditori nulla natura resistit, ut ex ea facere non possit quod velit, qui omnia ex nihilo creare potuit dum voluit. Ex creatis igitur multo magis perficere poterat quidquid illius omnipotentiae placuit. Humana quippe ratio investi-

gare non poterit quomodo qui fecit omnia factus est inter omnia. De quo multa dici possunt. Et est in aliquo talis sanctitas vitæ, et sancti Spiritus gratia, ut aliquid de eo digne dicere valeat? Sed hic paululum respiremus, quatenus tuis sermonibus, quos tu vel in sanctæ Ecclesiæ adversitatem, vel etiam in nostri nominis suggillationem multiplicare studes, acutiore stylo, gratia divina nos adjuvante, responderemus.

LIBER SEPTIMUS.

I. Legitur beatum Hieronymum fortissimum contra hereticas pravitates Ecclesiæ Christi athletam dixisse: omni studio se intendere, ut hostes Christi illius essent et hostes. Quod etiam pro summa laude non solum ille, verum etiam omnes catholice fidei defensores sibi a Deo datum munus reputabant. Unde et ego tantillus Ecclesiæ Christi vernaculaus improperia mei nominis patienter suffero, quia meæ parvitatæ modulo multum est delectabile, et gaudium plenum, communes habere hostes cum Domino meo Iesu Christo, quem diligere summa est sapientia, et laudare perfecta est beatitudo, nosse vero vita æterna: sicut e contrario non amasse profundissima est stultitia; ejus autem gloriae aliquid subtrahere velle ultima est miseria: et illum ignorare mortis est perpetuae periculum.

II. Objicis ergo me dixisse, et verum fateor, objicis quod Jesus Christus verus sit Deus et verus Dei Filius: quia hoc jam dixi, et adhuc dicam. Non solum ego, verum etiam omnis sancta Dei Ecclesia cum apostolis et omnibus catholicis doctoribus in tota orthodoxæ fidei celebratione dicit, credit, et prædicat fiducialiter. Nec tibi sufficit semel dicere hujuscemodi verba: « Si enim, inquis, idem Redemptor noster in forma servi, ut vos vultis, verus est Filius Dei. » Hoc ipsum quid iterum atque iterum repetis? Ut perspicue te hoc nolle intelligatur quod nos velle reprehendis. Si ergo ille homo qui ex divina sancti Spiritus operatione et gloria beatæ Virginis castitate conceptus est et natus, non est verus, ut tu asseris, Filius Dei, nec verus Deus; quid superest, nisi ut illa beata Virgo nequaquam sit vera Dei genitrix, sed nuncupativa. Quia si ille qui ex ea natus est nuncupativus est Deus, etiam et illa quæ genuit nuncupativa est, non vera Dei genitrix. Et hoc quam impium sit dicere, totius mundi latitudine in qua Christus regnat et colitur, manifestissime comprobatur. Nam et hoc ipsum beato Cyrillo Alexandrino episcopo ab hereticis objiciebatur, scilicet beatam Virginem non esse Dei genitricem, sed appellari: sicuti et vos modo soletis dicere, Jesum Christum non esse verum Dominum et Filium Dei, sed appellari, quasi nuncupativum. Ita **848** quidam Nestorianus contra catholicam fidem disputans dixit: « Qui ante sæcula est, Deus est: sed templum

sibi in utero virginali singens, erat cum concepto et formato: qua gratia et sanctam illam Virginem Dei genitricem appellamus: non tanquam Deum generet, sed tanquam hominem unitum Deo, qui finxit eum. Quid autem aliud est, quod et tu dicis, Dei Verbum habitasse in homine assumpto, quasi in templo quodam, non sicut evangelista ait: *Verbum caro factum est (Joan. 1, 14)*? Secundum, inquis, Domini mandatum gestabat divinitatem, et habitator est templi sui. » Sed longe aliud est Deum habitasse in sanctis: aliud vero, ipsum Deum hominem factum, atque ex duabus substantiis unam personam Deum et hominem esse. « Non enim, ut ait beatus Cyrilus, sicut viri sanctificati et Verbo conjuncti communem carnem Christi percipimus, aut sicut divinam possidentis habitationem; sed ut vere vivificatricem et ipsius Verbi propriam factam vite naturaliter et Deus existat. » Et alibi (S. Cyril., epist. ad Nestorianum de *Excomm.*): « Sed nec illud dicimus, quod Dei Verbum velut in homine communi, qui de sancta Virgine natus est, habitarit; ne Deum homo Christus habitatorem possidere credatur. Quamvis enim Verbum habitaret in nobis, et dictum sit: *In Christo habitare omnem plenitudinem Deitatis corporaliter (Coloss. ii, 9)*; tamen intelligimus eum, quod caro factus est, non sicut in sanctis habitare dicitur; nec talem in ipso habitationem factam diffinire tentamus: sed unicus juxta naturam, nec in carnem mutatus, talem sibi fecit habitationem, qualem anima hominis habere creditur in proprio corpore. » Unicus igitur est Christus Filius Dominus noster, non velut conjunctione qualibet et unitate dignitatis et auctoritate hominis habentis ad Deum, quem in soles conjunctum Deo, sive adoptatum vocitare, divinitatem quoque gestare, et, nescio quo insolito verbo usus, divinitatem *liniare* dicis. Liniare enim vulgo dicitur de pingendis vel sculpendis imaginibus, vel cuiusque operis figuris exprimendis. Sed hoc quid ad Filii Dei divinitatem vel humanitatem pertineat, non intelligo. Quod vero, ut prædictimus, gestare eum divinitatem dicis, audi quid pro hoc mercedis accipias a sanctis et catholicis viris qui contra haec heresim tuam multa disputare solebant (S. Cyril., *Anathem. v*). « Si quis, inquit, præsumit dicere Deorum hominem Christum, et non po-

* Verba sunt Theodoreti in reprobatione primi Anathematismi apud Cyrillum.

tius Deum vere esse, sicut Filium unicum natura, secundum quod factum est Verbum caro, et communicavit proxime nobis sanguine et carne, anathema sit. » Hæc enim est hic in præsenti merces laboris tui. Qualis autem futura sit ab eodem ipso quem in tantum humiliare niteris, ut omnem ei veritatem fletatis et potestatem Deitatis adimere coneris, tu ipse probabis quando ante tribunal ejus judicandus astabis. Subiungunt quoque præfati Patres de eadem re dicentes : « Non sicut in nobis inhabitat Deus, sic et in Christo. Deus enim erat ipse naturaliter apparens secundum nos unusque et solus Filius, et quando factus est caro. Qui igitur presumunt dicere Deiforum hominem eum esse, et non potius inhumanatum Deum, necessario succumbunt anathemati. »

III. Mi. or vero quare introducere novum nunciationis in Christo nomen non timeas, cum hoc ipsum antecessores tui hæretici usurpantes ab Ecclesiæ fuissent communione divisi. Ait namque idem beatus Cyrillus : « Caveamus ergo de Christo dicere : propter assumentem veneror assumptum, et propter invisibilem adoro visibilem. » Horrendum vero super hoc etiam illud adjicitis : « Qui susceptus est, cum eo qui suscepit, connuncupatur Deus. » Qui enim hæc dicit, dividit [in] duos Christos eum qui unus est, hominem seorsum in partem, et Deum similiter in partem constituens; evidenter enim dividit unitatem. Non ergo alter cum altero coaditor aut connuncupatur Deus; sed unus intelligitur Christus Jesus Filius Dei unigenitus, una servitute cum propria carne venerandus : ubi enim est nuda nuncupatio, ibi solidæ veritatis denegatio est. Sed revera incarnatum dicimus unigenitum Filium Dei secreto **849** illo mysterio quod ipse solus novit. Nostrum namque est credere, illius nosse. Quod tu omnino oblitus conaris illud ratione investigare quod sive venerari debuisses : credere enim tuum esset quod Deus Dei Verbum, totum suscipiens quod hominis est, verus homo factus sit, et assumpta humanitas, totum accipiens quod Dei est, aliud quam Deus esse non possit.

IV. Mihil quoque objicis non recte intellexisse de qua natura beatus Gregorius dixisset, cum ait : « Aliud est homines natos gratiam adoptionis accipere, aliud unum singulariter per divinitatis potentiam Deum ex ipso conceptu prodilisse : » Et gratias agis quod tu eamdem sententiam melius intellexisses, eamque de divinitate, non de humanitate dictam esse affirmas. Sed quis sit qui per potentiam divinitatis Deus conceptus sit, agnoscet. Nam de divina Filiis Dei divinitate dici quomodo potest, quod conceptu prodilisset? Deus enim Filium suum unigenitum genuit; non ex alterius conceptu cuiuslibet; atque eudem Virgo sacra de Spiritu sancto concepit, de qua ipse Filius Dei, quasi sponsus de thalamo, processit. Aut quæ natura per potentiam Dei facta est quod est? An illa per quam omnia facta sunt, aut

illa quæ novissimis temporibus ex Virgine facta concipiatur? Expositorem te alienorum dictorum jactitas, cum vix unquam tua recte proferre potueris. Me quoque arguis, qui ubi recte arguendus sum, emendandi non refugio, sed potius desidero et multum opto : sed sunt plerique qui, dum alias reprehendere cupiunt, omnino magis suam imperitiam ostendunt, quæ forte occulta fuisset si tacuissent, sicut scriptum est : *Stultus, si tacuerit, sapiens reputabitur* (*Prov. xvii, 28*). Grandis est enim stultitia velle te proferre testimonium quod per omnia contra temet ipsum esse manifestum est. Tribus namque modis testimonia in tuis scriptis inveniuntur prolati, quorum quædam nec tibi nocere, nec favere videntur, nec omnino ad rem præsentis disputationis pertinent; quod certissimæ ignorantiae indicium est. Quædam vero sic a te ponuntur, ut tamen nobiscum agant, et tibi repugnare aperta veritate probantur; quod, ut prediximus, stultitia non minimæ res est, te arma adversario ministrare. Quædam autem ita protulisti, ut tamen, nisi corrumperes, te nullo modo adjuvare viderentur; quod omnino malevolæ conscientiæ vitium esse dignoscitur : in quorum primo, ut diximus, te ignorantem, in altero indoctum, in tertio vero malevolum ostendisti. Mirandum ergo est, vel magis dolendum, cur audeas sanctorum Patrum lucidissima testimonia corrumpere, immutare et in alium transferre sensum quam illi qui scripserunt, posuerunt, sicut paulo ante te fecisse probavimus, et in multis tuarum litterarum locis inveniri potest.

V. De sancto namque Athanasio testimonium posuisti quod tuam sectam maxime destruit : et dum forte intelligeres quædam in ejus testimoniis verba tuis sensibus contraria esse, omisisti in medio quæ ait, ne contra te ipsum dicere videreris. Ponamus itaque plenam illius sententiam, ut agnoscatur quanta malitia abstulisti quod firmissime contra te esse positum intelligitur (*S. Athan., epist. ad Epictet., n. 2*). « Quomodo autem, inquit, ambigere audent, qui dicuntur Christiani, si, qui ex Maria processit Deus, Filius quidem natura et substantia Dei est, secundum carnem autem ex semine David est, ex carne autem sanctæ Marie? » Hoc autem quod sequitur tenuisti, quod tuæ firmissime contradicit sectæ. « Quid autem putas, aïs, temerarii facti sunt, ut dicerent Christum, qui carne passus est et crucifixus, non esse Dominum Salvatorem et Deum et Filium Patris? Aut quomodo Christum volunt nominari, qui dicunt in hominem [sanctum], perinde atque in unum prophetarum venisse Verbum, nec ipsum hominem factum, sumentem ex Maria corpus; sed alterum esse Christum, et alterum Dei Verbum, quod ante Mariam, et ante scuela Filius existebat Patris? Aut quomodo esse Christiani possunt, qui dicunt alium esse Filium, aliam Dei **850** Verbum? » Hæc tacuisti, et sequentia ejusdem sententiae assumpsisti tibi in auxilium, quæ et ipsa valide tibi esse contraria.

• S. Greg. lib. xviii Moral., cap. 52, citatum ab Alcuino in epist. ad Felicem, n. 10, supra col. 124.

ria intelliguntur. Ponis ejusdem Patris Athanasii **A** verba dicentis (*Ibid.*) : « Non per adoptionem hæc facta sunt, absit; sicut quidam existimaverunt; sed sicut est veritas, homine facto Salvatore, totius humani generis salus facta est. Si enim adoptione erat in corpore Verbum secundum illos, quod autem adoptione dicitur, phantasia est, reperitur et putative salus. » Videsne quam fortissimo ariete falsitatis tue murum iste probatissimus catholicæ fidei miles destruit? Ait itaque : « Quid autem, putas? temerarii facti sunt, ut dicent Christum, qui carne passus est et crucifixus, non esse Dominum Salvatorem et Deum et Filium Patris. » Ecce perspicue temerarios eos esse reputat qui negant Dominum et Salvatorem, et Deum, et Filium Patris esse illum qui crucifixus est; nec illos Christianos estimat qui huic fidei contradicunt: et verissime affirmat omnia quæ in Christo gesta sunt, sine adoptione facta esse, qui adoptionem dicit phantasiam esse et non veritatem. Quam vero impium est alicui qui se Christianum nominant, credere per phantasiam Christum esse Filium Dei? In Christi itaque humanitate iste veracissimus doctor fidei catholicæ hæc facta esse dixit, quia nihil in æterna generatione Verbi Dei factum esse fas est dicere vel credere, qui omnino æternaliter genitus est ex Patre, non temporaliter factus. Quale usque testimonium contra te ipsum verius et fortius invenire potuisti, quam quod iste sanctissimus et veracissimus ecclesiastice fidei doctor astruit, qui omnia quæ in Christi conceptione, nativitate, passione et resurrectione per veritatem affirmasse, et non per adoptionem, quia adoptionem phantasiam dicit, facta affirmet?

V. Ponis quoque verba sancti Augustini de homilia in Joannem, ubi ait (*Tract. xiv in Joan.*, n. 11) : « Pater diligit Filium, [sed] quomodo Pater Filium, non quomodo dominus servum; quomodo unicam, nou quomodo adoptivum [*S. Aug.*, adoptatum]. » Sed his verbis sancti Augustini tui sensus verba addidisti dicens: « Et hoc, si de utraque natura similiter dictum fuisse putet, doceat prius, si valet, quomodo Filius Dei in forma servi servus Patris non sit: sicut in divinitate non servus, sed Filius, neque adoptivus filius, sed proprius veraciter creditur et praedicatur. » Nos autem, Dei Patris sanctissima voce edociti, dicimus in utraque natura vere unum Filium Dei esse Jesum Christum, eumdemque Deo Patri totum dilectum, non, ut tu reris, ex parte ut Filium, ex parte vero ut servum, quod omnino ridiculosum est dici: sed totum dicimus quasi proprium et unicum diligere Patrem Filium. Super quem, rogo, vox facta est in baptismio vel in monte sancto: *Hic est Filius meus dilectus* (*Matt. iii, 17; et xvii, 5*)? an super divinitatem tantum, et non super humanitatem? quod impium est credere; et presumptuosum est dicere, Patrem non diligere Filium in suscepta humanitatis natura, qui sic unitus esse constat ex duabus substantialiis, ut sit unus unigenitus, non duo filii, unus unigenitus et alter adoptivus. Ideo enim

in Evangelio dictum est, quo tu testimonio cœpius uteris: *Et ridimus gloriam ejus, gloriam quasi Unigeniti a Patre, plenum gratiae et veritatis* (*Joan. i, 14*): et dicas, « gratiam ad humanitatem pertinere, veritatem vero ad divinitatem. » Tamen idem evangelista unum, unigenitum eum nominavit, in quo est secundum intelligentiam tuam gratia et veritas, id est, duarum naturarum, ut nos confitemur et credimus, mirabilis adunatio in unam personam et in unam Filii Dei dilectionem.

VII. Alteram quoque evangelicam sententiam posuisti cum expositione beati Augustini dicens (*Tract. cx in Joan.*, n. 5): « *Et dilexisti, inquit, eos, sicut et me dilexisti.* In Filio quippe nos Pater diligit, quia in ipso nos elegit ante constitutionem mundi. Qui **B** enim diligit Unigenitum, profecto diligit et membra ejus, quæ adoptavit in eum et per eum. » Et tacuisti sequentia ejusdem expositionis, ubi ait idem doctor: « Nec ideo pares sumus unigenito Filio, per quem creati et recreati sumus, quia dictum est, *dilexisti eos, sicut et me dilexisti* » (*Joan. xvii, 25*). (Unigenitum dicit, per quem **851** creati sumus et recreati: unum unigenitum, non duos unigenitos creatorem et recreatorem. Si est unigenitus, non potest esse adoptivus), « quod nihil aliud est dicere, quam *dilexisti eos, quoniam et me dilexisti*, non enim membra non diligeret qui diligit Filium. Aut alia causa est, diligendi membra ejus, nisi quia diligit eum? Sed diligit Filium secundum divinitatem, quia illum aequalem sibi genuit; diligit eum etiam secundum id quod homo est, quia ipsum unigenitum Verbum caro factum est, et propter Verbum est ei chara Verbi caro. Nos autem diligit quoniam sumus ejus membra: propter hoc nos dilexit antequam essemus. Quapropter incomprehensibilis est dilectio qua diligit Deus, neque mutabilis. » Aliiquid vero singularius intelligenti est in dilectione Filii sui, quam nostri sensus paupertas intelligere possit. Unde et idem præfatus doctor in alio loco ejusdem operis, quamdam proprietatem dilectionis in Filium Dei, secundum quod homo factus est, esse designavit. Ait itaque idem (*Aug., Tract. xxv in Joan.*, n. 11): « *Hunc enim Deus Pater signavit* (*Joan. vi, 27*). Signare quid est, nisi proprium aliquid ponere? hoc est enim signare, imponere aliquid, quo non confundatur cum ceteris. Signare est, signum ei [*F.*, signum rei] ponere. Cuiuscunque rei ponis signum, ideo ponis signum ne confusa cum aliis a te non possit agnosciri. Pater ergo signavit eum, proprium illi quiddam dedit, ne ceteris comparetur hominibus. Ideo ergo illi dictum est: *Unxit te Deus, Deus tuus oleo exultationis præ participibus tuis* (*Psal. xliv, 8*). Ergo signare quid, est exceptum habere, hoc est, præ participibus tuis. Itaque nolite, inquit, me contemnere, quia filius hominis sum, et querite a me cibum, non qui perit, sed qui permanet in vita æternam. » Ponis quoque sententiam de libris beati Ambrosii, quos de Fide Christiana composuit (*Ambr., de Incarn. Dom.*, cap. 6, n. 49). « Emergunt, inquit, alii, qui carnem Do-

mini dicant, et divinitatem unius naturae. Quæ tantum sacrilegium inferna vomuerunt? » Hoc nescio, quare dixisti. Quis catholicus unam naturam divinitatis et carnis esse credit? Sed quare tacuisti ejusdem sententiae initium, ubi idem doctor ait (*Idem ibid.*) : « De nullo prophetarum dictum est, quia Verbum caro factum est: nullus prophetarum abstulit peccata mundi. De nullo alio dictum est: *Hic est Filius meus dilectus, in quo mihi bene complacui* (*Matth. iii, 17*). De nullo prophetarum legimus quod sit Dominus majestatis, quod de Christo Apostolus dixit, quem Judæi cruciferunt. » Unde et idem doctor in eodem opere de divisione [F., visione] inter Christum, Moysem, et Eliam, qui in monte cum eo apparuerunt, verba ponens ita ait (*Ambr.*, lib. i de *Fide*, cap. 43, n. 81) : « Petrus in monte Moysem et Eliam vidi cum Filio Dei: nec erravit in natura, nec erravit in gloria. Denique qui facere deberet, non illos, sed Christum interrogavit. Nam etsi tribus parabat obsequium, unius tamen exspectabat imperium: sed quoniam vel tabernaculorum numero [numerum] deferendum tribus simpliciter aestimavit, emendatur Dei Patris auctoritate dicentis: *Hic est Filius meus dilectus, ipsum audite* (*Matth. xvii, 5*); id est: quid conservos tuos cum Domino tuo socias? *Hic est Filius meus*: non Moyses filius, sed hic filius: sensit emendationem apostolus: procidit in faciem, consternatus Patris voce et Filii claritate: sed elevatus a Filio, qui jacentes erigere consuevit, unum vidit, solum vidit Dei Filium. Recesserunt enim servi, ut solus Dominus, qui solus designabatur Filius, videretur. »

VIII. Igitur dum plurima sanctorum Patrum testimonia percurrente, producis in medium, in quibus nihil tuis partibus favere veraciter invenitur, sed nonnulla etiam palam tibi contraria esse, ut probavimus manifestissime, quæ certissime veritatem catholicæ fidei affirmare intelliguntur, repente prevernisti ad Zachariam prophetam, cui Jesus sacerdos in sordidis vestimentis ostensus est ab angelo (*Zach. iii*). Quam visionem vel prophetiam beatum Hieronymum aliter exponere asseris, aliter nos in tractatu ejus in eumdem prophetam scriptum legimus. Dicis enim eumdem sacræ historiæ interpretem hæc repovere verba: *Et Jesus erat induus vestimentis sordidis*, utique ex transgressione de carne peccati solidus, quam induere dignatus est: unde et pannis involutus et scissuras **852** humani generis, dum in se illa suscepit, inspicitur: donec radio crucis, innocentiae tunica texeretur. Nonne, inquit, hic titio extractus ab igne est? Titio extractus ab igne semiustulatus, non percombustus esse ostenditur. Corpus enim illud humani generis, quod ex protoplastorum transgressione et criminum flamma fuerat adustum, hoc induit Dominus, et quasi titionem semiustulatum a gehennæ incendio liberavit. In quo vero libro, vel in quo opere hæc dixisset beatus Hieronymus, nos non invenimus. Igitur in tractatu ejusdem prophetæ, quem ille doctor egregius vel ex Hebraica veritate,

A vel ex catholica sanctorum Patrum interpretatione composit, ut diximus, nullatenus iste sensus invenitur. Dicis utique: « ex transgressione de carne peccati sordidum, quam induere dignatus est. » Jesus vero æternus sacerdos secundum ordinem Melchisedech non habuit carnem peccatricem, quia nulla transgressio in carne illius fuit, sed similitudo carnis peccati: nec ulla adustura peccati in corpore illius apparuit, sed ut lana illa, et munda absque omni tinctura peccati, et gemma lucidissima, omnique mundo pretiosior sanctissimum corpus Christi abeque omni sorde transgressionis perlucidum fulserat. Hujus vero visionis intelligentiam in tractatu præfati operis idem doctor eximius dupliciter explanavit (*S. Hieron. in cap. iii Zach.*). Juxta Hebraicam opinionem de Jesu filio Josedech sacerdote magno ita intelligi debere asseruit, ut sordida vestimenta habuisse idem sacerdos Dei propter alienigenam, quam duxit uxorem, vel propter peccata populi, vel ob squalorem captivitatis, unde nuper erutus est, quasi torris semiustulatus: atque ideo Satanam stare a dextris ejus, quia veram accusationem habuit contra eum. Nam diabolus nunquam a dextris nostri Jesu stetit: quia nunquam veram accusationem invenit in illo: sed in omni tentatione victus, quasi fugax latro, et timidus bellator recessit ab eo. Vel quomodo convenit de Deo Jesu, ut dicat ei angelus: *Ecce absulti a te iniquitatem tuam*, qui nullam habuit iniquitatem? Nec ullus angelus fortior illo fuit, ut eum mundare a peccato debuisset: dum Jesus noster

C magni consilii angelus missus sit a paterna sede totius mundi purgare peccata. Ponit quoque, non confirmando, sed ostendendo idem præfatus doctor quorundam opiniones, quomodo hæc de Christo intelligi velint: et de torre eruto dicit, quod Jesus in Babylonie igne consumptum [*Ex sensu S. Hieron.*, non *Babylonio igne consumptum*], id est, peccatorum nigredine non ustulatum, nec flamma hujus saeculi attactum, id est, nulla flamma vitiorum vel saltem attactum, sed ab omni peccatorum sorde immunem, sicut aurum igne probatum splendescere. Sed melius hujus prophetæ sententia de Christo aiunt intelligi posse, ubi dictum est: *Audi Jesu sacerdos magne, tu et amici tui, qui habitant coram te, quia viri portendentes sunt: Ecce enim ego adducam servum meum*

D Orientem, quia ecce lapis, quem dedi coram Jesu, septem oculi sunt (*Zach. iii, 8*). Jesu et amicis ejus, qui sunt viri portendentes, id est, prophetis et sacerdotio Judæorum promissus est ille, de quo scriptum est: *Ecce vir oriens nomen ejus* (*Zach. v, 12*). Et in Evangelio: *In quibus visitavit nos oriens ex alto* (*Luc. i, 78*): et lapis angularis, qui sine manibus de monte præcisis contrivit universa mundi regna (*Matth. xxi, 44*). Super quem lapidem, *septem oculi sunt*, id est, septem dona sancti Spiritus, quæ in Isaia leguntur (*Isa. xi, 1*), super florem requiescere, qui de virginis radicis Jesse germinavit. Ex cujus persona in Canticō canticorum dictum legitur: *Ego flos campi, et lilyum convallium* (*Cant. ii, 1*). De quo etiam lapide

mox subjungitur : *Caelabo sculpturam ejus, dicit Dominus exercituum, et auferam iniqitatem terrae illius in die una* (Zach. iii, 9). « Iustum vero lapidem (Hieron., loc. cit.), qui dictus est coram Jesu, clavis crucis, et lancea militis faciam vulnerari, et in illius passione auferam iniqitatem terrae illius in die una, de qua scriptum est : *Hæc est dies, quam fecit Dominus, exsultemus et lætemur in ea* » (Psal. cxvii, 24). Idcirco plenius hujus prophetæ sensum exposuimus, at intelligatur quam longe aliter beatus Hieronymus in tractatu hujus prophetæ, hujus visionis sensum vel intelligentiam exposuisset.

IX. Ponis quoque sermones beati Ambrosii, sed perturbans unius pronominis adjectione sensum illius sententiae. Ait enim doctor ille egregius (Lib. v, de Fide, n. 107) : « Contra autem sancto patriarchæ David secundum gloriam suam Dominus est; secundum **853** corporalis successionis seriem Filius est, non deficiens a se, sed nostræ jus sibi adoptionis acquirens. » Tu vero immutasti sermones, ubi ille ait, *successionis*, tu posuisti, *susceptionis*; et ubi ait : *nostræ jus sibi adoptionis acquirens*; quod omni sensu caret, banc eamdem sententiam bis posuisti in libello tuo; gaudens, ut reor, in adoptionis nomine : quod omnino de nobis in hoc loco positum est, non de Christo, qui nostræ adoptionis jus, id est, potestatem acquirere dicitur. Et nescio utrum mala voluntate, more tibi consueto, immutasti sermones illius, vel etiam imperitia. Si mala voluntate sanctorum Patrum purissimos sensus immutare tentas, cur non times Scripturam dicentem : *Os quod mentitur occidit animam* (Sap. i, 11)? Si vero imperitia, miror cur non erubescas insipientiam tuam; quia dum sapiens vis videri, stultus appares; nam juxta Salomonem sapiens potuisses putari, si tacuisses. Assumis etiam et beatissimi Leonis papæ testimonium tuæ sectæ in adjutorium, quod perspicue tuis sensibus valde contrarium esse dignoscitur, ubi ait : « Qui enim verus est Deus, verus est homo, et nullum est in hac unitate mendacium, dum in invicem sunt, et humilitas hominis, et altitudo Deitatis. » Tu itaque hanc unitatem dividis in duos filios, unum proprium, et alterum adoptivum. Nam altitudo divinitatis ad humilitatem descendit humanitatis, et humilitas humanitatis ad altitudinem ascendit divinitatis, non versibilitate nature, sed dignatione honoris. Item ponis testimonium de libro beati Augustini, quem Enchiridion ipse nominavit : de quo etiam libro olim in quadam epistola tua multum perverse maculasti ejusdem sancti Patris verba, immittens ea quæ nunquam ille dixit. Sic et in isto testimonio dicis, quæ ille nullatenus dixit, nec aliquo rationali sensu conveniunt. Ubi enim ille ait (Cap. 40). « Quia homo ille nullis praecedentibus meritis in ipso exordio naturæ suæ, quo esse cœpit, Deo Verbo copularetur in tantam personæ unitatem, ut idem ipse esset Dei Filius, qui filius hominis, et filius hominis, qui Filius Dei. » Tu dicis : *Quia nullis praecedentibus maris*. Quid autem vis significare per mares, nisi forte ma-

A ritos? Quod autem omnino secundum regulas Latinæ eloquentia stare non potest : si ad mares pertinere voluisti, *maribus* debuisses dicere, non *maris*; sed singularis tuæ peritiae eloquentia talibus solet uti verbis, quæ nec regulis recte loquendi ullo modo convenient, nec sensu catholicæ fidei astipulantur. Timuisti forte dicere, *absque ullis praecedentibus meritis*: quia mox in sequentibus eruditio[n]is tuæ sensibus invenitur, te dixisse : « Quæ ille, inquis, de humanitate Filii Dei, in qua natus homo, per adoptionis gratiam meruit esse quod est, et accipere quod habet : » tu dicis cum antecessoribus tuis Pelagio et Nestorio Christum meruisse, ut esset quod est; cum sanctus Augustinus et omnes catholici doctores nullis praecedentibus meritis in ipso humanitatis Christi exordio eundem Deum esse conceptum et natum testantur. Et quomodo tu diversos filios esse in Christo propter duas naturas asseris, dum iste sanctissimus doctor in hoc testimonio, quem [quod] tu ipse posuisti, eundem dicit esse Dei Filium, quem filium hominis; et filium hominis, quem Filium Dei? Si idem est filius hominis, qui Filius Dei, una est prorsus veritas, et unum nomen Filii in Christo : quia unitas personæ dualitatem filiationis respuit in Christo, nec adoptio locum invenit, ubi proprietas præcessit; nec divinitas humanis tenetur præjudiciis, cum omnia secundum propriam voluntatis potentiam operatur, quæ vult in cœlo et in terra, qui ait : *Pater meus usque modo operatur, et ego operator* (Joan. v, 1).

C X. Quid vero præsumptiosa mente et stulta temeritate altiora te rimari non metuis, et te medium inter divinitatem et humanitatem Dei Filii inmittere tentas, humanaque ratiocinatione divinæ bonitatis ineffabile sacramentum scrutari niteris? Nec tuæ sententiae modum imponere nosti, qui nec te ipsum discernere poteris, vel quonodo anima tua tenerimis in materno utero tuæ coagulationis primordiis immitteretur, exprimere sufficis. Sine te enim Dei Filius fecit, quod voluit : sciebat namque Dei sapientia sine sui inminutione **854** se infundere humanæ naturæ, et ineffabili unitate fieri ex tempore filius hominis, qui semper fuit ante omnia tempora Filius Dei, per quem facta sunt tempora. Sed tu carnali cogitatione plenus potentiam Dei proprium posse habere Filium non putas, nisi tale aliquid patiatur, qualia substantia patitur carnis, quando gignit carnem. Hoc enim insipientæ quorundam incredibile videtur, dum omnia recte sapientibus Deo possibilia esse creduntur, ipsa Veritate dicente; hoc autem apud homines impossibile est, apud Deum autem omnia possibilia sunt (Math. xix, 26). Et hoc ergo possibile Deo esse dignoscitur, ut proprium ex Virgine Filium habere potuisset. Fecit enim idem Filius Dei sibi tempus, in quo fieret homo; assumpsit de matre, unde mori potuisset, qui immortalis mansit in aeternum : unus tamen atque idem [*Forte deest* : mortalis et] immortalis, impassibilis et passibilis, non alter et alter : et qui est vita

vivificans, spontanea voluntate, dum voluit, moritur: sicut in libro Exodi Dominus locutus est per Moysen: *Et videbitis vitam vestram pendentem in ligno, et non credetis vita vestra* (Deut. xxviii, 66). Deum autem Christum esse vitam ipsius testimonio in Evangelio dicentes, discere: *Ego sum via, veritas et vita* (Joan. xiv, 6). Unde et in Actibus Apostolorum beatus Petrus populo praedicans ait: *Vos autem virorum homicidam petistis dimitti vobis, auctorem vero vitæ peremistis* (Act. iii, 15). De quo et beatus Cyprianus ait: « *Judicatur judicaturus et Dei sermo ad victimam tacens ducitur.* » Gregorius quoque Nazianzenus: « *Indigimus, ait, Deum incarnatum et mortificatum, ut nos vivamus; res enim vetus erat, ut homo moreretur: quod ne semper auderet in hominē, res nova facta est, ut Deus moreretur, sed quia carne mortuus est, non divinitate.* »

XI. Nec vero ulla tenus confundimus naturas in Christo, sicut tu asseris nos fecisse: sed salva utriusque nature proprietate, divinæ scilicet et humanae, unum confitemur Deum Dei Filium Jesum Christum Dominum nostrum in duabus naturis, una vero persona et una Filii dignitate. Sicut enim anima compatitur corporis doloribus, quamvis anima immortalis permaneat, tamen corpus sine animæ compassionē non patitur: quia anima et corpus unus est homo, et communes sunt animæ et corporis vel dolentis vel letantis affectus; quia unus homo est, qui simul dolet vel gaudet: ita Dei Filius sua propria carne passus est, non alter in corpore passibilis, et alter in divinitate impassibilis, sed unus in utroque. Nec iterum Christum dividimus in duos filios, vel duos deos, vel duas cum Nestorio personas. Qui licet duas palam non dixisset personas, tamen omnia que duabus inesse necesse est personis, in sua professione facetur. Similiter modo et tu, licet fugias verba duarum personarum, tamen omnia que necesse est duabus inesse personis, te in tuis litteris inveniimus profiteri. Quis enim nesciat, apud unum Patrem alteram esse personam adoptivi filii, alteram proprii Filii? Nec enim ullus pater, juxta humanæ consuetudinis rationem poterat proprium filium sibi adoptare, quasi alienum: aut quem adoptat sibi in filium, poterit sibi proprium facere, quem paternitas alterius sibi fecit alienum; quia adoptio ex alieno quolibet efficitur; proprius vero filius in veritate proprietatis permanet. Unus est Deus Pater, et unum habet Filium Dominum nostrum Jesum Christum. In utraque autem substantia et divinitatis et humanitatis, unus atque idem est Dei Filius Dominus noster Jesus Christus, ut Deus verus; ita etiam homo verus, attestante Apostolo atque dicente: *Ex quibus Christus secundum carnem, qui est super omnia Deus benedictus in saecula* (Rom. ix, 5). Et alibi: *Unus enim Deus, unus est mediator Dei et hominum homo Christus Jesus* (Joan. ii, 5). Unum ergo atque eundem Dominum nostrum Jesum Christum, cum ex aliis, tum ex his apostolicis sententiis, et

* S. Aug., de Fide et Symbolo.

A Deum verum et hominem comprobamus, qui cum æqualem impassibilitatem et immortalitatem cum Patre possideat, propter nostram tamen salutem passibilem suscepit hominis naturam, impassibilis divinitatis majestatem non amittens: nec ut permittatur in humanitatem divinitas, sed ut divinitati servaretur humanitas. Secundum igitur hujus hominis veritatem Dei Filius ad redemptionem nostram natus ex Virgine est et Spiritu sancto: sic enim ad Mariam in Evangelio angelus loquitur: *Spiritus sanctus superveniet in te, et virtus Altissimi obumbrabit tibi: et propterea quod 855 nascetur ex te sanctum, vocabitur Filius Dei* (Luc. i, 35). Si quis vero hanc veræ fidei professionem contemnat, vel minus catholicam reputet, legat sancti Augustini verba, quæ

B de explanatione catholici Symboli composuit*, et inveniet me illius certissime uti sensibus, qui ubique purissimus in catholica fide et veracissimus doctor esse comprobatur. Tribus enim modis, ut idem sanctus Augustinus ait, Scriptura sacra de Christo loquitur; primus, cum secundum summam illam divinitatem Patri æqualem atque coæternum ante assumptionem carnis vocat. Alter modus est, cum assumpta carne jami idem Deus, qui homo; et idem homo, qui Deus, secundum quam tam suæ excellentie humanitatem [Forte, dignitatem], qua non coæterris coæquatur hominibus, sed est mediator; et caput Ecclesiæ et legitur et intelligitur. Tertius modus est, cum quodammodo totus Christus in plenitudine Ecclesiæ, id est, caput et corpus secundum plenitudinem perfecti cuiusdam viri, in quo viro effecti sumus membra, et creditibus prædicatur, et prudentibus agnoscibilis offertur. De secundo autem modo in præsenti disputatione maxime versatur intentio, in quo Deum verum et verum hominem eundem Dominum nostrum Jesum Christum publica voce, catholica pace, omnium sanctorum doctorum probatissimis testimoniis roborati profitemur: non ex parte Deum verum, ex parte Deum nuncupativum, sicut tua solet indocta novitas affirmare, dicendo: *Deus est Christus secundum divinitatem, et Dei Filius verus: secundum humanitatem autem Deus est nuncupatus et adoptatus Filius*: quasi ex parte divinitatis sit veritas; in parte vero humanitatis nuncupatio, et non pura veritas. Audi ergo, quomodo beatus Augustinus tue partitioni in disputatione, contra Maximum haëreticum habita, repondeat, ait enim (Lib. ii, cap. 10, n. 2): « *Porro Christus una persona est gemina substantia, quia et Deus, etiam homo est. Nec tamen Deus pars ejus persona dici potest: alioquin Filius Dei Deus, antequam susciperet formam servi, non erat totus, et crevit, cum homo divinitati ejus accessit, quod in una persona absurdissime diceretur: quia pars rei ullius esse non potest Deus.* »

XII. Concordat quoque beatus Cyrillus, cuius et tu testimoniis uti sepius soles, huic sanctissimo Patri, sub anathematis vinculo constringens eos, qui

qualem [*Forte, inæqualem*] venerationem Dei Filio A Jesu Christo facere audent, unum quasi veram Dei Verbo, alteram vero quasi sub nomine nuncupationis homini assumpto. Ait ergo ^a: « Si quis assumptum hominem coadorari oportere Deo Verbo, et conglorificari tanquam alterum in altero, et non potius una adoratione honorat Emmanuel, et unam ei glorificationem appellat, secundum quod caro factus est, anathema sit. Syllaba enim *co* superadjecta hoc cogit intelligi, quod quasi alter in altero. » Et infra ^b: « Si quis igitur coadorare dicit, ut hominem seorsum, altero præter eum existente Deo Verbo, et non secundum veram unitatem adunans unum Christum et Filium Dominumque una adoratione **856** glorificat, virtuti anathematis juste subditur. » Et item ^c: « Si enim est et idem Deus simul et homo, adoratur potius tanquam unus adoratione una, et non coadoratur, nec coappellatur Deus, ut non homo simpliciter communis, et secundum nos Emmanuel esse credatur divina gloria participatus per gratiam: sed confitemur magis Deum in carne propter nos vere hominem factum, non transitu naturæ per mutationem et conversionem, sed unitatis dispensationem. » In prefato quoque libro contra Maximum beatus Augustinus verissime testatur Filium Dei hominem factum: et vere juxta apostolicam vocem exaltatum supra omne nomen, quod est in cœlo aut in terra (*Philip. n. 9*). « Hoc ergo, inquit (*Cap. 2*), illi donatum est ut homini, secundum quem factus est obediens usque ad mortem crucis, quod jam habebat ipse [idem] Dei Filius, Deus de Deo natus æqualis. » Si ergo hoc ei donatum est in carnis dispensatione, quod jam ante habebat in divinitatis natura, restat ut idem ipse verus Filius Dei natus ex virgine creditur et confiteatur. Deum ergo dicas esse, sed non verum Filium, [d qui esse non negas], sed adoptivum, et non verum. Quae autem est ista nova filiationis introductio in Christo? Deum illum dicas esse et non verum: quis est talis nuncupationis fructus, ubi detrimentum est veritatis? Et quomodo in Christo est omnis veritas, si hoc solum, quod maxime fateendum est, secundum vestram opinionem verum non esse credendum est? Tu autem certissimam veritatem ita es refutare conatus, ut dices Deum ideo esse dictum Christum, quia Deo conjunctus est

^a S. Cyrilli textus hoc loco admodum mendose recensentur. Eos Alcuinus descripsit partim ex Explicatione *xii Capitulum*, quæ exstat tom. VI Oper. S. Cyrilli pag. 154, partim ex Epistola apologetica adversus Theodoreti reprehensiones *xii Capitulin*. Primus igitur locus est Cyrilli Anathematismus 8, qui ita sonat: « Si quis dicere audet, hominem assumptum una cum Dei Verbo adorandum et conglorificandum, et Deum tanquam alterum cum altero connominandum esse (hunc enim intellectum particula cum, adjecta perpetuo ac necessario assert), et non potius una adoratione Emmanuel honorat, unamque illi glorificationem attribuit, quatenus Verbum factum est caro, anathema sit. »

^b Hic alter textus exstat in declaratione prefati Anathematismi 8, qui ibi ita redditur: « Si quis ergo illum simul adorari dicit tanquam hominem

et applicatus, non quod vere sit Deus vel Filius Dei, sed propter eum, ut dicere soles, a quo assumptus est; alterum sine dubio testimans assumentem, assumptum alterum. Quia si assunens verus est Deus, et assumptus non verus Deus, nec verus Filius, necessario intelligi datur, quod duas in unum Christum tentas introducere, sed falsa professione, personas: nam duo sunt omnino verus et non verus. Quod si heata Virgo verum non genuit Deum, Filium Dei, quomodo ab omnibus recte credentibus in universalis totius orbis Ecclesia Dei Genitrix veneratur et creditur? Vel si eam Dei Genitricem negare non aedes, ne te publicum hostem Ecclesie palam apertere demonstres, necessario duos illam genuisse deos, unum verum [*Forte suppl.*, et alterum nuncupativum] fateri cogeris. Aut si hoc tibi sicut et nobis absurdum esse videatur, fatere nobiscum Deum illum verum veraciter dici et esse, non nuncupative singi, et nuncupari quod non est. Incongruum est enim et valde ineptum, Deum aliquid, quod non sit, dici, sicut et negare quod est, impium et detestabile esse dignoscitur.

XIII. Post testimonia igitur sanctorum Patrum, quæ multa quidem, et quædam etiam vere posuisti, sed omnimodis catholicis, non hereticis faventia, præsules quoque Hispaniarum inducis, quos tu orthodoxos dicas: in his quæ posuisti orationibus indubitanter heretici esse dignoscuntur. Nisi forte et eorum dicta, sicut et in ceteris solebas, depravaris, scilicet ut quod illi bene dixerunt, tu in adjumentum erroris tui mutare, et alterum pro altero mittere ausus sis. Afferunt enim quidam ex illis Patribus [*Forte, partibus*], ubi tu dixisti, vel adoptionem, vel a loptivi hominis, eos dixisse pro [adoptione] assumptionem, et pro adoptivi assumpti: et in hoc quoque tua malevoli arguitur pertinacia. Si enim in tua sententia, quasi in veritate consideres, nequaquam ea quæ ab aliis bene dicta sunt, in pravum sensum mutares; veritas enim, ubicunque est, semelipsam defendit. Sed sive mutata, sive ut ab eis sunt dicta hæc eadem testimonia a te **857** sint posita, non magnopere curandum est; nos enim Romana plus auctoritate quam Hispana, veritate assertionis et fidei nostræ fulciri desideramus; licet nec illa reprobemus, in his tamen quæ catholice dicuntur.

D

seorsum, cum Deo Patris Verbo, tanquam altero ab ipso, et non secundum veram unionem conjungens in unum Christum et Filium et Dominum, una adoratione honorat, justè virtuti hujus Anathematismi subjicitur. »

^c Tertius hic locus habetur in defensione hujus Anathematismi adversus reprehensionem Theodoreti, l. cit. pag. 226, et ita ibi sonat: « Nam siquidem ipse Deus simul et homo, adoratur sicut unus adoratione una, et non coadoratur et simul appellatur Deus: ne Emmanuel credatur esse homo simpliciter et communis sicut nos, et per gratiam divinæ gloriæ particeps; sed confiteamur illum potius Deum in carne propter nos, id est, vere hominem factum, non mutatione nature secundum alterationem et versionem, sed unionis dispensatione. »

^d Quæ uncis inclusa sunt redundare videntur.

• Unusquisque in hoc se refutandum sciat, in quo ab universalis dissentit Ecclesia. Romana igitur Ecclesia, quæ a catholicis et recte credentibus sequenda esse probatur, se per verum Filium Dei et in missarum solemniiis, et in cæteris quoque omnibus scriptis suis. vel in epistolis fateri solet, eum qui pro nostra salute homo fieri dignatus est, et crucis subire [Forte, subiisse] tormentum. In missa namque humanæ Nativitatis ejusdem Domini nostri ita cantare solemus : *Præsta, ut Unigenitum tuum, quem redemptorem læti suscepimus, venientem quoque judicem securi videamus.* Illum qui nos suo sanguine redemit, et super suum adventum judicatorus est mundum, unigenitum Filium Dei confitemur : quod de humanitate illius sine dubio dictum est. Item in die Natalis Domini : *Concede, quæsumus, omnipotens Deus, ut nos Unigeniti tui nova per carnem nativitas liberet.* Et alibi : *Deus qui Unigeniti tui pretioso sanguine.* Item quarta feria ante Pascha : *Præsta, quæsumus, omnipotens Deus, ut per Unigeniti tui passionem liberemur.* Et in alia oratione : *Largire, omnipotens Deus, ut per temporalem Filii tui mortem, quam mysteria veneranda testantur.* Et hoc sœpius, quam ut exemplis egeat, invenitur : scilicet quod ipse, qui pro nobis passus est mortem, unicus et verus dicitur Filius Dei, sicut vere est. Tales ergo auctores magis sequendos elegimus, in quibus et fides rectior, et veritas appareat manifestior.

XIV. Quod igitur obnixe postulasti, impletum a nobis arbitror ; ais namque : « Si quis nos a nostra professione declinare vult, proferat : que idoneos testes, qui affirment quod ex utero matris verus Deus sit conceptus, et verus sit Filius Dei. » Omnes namque pontifices sanctæ Romanæ Ecclesiæ, ut prædiximus, talibus uti solebant rationibus, ut Iesum Christum Salvatorem nostrum Filium Dei unigenitum indubitanter fateantur. Non autem est mirandum, si longe a veritatis via errant, qui ipsam Veritatem inconvenenter et inepte querere in suis orationibus dignoscuntur. Vel quomodo Veritatem cognoscere posse putandus est, qui eamdem Veritatem suis dictis et scriptis oppugnat ? Sed et illud, quod tibi ostendi, postulas, quomodo verus Deus conceptus est et natus, hoc toto presentis operis textu tecum egimus, quod ille unigenitus Filius Dei Verbum Patris caro factum est. Nam si verus Filius Dei non est, qui conceptus est, et natus ex virgine Maria, nec verum est, quod Joannes ait : *Quod Verbum caro factum est.* Quid enim significat in hoc quod ait : *Verbum caro factum est, nisi Filius Dei humana carne suscepta homo factus est?* Quod si verus Deus et verus Filius Dei conceptus non est, nec verus Filius Dei ex Virgine natus est. Quod si ita est, ergo purus homo, et sine Deitate natus est : quod quam catholicæ fidei contrarium sit, omnis recte credens intelligit. Secundum catholicam ergo fidem verus Filius Dei conceptus et natus est ex Virgine idem ipse, qui ante omnia sæcula natus est ex Patre : quia natura huma-

* Vide infra in epist. ad Elipandum, num. 11.

A nitatis assumpta non aliud fecit esse eum qui ex Virgine natus est, quam eum qui ex Patre ante tempora genitus est : sed eumdem ipsum hoc faciun esse, quod ante non fuit, patenter ostendit.

XV. Sed quia longum est, cuncta tuæ pravitalis argumenta discutere, de hoc tibi respondere in præsenti sufficiat, quod Filium Dei hominem factum, verum Deum per hoc maxime negare coneris, quia pro se legitur orasse sicut et pro nobis. Quod ubi legisses, prorsus ignoro, scilicet « Filium Dei pro se, sicut pro nobis orasse. » Nam quid sibi præstare ipse non potuit, cui omnia dedit Pater in manus (Joan. iii, 55) ? Vel cujus peccati veniam a Deo postulare putandus est, qui peccatum non fecit, nec dolus inventus est in ore ejus (Isai. lxx, 9; I Petr. ii, 22) ?

B Nos namque, qui Deum indesinenter orare jubemur, habemus sine dubio quod nobis ab eo dimittatur; Christus vero, quid sibi dimitti postularet, qui unquam nihil fecit quod ei dimitti potuisse ? Pro nobis ergo orare credendus est, scilicet pro suo corpore, quod Ecclesia est, quam adhuc in fragilitate carnis positam frequenter peccare non ignorat. Quod 858 ipsum et hodie quoque facit Apostolo teste, qui ait : *Qui etiam interpellat pro nobis* (Rom. viii, 34). Igitur, ut prædiximus, eo modo pro nobis orare dicitur, quod illam carnem quam pro nobis assumpsit, in qua et passus est, Deo Patri ostendit : *hæc est enim ejus pro nobis interpellatio;* scilicet passiones, quas pro nobis innocens suscepit, monstrando quodam modo Deum Patrem, ut nostri misereatur, ad-

C monere : non quod ille fons sapientiae et scientiae plenitudo aliquid ignorare possit, sed quia hoc quod semper scit et desiderat, per carnis ex nobis assumptæ naturam præstat, quod præstandum et nobis profuturum esse cognoscit, id est, in se credentes, et in se sperantes, et amantes cognoscere facit. Hoc ipsum namque et prædecessor tuus Nestorius solebat dicere, videlicet quod Christus pro se et pro genere corporis sui sacrificium obtulisset. Quod enim tu orasse eum pro se dicis, hoc ille, idem volens intelligi, obtulisse dixit se pro se et genere. Contra quam blasphemiam quid beatus Cyrilus opposuisset, audi, ait enim : « Si quis dicit, quia pro se obtulit Christus oblationem, et non magis pro nobis solis, anathema sit. » Et alibi : « Obtulit enim corpus pro-

D prium, non pro se, sed pro nobis. Nam qua pro se oblatione vel sacrificio indigeat, qui ab omni peccato liber, ut Deus, existit ? Qui autem dicit quia semetipsum tam pro se quam pro nobis obtulerit, nullatenus impietatis crimen effugiet. » Idem quoque ipse Cyrus : Aiunt, inquit, haeretici non pro nobis selum, sed etiam pro se obtulisse Christum semetipsum, quod a recta et immaculata fide alienum. » Quod ergo orasse dicitur, et in oratione pernoctasse, et tanta instantia supplicasse, ut sudor ejus sicut guttae sanguinis decurreret super terram (Luc. xxi, 44), totum ideo factum esse intelligendum est, ut veritatem assumptæ humanitatis ostenderet, quæ la-

crymas et sudorem possit habere, et ut deprecatio-
nibus nostris accessibilem monstraret Patris auditum,
ut quæ nos in temptationibus non inertia dormitantes
tabescere, sed potius in orationis instantia vigilan-
ter exerceri curemus : Hoc namque significat, quod
quando orasse legitur, hoc sæpius noctibus fecisse
dicitur, scilicet noctis tenebris temptationum indicans
tempestates. Sed et hoc maxime sua innuit oratione,
quod innocentie suo sudore terra lavanda fuisse, quæ
per illius sudorem noxiū polluta fuit, cui dicitur :
In sudore vultus tui vesceris panem tuum (*Gen. iii, 19*).
Nam illa natura de Adam primo homine propagata
nonquam suum panem, quo ad æternam vitam nu-
triret, gustasset, si non eamdem naturam Filius Dei
panis vivus, panisque angelorum assumere dignare-
tur. Sed et hoc quod evangelista ait, sudorem ejus
quasi guttas sanguinis esse defluentes in terram, hoc
significare videtur, quod illud primum homicidium
Christi fuisse sanguine mundandum, de quo dicitur :
Vox sanguinis fratris tui clamat ad me de terra (*Gen.
iv, 10*). Ille namque sanguis Christi magis ad Deum
Patrem clamat, qui pro omnium nostra salute in ter-
ram effusus est : vel quando pro nobis ipse Dominus
noster orabat, vel quando pro nobis in cruce pendens
vulnera percutientis militis sustinuit. Sed de his ista
sufficiant.

XVI. Sententia vero Jacobi apostoli, quam pro
adoptionis nomine positam ad exemplum protulisti,
longe aliter a sanctis Patribus, quain a te est inter-
pretata, exponi solet, sicut et illa quam de Salomo-
ne posuisti : « Negando, inquis, nomine adoptionis
in Christi carne, ut puto unum verbum, in quantos
offensionis laqueos sese dilatet, ut est illud in Salo-
mone : *Qui in uno peccaverit, multa bona perdet* (*Eccle.
ix, 18*). Et in Jacobo Apostolo : *Si quis totam le-
gem servaverit, offendat autem in uno, factus est om-
nium reus* (*Jac. ii, 10*). Sed quis nesciat de temetipso
hæc convenienter testimonia proferenda ? Nam quid
aliud fecisti, quam in illo uno peccasti, ubi multa
bona perdisti ? Unum enim est illud maximum et
primum mandatum, charitas, quæ sola vera in Ecclesia
catholica esse cognoscitur. Qui ergo te ipsum extra Ec-
clesiam catholicam esse fecisti, quid aliud fecisti,
quam in illo charitatis mandato peccasti ? in quo qui
peccaverit, et si totam legem servaverit, *factus est
omnium reus*. Non ergo de adoptione in Christo negata,
sed de unitate charitatis scissa dictum est, quod qui in
uno offendit, factus est omnium reus. *Si enim*, inquit
Apostolus, *habeam omnem fidem, charitatem autem
non habeam, nihil mihi prodest* (*I Cor. xiii, 3*), et
cætera, quæ ibi de laude charitatis dicta sunt. In
hujus itaque te charitatis **859** gremium citius per-
venire satage, extra quod cetera omnia, etsi bene fa-
cta videantur, nihil prodesse possunt ; nec omnino be-

^a In cod. ms. regio num. 2848, verba hic adeo
obliterata sunt, sicut hoc loco notavit Quercetanus,
ut vix ac ne vix quidem legi possint. Credit tamen
Cl. D. Lieble bibliothecari ^b monasterii S. Germani

A nefacta dici debent, quæ sine charitatis perfectione
aguntur. Sufficiat ergo tibi, quod hucusque peccasti :
non tibi videatur minoris esse periculi, quod unita-
tem catholicæ Ecclesiæ dividendo schisma facias,
et membra Christi prave docendo a suo corpore se-
pares, quam si temetipsum occidendo homicidium
facias. Quin potius majoris esse damnum manifes-
tum est, tantos seducendo perimere, quam unum so-
lum perire.

XVII. Revertere ergo tandem aliquando in temet-
ipsum, poenitendo quod egisti, qui tantum effusus
es extra te discutiendo quæ non dehuisti. Sufficiat
tibi, sicut et frequenter admonui, et alhuc admo-
nere non cesso, quod sancta Dei et universalis Ec-
clesia de Christo credere et docere semper ab initio
solebat, et usque in finem saeculi, ubique catho-
lica Dei Ecclesia est, docere non cessabit, impleto
dicto [*Leg. Domino*] nostro Iesu Christo quod pro-
misit, se videlicet usque in finem saeculi cum suis
fidellibus esse mansurum. Sufficiat, inquam, tibi
credere Christum Filium Dei verum esse Deum, et
verum Filium Dei... ^a . Et de sacramento incar-
nationis ejusdem Dei nostri plus investigare ne la-
bores, quam quod in Evangelii legisti, et in aposto-
lorum dogmatibus scriptum invenisti. Quidquid ergo
his concordat, firmum tene et veraciter crede ; quod
vero his contrarium et inconveniens videris, quasi
mortiferi veneni pestem fuge. Christum regem om-
nium saeculorum lauda et adora, conditionalis ser-
vitii nomen de corde tuo simul et ore ut auferas,
enitere. Nam quod pro te servus dici vel esse vo-
luit, voluntarie est manus obedientiae, non... ^b nec
poena conditionis. « Ad hoc namque, ut ait beatus
Augustinus in expositione Psalmi quinquagesimi
sexti (*Num. 5, 10*), homo factus est, quia miseri-
coris ; non ut conditionis necessitate nasceretur, sed
ut nos conditione necessitatis liberaret. » Et paulo
post addit : « Angelica creatura servit Christo, ad
obsequendum moniti fuerunt [*Forte*, missi fuerunt ;
apud Aug., mitti potuerunt] angeli, ad servitium
mitti potuerunt, non [ad] coadjutorium, sicut scrip-
tum est, *Angeli ministrabant ei* (*Matth. iv, 11*), non
tanquam ministrantes [*S. Aug.*, misericordes] indi-
genti, sed tanquam subjecti omnipotenti. » Si igitur
omnis angelica creatura subjecta est [ei, et] quasi
Deum adorat, et ipsi omne genu flectitur coelestium,
terrestrium et infernorum, quid tu scilicet [*Aug.*, tu
solus] omnibus manes ?....

Adora ergo eum nobiscum, regem celorum, Do-
minum omnium, verum Filium Dei Patris, verum
Deum Salvatorem nostrum, cui honor æternus,
virtus indeficiens, laus perpetua in saecula saeculorum.
Amen.

Parisiis, qui eundem codicem inspexit, legi hic
posse : *in dualis naturis*.

^b Credo legendum, scribit laudatus D. Lieble :
Non necessaria paena conditionis.